

Liahona

**Mga Pakigsaad: Atong
Labing Mahinungdanon
nga mga Saad, p. 20**

**Upat ka mga Yawe sa Pagtudlo
alang sa Pagkabig, p. 12**

**Eskwela, Trabaho, Pakig-date—
Unsa ang Buhaton Kon ang Inyong
mga Plano Mapakyas, p. 42**

**Unsaon Nako sa Pagkasayud
nga Ako Adunay Pagpamatuod?
pp. 54, 66, 68**





© 2010 SANDRA B. RAST, DILI MAHIMONG PAKOPYAHAN

Ang Milagro sa Buntog, ni Sandra B. Rast

Niadtong 1846 ang katapusan nga mga Santos sa Ulahing mga Adlaw gipugos sa pagpahawa sa Nauwoo, Illinois. Kadaghanan nila kabus, masakiton, o edaran na. Adunay gamay lang nga mga kapanguhaan, sila mitabok sa Mississippi River ug nagtukod og temporaryong kapuy-an. Taliwala niana nga pag-antus, gatusan ka mga buntog ang milupad ngadto ug mitugdon sa kampo. Kini dili gayud mga idlas nga ang mga Santos makadakop niini gamit ang ilang mga kamot, nahimong pagka-on alang sa gipanggutom nga mga Santos.



Liahona, Hulyo 2012

MGA MENSAHE

- 4 Mensahe sa Unang Kapangulohan: Anaa Kanunay sa Tunga-tunga**
Ni Presidente Dieter F. Uchtdorf
- 7 Mensahe sa Visiting Teaching: Pagpakita sa Atong Pagkadisipulo pinaagi sa Gugma ug Serbisyo**

LABING IMPORTANTING MGA ARTIKULO

- 16 Ang Kalig-on sa Atong Panulundon**
Ni Elder L. Tom Perry
Sama nga ang mga pioneer mipalambo pag-ayo sa disyerto sama sa rosas, mao usab ang atong mga kinabuhi kon atong sundon ang ilang mga kinaiya ug tradisyon.
- 20 Pagsabut sa Atong mga Pakigsaad ngadto sa Dios: Usa ka Kinatibuk-ang Pagpasabut [Overview] sa Atong Pinaka Importante nga mga Pakigsaad**

- 24 Public Affairs: Nagdugtong sa Simbahan ug Komunidad**
Ni Philip M. Volmar
- 35 Pag-atubang sa Umaabut nga may Paglaum**
Ni Elder José A. Teixeira
Bisan pa sa pagkawala sa tanan niyang mga kabtangan, si Brother Grilo mibati og positibo sa karon ug naglaum sa umaabut.


MGA DEPARTAMENTO

- 8 Notebook alang sa Komperensya sa Abril**
- 10 Kami Naghisgot kang Kristo: Usa ka Suba sa Kalinaw**
Ni Lanise Heaton
- 12 Pagserbisyo diha sa Simbahan: Ang Leksyon Anaa sa Tigkat-on**
Ni Russell T. Osguthorpe

- 30 Atong mga Panimalay, Atong mga Pamilya: Ayaw Gayud Pag-undang**
Nila ni Al ug Eva Fry
- 38 Mga Tingog sa mga Santos sa Ulahing mga Adlaw**
- 74 Mga Balita sa Simbahan**
- 79 Mga Ideya sa Family Home Evening**
- 80 Hangtud Kita Magkita Pag-usab: Walay Buling gikan sa Kalibutan**
Ni Julie Thompson

.....
ANAA SA HAPIN
 Sa atubangan: Paghulagway sa litrato pinaagi ni Christina Smith.
 Sa luyo: Gilitratohan ni Robert Casey.

Mubo nga sulat: Ang Hunyo 2012 nga *Liahona* naglakip og litrato sa usa ka batan-ong lalaki nga gisakripisyo ang kontrata alang sa propesyonal rugby aron magserbisyo og full-time misyon. Komon lang, ang jersey sa iyang opisyal nga team adunay mga logo sa lainlaing mga kompaniya. Ang Simbahan ni Jesukristo sa mga Santos sa Ulahing mga Adlaw wala mosuporta o moendorso niining mga kompaniya o sa ilang mga produkto o serbisyo.




42

42 Kon ang Maayong mga Plano Napakyas

Ni Stephanie J. Burns

Mga young adult nga nanlimbasug sa panaw sa ilang kinabuhi nga ang mga kausaban sa ilang giplano nakadala kanila ngadto sa eksaktong destinasyon.



Tan-awa kon imo bang makit-an ang Liahona nga gitago dinhi niini nga isyu. Timaan: Pagkolor og bag-ong dahon.

46 Ang Importansya sa mga Panalangin sa Priesthood

Ni Elder Dallin H. Oaks

Ang mga panalangin sa priesthood makatabang kaninyo sa pagbuntog sa mga babag padulong sa kinabuhing dayon.

49 Poster: Pagpamatuod

50 Gahum diha sa Pag-ampo

Ni Paul VanDenBerghe

Kon masanapan, ang mga tin-edyer sa Pilipinas sa isla sa Cebu dili nila "palapawon ang tubig" sa ilang ulo pinaagi sa pag-ampo.

53 Gikan sa Natad sa Misyon: Usa ka Saad ug usa ka Pag-ampo

Ni Pablo Mireles Betts

54 Unsa ang Lunsay nga Pagpamatuod?

Ni Elyse Alexandria Holmes

58 Pagpasundayag ngadto sa Katawhan

Ni Brittany Thompson

Ang akong kinabuhi usa lamang ka pagpakaaron-ingnon hangtud nga nakahukom ko nga mag-usab sa akong gidala nga papel.



66

59 Usa ka Hunghong sa Kamabination

Ni Deborah Moore

Unsa ang buhaton ni James kon ang tigbugal-bugal sa eskuwelahan mosimba?

61 Linain nga Saksi: Ang nag-una nga mga pioneer nanimuyo dugay nang panahon. Unsa may akong makat-unan gikan nila?

Ni Elder L. Tom Perry

62 Paghimo og Kasaysayan

Ni Chad E. Phares

Sila si Soma, Eszter, ug Kata naningkamot nga mahimong maayong ehemplo alang sa Simbahan sa Hungary.

64 Pagdala sa Primary ngadto sa Panimalay: Ako Mopili sa Matarung pinaagi sa Pagsunod sa mga Baruganan sa Ebanghelyo

66 Ang Pagpamatuod ni Thomas

Ni Joshua J. Perkey

Sa dili pa mopakigbahin si Thomas sa iyang pagpamatuod, kinahanglan niyang makat-unan unsa ang pagpamatuod.

68 Usa ka Nagtubo nga Pagpamatuod

Palamboa ang inyong pagpamatuod usa ka kamatuoran matag higayon.

69 Atong Pahina

70 Para sa Gagmayng mga Bata



58

Internasyonal nga magasin sa Ang Simbahan ni Jesukristo sa mga Santos sa Ulahing mga Adlaw nga giimprinta sa Cebuano

Ang Unang Kapangulohan: Thomas S. Monson, Henry B. Eyring, Dieter F. Uchtdorf

Korum sa Napulog Duha ka mga Apostoles:

Boyd K. Packer, L. Tom Perry, Russell M. Nelson, Dallin H. Oaks, M. Russell Ballard, Richard G. Scott, Robert D. Hales, Jeffrey R. Holland, David A. Bednar, Quentin L. Cook, D. Todd Christofferson, Neil L. Andersen

Editor: Paul B. Pieper

Mga Adviser: Keith R. Edwards, Christoffel Golden Jr., Per G. Malm

Tigdumalang Direktor: David L. Frischknecht

Direktor sa Editorial: Vincent A. Vaughn

Direktor sa Grapiks: Allan R. Loyborg

Tigdumalang Editor: R. Val Johnson

Mga Luyo-luyo sa Tigdumalang Editor:

Jenifer L. Greenwood, Adam C. Olson

Kauban mga Editor: Susan Barrett, Ryan Carr

Mga Kawani sa Editorial: Brittany Beattie, David A. Edwards, Matthew D. Flitton, LaRene Porter Gaunt, Carrie Kasten, Jennifer Maddy, Lia McClanahan, Melissa Merrill, Michael R. Morris, Sally J. Odekkirk, Joshua J. Perkey, Chad E. Phares, Jan Pinborough, Paul VanDenBerghe, Marissa A. Widdison, Melissa Zentou

Tigdumalang Direktor sa Art: J. Scott Knudsen

Direktor sa Art: Scott Van Kampen

Tigdumala sa Produksyon: Jane Ann Peters

Mga Senior nga Tigdesinyo: C. Kimball Bott, Colleen

Hinckley, Eric P. Johnsen, Scott M. Mooy

Mga Kawani sa Desinyo ug Produksyon: Collette Nebeker

Aune, Connie Bowthorpe Bridge, Howard G. Brown, Julie

Burdett, Bryan W. Gygi, Kathleen Howard, Denise Kirby,

Ginny J. Nilson, Gayle Tate Rafferty

Prepress: Jeff L. Martin

Direktor sa Pag-imprinta: Craig K. Sedgwick

Direktor sa Pagpang-apud-apod: Evan Larsen

Paghubad: Francisco M. dela Cruz

Ipadala ang subskripsyon, mga pangutana, ug mga taho ngadto sa *Dateline Philippines* sa *Liahona*, The Church of Jesus Christ of Latter-day Saints, Temple Drive, Greenmeadows Subdivision, Quezon City 1110, Metro Manila, Philippines o sa P. O. Box 1505, Ortigas Center, Emerald Avenue, Pasig 1600, Metro Manila, Philippines. Numero sa telepono 635-9183. Presyo sa subskripsyon sa Pilipinas, P86.40 matag tuig, P4.00 matag gula, gawas sa mga espesyal nga isyu.

Isumiter ang mga manuskrito ug mga pangutana online sa liahona.lds.org; kon ipadala ngadto sa *Liahona*, Room 2420, 50 East North Temple Street, Salt Lake City, UT 84150-0024, USA; o i-e-mail sa: liahona@ldschurch.org

Ang *Liahona* (usa ka termino sa Basahon ni Mormon nga nagpasabot nga "kompas o direktor") gimantala sa Albanian, Armenian, Bislama, Bulgarian, Cambodian, Cebuano, Chinese, Chinese (simplified), Croatian, Czech, Danish, Dutch, English, Estonian, Fijian, Finnish, French, German, Greek, Hungarian, Icelandic, Indonesian, Italian, Japanese, Kiribati, Korean, Latvian, Lithuanian, Malagasy, Marshallese, Mongolian, Norwegian, Polish, Portuguese, Romanian, Russian, Samoan, Slovenian, Spanish, Swedish, Tagalog, Tahitian, Thai, Tongan, Ukrainian, Urdu, ug Vietnamese. (Ang kasagad magkalahi sa pinulongan.)

© 2012 sa Intellectual Reserve, Inc. Tanang mga katungod gigahin. Gigamit sa Ang Simbahan ni Jesukristo sa mga Santos sa Ulahing mga Adlaw nga may pagtugot. GI-imprinta sa Tinipong Bansa sa Amerika.


Ang teksto ug biswal nga materyal diha sa *Liahona* mahimong kopyahan alang sa sulagma, dili pangkomersyo nga paggamit sa simbahan o panimalay. Ang biswal nga materyal dili mahimong kopyahan kon kini adunay mga pagdili diha sa linya sa kredito sa maong artwork. Ang mga pangutana kinahanglan ipadala ngadto sa Intellectual Property Office, 50 East North Temple Street, Salt Lake City, UT 84150, USA; e-mail: cor-intellectualproperty@ldschurch.org.

For Readers in the United States and Canada:

July 2012 Vol. 15 No. 7. LIAHONA (USPS 311-480) Cebuano (ISSN 1096-5114) is published monthly by The Church of Jesus Christ of Latter-day Saints, 50 East North Temple, Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address *must* be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (Visa, MasterCard, American Express) may be taken by phone. (Canada Poste Information: Publication Agreement #40017431)

POSTMASTER: Send address changes to Salt Lake Distribution Center, Church Magazines, PO Box 26368, Salt Lake City, UT 84126-0368.

Anaa pay daghan sa Internet Liahona.lds.org



PARA SA MGA HAMTONG

Ang mga lider sa priesthood mitabang sa lokal nga mga komunidad pinaagi sa Church public affairs councils (tan-awa sa pahina 24). Masayud pa mo og dugang kabahin niadto nga mga paningkamot sa publicaffairs.lds.org (sa Iningles).

PARA SA MGA KABATAN-ONAN

Bititaha ang youth.lds.org alang sa libreng pag-download ug musika, makapadasig nga mga video, ug mga artikulo kabahin sa mga baruganan sa *Alang sa Kalig-on sa mga Kabatan-onan*.

PARA SA MGA BATA

Himamata sila si Soma, Eszter, ug Kata gikan sa Budapest, Hungary, sa pahina 62. Tan-awa ang ilang dugang mga litrato sa liahona.lds.org.

MGA HILISGUTAN NIINI NGA ISYU

Mga numero sa pahina nagrepresentar sa unang pahina sa artikulo.

Basahon ni Mormon , 38, 53	Pagkamatinuoron , 70
Espiritu Santo , 12	Pagkat-on , 12
Hugot nga Pagtuo , 35, 42	Paglaum , 35, 42
Jesukristo , 10	Pagpamatuod , 30, 40, 49, 54, 66
Kalisdanan , 35	Pagpangandam , 4
Kamatayon , 10	Pagpasaylo , 38
Kaminyoon , 30	Pagpuasa , 64
Kinaiya , 58	Pagtudlo , 12
Kinatibuk-ang komperensya , 8	Pakigsaad, mga , 20
Misyonaryo nga buhat , 4, 24, 38, 53	Pamilya , 16, 30, 41
Ordinansa, mga , 20	Panalangin, mga , 46
Pag-ampo , 38, 50, 64	Pioneer, mga , 16, 61
Pagkakabig , 30	Priesthood , 46
Pagkamabination , 59	Public affairs , 24
Pagkamasulundon , 42	Serbisyo , 7, 24, 80
	Templo, mga , 80
	Visiting teaching , 7

SA INYONG PINULONGAN

Ang *Liahona* ug ubang mga materyal sa Simbahan anaa sa daghang pinulongan sa languages.lds.org.



Ni Presidente
Dieter F. Uchtdorf

Ikaduhang Magtatambag
sa Unang Kapanguloan

ANAA KANUNAY SA Tunga-tunga

Sa daghang mga kalendaryo sa kalibutan, ang Hulyo nagtimaan sa tunga-tunga sa tuig. Samtang ang sinugdanan ug katapusan sa mga panghitabo sa-lugon ug hinumduman, ang tunga-tunga sa kanunay dili mabantayan.

Ang mga sinugdanan mao ang mga panahon sa paghimo og mga resolusyon, sa pagmugna og mga plano, sa pagdugang og kusog. Ang mga katapusan mao ang mga panahon sa pagpahulay ug maghimong maglakip sa mga pagbati sa kalampusan o kapakyasan. Apan sa eksaktong panglantaw, ang pagkonsiderar sa atong kaugalingon nga *anaa sa tunga-tunga* sa mga panghitabo makatabang kanato nga dili lang mas makasabut sa kinabuhi apan makapuyo usab niini nga mas makahuluganon.

Ang Tunga-tunga sa Misyonaryo nga Buhat

Kon mamulong ko sa atong batan-ong mga misyonaryo, kanunay nako silang sultihan nga anaa sila sa tunga-tunga sa ilang mga misyon. Bisan pa kon miabut lang sila sa miaging adlaw o mouli pagkasunod adlaw, hangyoon nako sila sa paghunahuna sa ilang kaugalingon nga anaa kanunay sa tunga-tunga.

Ang bag-ong mga misyonaryo mahimong mobati nga sila wala pa kaayoy kasinatian aron mahimong epektibo, mao nga dili sila kaayo makasulti o makalihok nga may pagsalig ug kaisug. Ang sinati na nga mga misyonaryo kinsa hapit na matapos ang ilang misyon mahimong mobati og kaguol nga hapit na matapos ang ilang misyon, o mahimong mawad-an og gana sa pagtrabaho samtang mamalandong kon unsa ang ilang buhaton human sa ilang misyon.

Bisan unsa pa ang mga sirkumstansya ug bisan asa sila nagserbisyo, ang tinuod mao nga ang mga misyonaryo

sa Ginoo nagpugas matag adlaw og dili maihap nga mga liso sa kamaayo. Ang paghunahuna nga sila anaa kanunay sa tunga-tunga sa ilang mga misyon makapadasig ug makapaabtik niining matinud-anong mga representante sa Ginoo. Sama nga mahitabo kini sa full-time nga mga misyonaryo, mahitabo usab kini kanatong tanan.

Kita Anaa Kanunay sa Tunga-tunga

Kining kausaban sa panglantaw dili lang usa ka paglipat sa hunahuna. Adunay lalum nga kamatuoran sa ideya nga kita anaa kanunay sa tunga-tunga. Kon atong tan-awon sa mapa ang atong lokasyon, kita matintal sa pagsulti nga kita anaa sa sinugdanan. Apan kon atong klarohon gyud sa pagtan-aw, bisan asa pang dapita kita anaa lamang sa tunga-tunga sa dako nga lugar.

Kon ingon niini kabahin sa lugar, mao usab kini sa panahon. Mahimong mobati kita nga anaa sa sinugdanan o katapusan sa atong kinabuhi, apan kon kita molantaw asa na ta dapit karon diha sa kahangturan—kita makaamgo nga ang atong espiritu anaa na lapas sa atong kapasidad sa pagsukod ug, tungod sa hingpit nga sakripisyo ug Pag-ula ni Jesukristo, ang atong kalag maanaa sa kahangturan—kita masayud nga kita sa tinuoray anaa sa tunga-tunga.

Bag-ohay lang nadasig ko nga usabon ang lapida sa lubnganan sa akong mga ginikanan. Tungod sa panahon ang lubnganan ingon bati na tan-awon, ug mibati ko nga ang bag-ong lapida mas maayo alang sa ilang talagsaon nga kinabuhi. Sa dihang akong gitan-aw ang mga petsa sa pagkatawo ug pagkamatay nga anaa sa lapida nga gisumpay sa kasagarang gibalihala nga gamay nga dash, kining mubo nga simbolo sa panahon sa kinabuhi nakapahunahuna ug nakapabati kanako og daghang maanindot nga mga panumduman. Ang matag usa niining bililhon



nga mga panumduman nagpakita og higayon sa tunga-tunga nga panahon sa kinabuhi sa akong ginikanan ug sa akong kinabuhi.

Bisan pila pa ang atong edad, bisan asa pa kita, kon adunay mga hitabo sa atong kinabuhi, kita anaa kanunay sa tunga-tunga. Dugang pa, kita hangtud sa hangtud anaa sa tunga-tunga.

Ang Paglaum nga Maanaa sa Tunga-tunga

Oo, adunay mga higayon sa mga sinugdanan ug mga katapusan sa tibuok natong kinabuhi, apan kini mga timailhan lamang sa dalan sa talagsaong tunga-tunga sa atong mahangturong kinabuhi. Dili igsapayan kon kita anaa sa sinugdanan o sa katapusan, kon kita batan-on o tigulang, gamiton kita sa Ginoo alang sa Iyang mga katuyoan kon ato lamang ibaliwala ang bisan unsang panghunahuna nga mobabag sa atong abilidad sa pagserbisyo ug motugot nga ang Iyang kabubut-on molulma sa atong kinabuhi.

Ang Salmista miingon, “Kini mao ang adlaw

nga gibuhay sa Ginoo; niini [kinahanglang] managmaya ug managkalipay kita” (Salmo 118:24). Si Amulek nagpahinumdom kanato nga “kini nga kinabuhi mao ang panahon alang sa mga tawo sa pagpangandam sa pag-sugat sa Dios; oo, tan-awa *ang adlaw niini nga kinabuhi* mao ang adlaw alang sa mga tawo sa paghimo sa ilang mga buluhaton” (Alma 34:32; emphasis gidugang). Ug usa ka mambabalak misulat, “Ang kahangturan—naglangkob sa mga Karon.”¹

Ang pagkaanaa kanunay sa tunga-tunga nagpasabut nga ang dula dili gayud matapos, ang paglaum dili gayud mawala, ang kapildihan dili mao ang katapusan. Dili igsapayan kon asa kita o unsa ang atong mga sirkumstansya, ang kahangturan sa mga sinugdanan ug sa mga katapusan anaa pa sa atong unahan.

Kita anaa kanunay sa tunga-tunga. ■

MUBO NGA SULAT

1. Emily Dickinson, “Forever—is composed of Nows,” sa *The Complete Poems of Emily Dickinson*, ed. Thomas H. Johnson (1960), 624.

PAGTUDLO NIINI NGA MENSAHE

Konsiderar sa paghisgut uban sa pamilya kon sa unsang paagi sila “anaa kanunay sa tunga-tunga,” bisan kon sila nagsugod o nagtapos og usa ka butang. Awhaga sila sa pagbuhay sa ilang pinakamaayo sa ilang mga kalihokan karon, dili magpabilin sa nangagi o magpaabut sa mosunod nga kalihokan or proyekto. Mahimo ninyong isugyot nga sila makapili og usa ka butang nga ilang buhaton isip usa ka pamilya sa pagtuman niining tambag ug mag-sabut og petsa nga ilang laumon nga matuman ang ilang tumong.

MGA KABATAN-ONAN

Sa Tunga-tunga sa Inyong Pagpangandam sa Misyon

Si Presidente Uchtdorf nagsulti sa mga misyonaryo nga maghunahuna nga sila anaa sa tunga-tunga sa ilang misyon. Inyong magamit usab kini nga ideya sa inyong pagpangandam sa misyon: bisan kon kamo 12 o 18 anyos, kamo makapangandam sa pagserbisyo ug misyon.

Unsa ang pipila ka mga butang nga mahimo ninyong buhaton “diha sa tunga-tunga” sa inyong pagpangandam sa misyon?

- Kanunay nga angay nga moadto sa templo.
- Magkat-on sa pag-ila sa mga pagdasig gikan sa Espiritu Santo pinaagi sa pagsulat sa inyong mga pagdasig ug pagsunod niini.
- Mag-ampo alang sa mga misyonaryo.
- Mangutana sa mga misyonaryo sa inyong dapit kon unsa ang ilang marekomendar kaninyo aron sa pagandam sa pagserbisyo ug misyon.
- Magkat-on nga epektibong mogahin sa inyong panahon, lakip ang importanting mga kalihokan sama sa pagserbisyo, pagtuon sa kasulatan, ug pagsulat sa journal.
- Magpakigbahin ug kasulatan nga bag-ohay lang nakadasig kaninyo, kon makig-istorya sa sakop sa pamilya. Ipasabut kon unsa ang inyong hunahuna kabahin sa kasulatan.
- Mangutana sa inyong mga higala kabahin sa ilang mga relihiyon ug unsa ang ilang gituohan. Andam nga mopakigbahin sa inyong gituohan. Dapita sila sa simbahan o sa mga kalihokan.

Samtang inyong naila nga kamo anaa sa tunga-tunga sa inyong pagpangandam sa misyon, pagpakabuhi nga mas angay sa pagsalig sa Ginoo ug sa pagpakig-uban sa Espiritu.



MGA BATA

Ang Tanan Adunay Mabuhat Karon

1. Si Presidente Uchtdorf nagtudlo nga bisan pila pa ang inyong edad, kamo adunay mabuhat sa pagtabang sa uban. Sa inyong journal o sa usa ka piraso nga papel, ilista ang inyong mga gasa o mga abilidad. Pangutan-a ang inyong mga ginikanan kon unsa sa ilang hunahuna ang inyong mga gasa.
2. Pagdesisyon kon unsaon ninyo paggamit ang inyong mga gasa sa pagtabang sa uban sa mga sitwasyon sa ubos.



3. Sa katapusan sa inyong listahan sa mga gasa, paglista og usa ka paagi kon unsaon ninyo paggamit niadtong mga gasa sa pagtabang sa uban niining semanaha.





Ni Presidente
Dieter F. Uchtdorf

Ikaduhang Magtatambag
sa Unang Kapanguloan

ANAA KANUNAY SA Tunga-tunga

Sa daghang mga kalendaryo sa kalibutan, ang Hulyo nagtimaan sa tunga-tunga sa tuig. Samtang ang sinugdanan ug katapusan sa mga panghitabo saulugon ug hinumduman, ang tunga-tunga sa kanunay dili mabantayan.

Ang mga sinugdanan mao ang mga panahon sa paghimo og mga resolusyon, sa pagmugna og mga plano, sa pagdugang og kusog. Ang mga katapusan mao ang mga panahon sa pagpahulay ug maghimong maglakip sa mga pagbati sa kalampusan o kapakyasan. Apan sa eksaktong panglantaw, ang pagkonsiderar sa atong kaugalingon nga *anaa sa tunga-tunga* sa mga panghitabo makatabang kanato nga dili lang mas makasabut sa kinabuhi apan makapuyo usab niini nga mas makahuluganon.

Ang Tunga-tunga sa Misyonaryo nga Buhat

Kon mamulong ko sa atong batan-ong mga misyonaryo, kanunay nako silang sultihan nga anaa sila sa tunga-tunga sa ilang mga misyon. Bisan pa kon miabut lang sila sa miaging adlaw o mouli pagkasunod adlaw, hangyoon nako sila sa paghunahuna sa ilang kaugalingon nga anaa kanunay sa tunga-tunga.

Ang bag-ong mga misyonaryo mahimong mobati nga sila wala pa kaayoy kasinatian aron mahimong epektibo, mao nga dili sila kaayo makasulti o makalihok nga may pagsalig ug kaisug. Ang sinati na nga mga misyonaryo kinsa hapit na matapos ang ilang misyon mahimong mobati og kaguol nga hapit na matapos ang ilang misyon, o mahimong mawad-an og gana sa pagtrabaho samtang mamalandong kon unsa ang ilang buhaton human sa ilang misyon.

Bisan unsa pa ang mga sirkumstansya ug bisan asa sila nagserbisyo, ang tinuod mao nga ang mga misyonaryo

sa Ginoo nagpugas matag adlaw og dili maihap nga mga liso sa kamaayo. Ang paghunahuna nga sila anaa kanunay sa tunga-tunga sa ilang mga misyon makapadasig ug makapaabtik niining matinud-anong mga representante sa Ginoo. Sama nga mahitabo kini sa full-time nga mga misyonaryo, mahitabo usab kini kanatong tanan.

Kita Anaa Kanunay sa Tunga-tunga

Kining kausaban sa panglantaw dili lang usa ka paglipat sa hunahuna. Adunay lalum nga kamatuoran sa ideya nga kita anaa kanunay sa tunga-tunga. Kon atong tan-awon sa mapa ang atong lokasyon, kita matintal sa pagsulti nga kita anaa sa sinugdanan. Apan kon atong klarohon gyud sa pagtan-aw, bisan asa pang dapita kita anaa lamang sa tunga-tunga sa dako nga lugar.

Kon ingon niini kabahin sa lugar, mao usab kini sa panahon. Mahimong mobati kita nga anaa sa sinugdanan o katapusan sa atong kinabuhi, apan kon kita molantaw asa na ta dapit karon diha sa kahangturan—kita makaamgo nga ang atong espiritu anaa na lapas sa atong kapasidad sa pagsukod ug, tungod sa hingpit nga sakripisyo ug Pag-ula ni Jesukristo, ang atong kalag maanaa sa kahangturan—kita masayud nga kita sa tinuoray anaa sa tunga-tunga.

Bag-ohay lang nadasig ko nga usabon ang lapida sa lubnganan sa akong mga ginikanan. Tungod sa panahon ang lubnganan ingon bati na tan-awon, ug mibati ko nga ang bag-ong lapida mas maayo alang sa ilang talagsaon nga kinabuhi. Sa dihang akong gitan-aw ang mga petsa sa pagkatawo ug pagkamatay nga anaa sa lapida nga gisumpay sa kasagarang gibaliwala nga gamay nga dash, kining mubo nga simbolo sa panahon sa kinabuhi nakapahunahuna ug nakapabati kanako og daghang maanindot nga mga panumduman. Ang matag usa niining bililhon

MGA KABATAN-ONAN

Sa Tunga-tunga sa Inyong Pagpangandam sa Misyon

Si Presidente Uchtdorf nagsulti sa mga misyonaryo nga maghunahuna nga sila anaa sa tunga-tunga sa ilang misyon. Inyong magamit usab kini nga ideya sa inyong pagpangandam sa misyon: bisan kon kamo 12 o 18 anyos, kamo makapangandam sa pagserbisyo ug misyon.

Unsa ang pipila ka mga butang nga mahimo ninyong buhaton “diha sa tunga-tunga” sa inyong pagpangandam sa misyon?

- Kanunay nga angay nga moadto sa templo.
- Magkat-on sa pag-ila sa mga pagdasig gikan sa Espiritu Santo pinaagi sa pagsulat sa inyong mga pagdasig ug pagsunod niini.
- Mag-ampo alang sa mga misyonaryo.
- Mangutana sa mga misyonaryo sa inyong dapit kon unsa ang ilang marekomendar kaninyo aron sa pagandam sa pagserbisyo ug misyon.
- Magkat-on nga epektibong mogahin sa inyong panahon, lakip ang importanting mga kalihokan sama sa pagserbisyo, pagtuon sa kasulatan, ug pagsulat sa journal.
- Magpakigbahin ug kasulatan nga bag-ohay lang nakadasig kaninyo, kon makig-istorya sa sakop sa pamilya. Ipasabut kon unsa ang inyong hunahuna kabahin sa kasulatan.
- Mangutana sa inyong mga higala kabahin sa ilang mga relihiyon ug unsa ang ilang gituohan. Andam nga mopakigbahin sa inyong gituohan. Dapita sila sa simbahan o sa mga kalihokan.

Samtang inyong naila nga kamo anaa sa tunga-tunga sa inyong pagpangandam sa misyon, pagpakabuhi nga mas angay sa pagsalig sa Ginoo ug sa pagpakig-uban sa Espiritu.



MGA BATA

Ang Tanan Adunay Mabuhat Karon

1. Si Presidente Uchtdorf nagtudlo nga bisan pila pa ang inyong edad, kamo adunay mabuhat sa pagtabang sa uban. Sa inyong journal o sa usa ka piraso nga papel, ilista ang inyong mga gasa o mga abilidad. Pangutan-a ang inyong mga ginikanan kon unsa sa ilang hunahuna ang inyong mga gasa.
2. Pagdesisyon kon unsaon ninyo paggamit ang inyong mga gasa sa pagtabang sa uban sa mga sitwasyon sa ubos.



3. Sa katapusan sa inyong listahan sa mga gasa, paglista og usa ka paagi kon unsaon ninyo paggamit niadtong mga gasa sa pagtabang sa uban niining semanaha.





Tun-i kini nga materyal sa mainampuon nga paagi ug, kon angay, hisguti kini uban sa mga sister nga inyong bisitahan. Gamita ang mga pangutana sa pagtabang kaninyo sa paglig-on sa inyong mga sister ug sa paghimo sa Relief Society isip aktibong bahin sa inyong kaugalingon nga kinabuhi.

Pagpakita sa Atong Pagkadisipulo pinaagi sa Gugma ug Serbisyo

Sa Iyang tibuk mortal nga kinabuhi, si Jesukristo mipakita sa Iyang gugma alang sa uban pinaagi sa pagpangalagad kanila. Siya miingon “Ang tanang tawo makaila nga kamo mga tinun-an ko pinaagi niini, kon kamo maghigugmaay ang usa sa usa” (Juan 13:35). Siya ang panig-ingnan ug buot nga kita “motabang niadto nga nagkinahanglan sa [atong] panabang” (Mosiah 4:16). Ang Manluluwas mitawag sa Iyang mga disipulo nga motabang Kaniya sa Iyang pangalagad, naghatag kanila og oportunidad sa pagserbisyo sa uban ug mas mahisama Kaniya.¹

Ang atong pagserbisyo isip mga visiting teacher mahimong mahisama sa pagpangalagad sa atong Manluluwas kon kita mopakita sa atong gugma niadtong atong gibisitahan pinaagi sa pagbuhat sa mosunod:²

- Paghinumdom sa ilang mga ngalan ug sa mga pangalan sa sakop sa ilang pamilya ug makig-ila-ila kanila.
- Paghigugma kanila nga dili maghusga.
- Pag-amuma kanila ug paglig-on sa ilang pagtuo “tagsa-tagsa,” sama sa gibuhit sa Manluluwas (3 Nephi 11:15).
- Pakighigala kanila sa tinuoray ug pagbisita kanila sa ilang mga panimalay ug sa bisan asa nga lugar.
- Pag-atiman sa matag sister. Paghinumdom sa mga adlaw nga natawhan, gradwasyon, kasal, bunyag, o ubang mga okasyon nga mahinungdanon kaniya.



- Pagtabang sa bag-o ug dili kaayo aktibo nga mga miyembro.
- Pagtabang niadtong nag-inusara o niadtong nagkinahanglan sa paghupay.

Gikan sa mga Kasulatan

3 Nephi 11; Moroni 6:4; Doktrina ug mga Pakigsaad 20:47

MUBO NGA MGA SULAT

1. Tan-awa sa *Anak nga mga Babaye sa Akong Gingharian: Ang Kasaysayan ug Buhat sa Relief Society* (2011), 125.
2. Tan-awa sa *Handbook 2: Administering the Church* (2010), 3.2.3.
3. *Anak nga mga Babaye sa Akong Gingharian* 3.
4. *Anak nga mga Babaye sa Akong Gingharian* 7.

Unsa Ang Akong Mahimo?

1. Unsaon nako sa pagpalambo sa akong abilidad sa pag-amuma sa uban?
2. Unsa ang akong gibuhit karon aron sa pagsiguro nga ang mga sister nga akong giamumahan masayud nga ako silang gihigugma?

Hugot nga Pagtuo, Pamilya, Kahupayan

Gikan sa Atong Kasaysayan

“Ang Bag-ong Tugon naglakip sa mga asoy sa mga babaye, ginganlan ug sa wala nganli, kinsa migamit sa hugot nga pagtuo kang Jesukristo. . . . Kini nga mga babaye nahimong ehemplo nga mga disipulo. . . . [Sila] mibiyahe kauban ni Jesus ug sa Iyang Napulog Duha ka mga Apostoles. Gihatag nila ang ilang mga kabtangan aron sa pagtabang sa Iyang pangalagad. Human sa Iyang kamatayon ug Pagkabanhaw, ang mga babaye nagpadayon sa pagkamatind-anon nga mga disipulo.”³

Si Pablo misulat kabahin sa usa ka babaye nga ginganlan og Febe, kinsa “usa ka alagad sa iglesia” (Mga Taga-Roma 16:1). Siya mihangyo sa mga tawo nga “tabangan siya sa bisan usa nga iyang kinahanglanon gikan kaninyo: kay daghan ang gitabangan niya” (Mga Taga-Roma 16:2). “Ang matang sa serbisyo nga gihimo ni Febe ug sa ubang babaye nga bantugan diha sa Bag-ong Tugon nagpadayon karon uban sa mga sakop sa mga lider sa Relief Society—mga lider, mga visiting teacher, mga inahan, ug sa uban—kinsa naglihok isip mga tigtabang sa kadaghanan.”⁴

Notebook alang sa **Komperensya sa Abril**

“Unsa nga Ako ang Ginoo namulong, Ako namulong; . . . bisan pinaagi sa akong kaugalingon nga tingog o pinaagi sa tingog sa akong mga sulugoon, kini managsama ra” (D&P 1:38).

Samtang kamo magribyu sa kinatibuk-ang komperensya sa Abril 2012, inyong magamit kining mga pahina (ug mga Notebook sa Komperensya sa umaabut nga mga isyu) aron sa pagtabang kaninyo ug paggamit sa bag-o nga mga pagtulun-an sa buhi nga mga propeta ug mga apostoles ug ubang mga lider sa Simbahan.

MGA ISTORYA GIKAN SA KOMPERENSYA

Ang Gahum sa Priesthood

Panahon sa Ikaduhang Gubat sa Kalibutan, sa sayong bahin sa 1944, ang kasinatian kalabut sa priesthood nahitabo [ug] gisaysay sa usa ka reporter—dili miyembro sa Simbahan—nga nagtrabaho sa usa ka paman-talaan sa Hawaii. . . . Siya ug ang ubang mga reporter nagsunod sa mga marine didto sa Kwajalein Atoll. Pag-adto nila sa unahan, nakita nila ang batan-ong marine naglutaw nga nagkulob sa tubig, nasamdan og grabe. Ang mabaw nga tubig libut kaniya napuno sa iyang dugo. Ug dayon nakita nila ang laing marine nga nag-paingon sa iyang samdan nga kauban. Ang ikaduhang marine samdan usab, ang iyang walang kamot wala nay umoy. Iyang gipahangad ang ulo sa tawo nga naglutaw sa tubig aron dili siya malumos. Sa nahadlok nga tingog nangayo siya og tabang. Ang mga reporter mitan-aw og balik sa batan-on nga iyang gitabang ug mitubag, “Dong, wala nay mahimo alang niining tawhana.”

“Dayon,” misulat ang reporter, “nakita nako ang butang nga wala pa sukad nako makita.” Ang batan-on, nga nasamdan usab og grabe, miadto sa daplin sa baybayon uban sa daw wala nay kinabuhi nga kaubang marine. Iyang “gipatong ang ulo sa iyang kauban sa iyang tuhod. . . . Kanindot nga tan-awon—kining duha ka samdan nga batan-on—parehong . . . limpyo, nindot tan-awon nga batan-ong mga lalaki, bisan diha sa ilang lisud nga sitwasyon. Ug ang batan-on miduko sa iyang ulo ug miingon, ‘Ako momando kanim, sa pangalan ni Jesukristo ug sa gahum sa priesthood, nga magpabiling buhi hangtud makakuha ko og tabang.’” Ang reporter mitapos sa iyang artikulo: “Kaming tulo, [ang duha ka marine ug ako] ania sa ospital. Ang mga doktor wala masayud [sa unsang paagi nga buhi pa sila], apan ako nasayud.”

Presidente Thomas S. Monson, “Andam ug Takus nga Moserbisyo,” *Liahona*, Mayo 2012, 67, 68.



Mga Pangutana nga Pamalandungon:

- Unsa nga mga panalangin ang moabut sa Santos sa Ulahing mga Adlaw pinaagi sa gahum sa priesthood?
- Sa unsang paagi ang hugot nga pagtuo ug priesthood konektado—alang sa mga naghupot sa priesthood ug sa dumadawat sa mga panalangin?

Ikonsiderar sa pagsulat sa inyong mga hunahuna sa inyong journal o hisguti kini ngadto sa uban.

Dugang mga kapanguhaan niini nga hilisgutan: “Priesthood” sa Study by Topic sa LDS.org; Julie B. Beck, “Gibu-bo nga mga Panalangin,” *Liahona*, Mayo 2006, 11–13; *Gospel Principles* (2009), “Ang Priesthood,” 83–88.

Sa pagbasa, pagtan-aw, o pagpaminaw sa pakigpulong sa kinatibuk-ang komperensya, bisitaha ang conference.lds.org.



MUBONG KASAYURAN [SNAPSHOT] SA SIMBAHAN

Gidaghanon sa mga miyembro (kutob 2011)	14,441,346
Mga Stake ug Mga District	3,554
Mga Ward ug mga Branch	28,784
Mga Misyon	340
Full-Time nga mga Misyonaryo	55,410
Mga Church-Service Missionary	22,299
Mga Kinabig nga Nabunyagan	281,312
Mga Templo nga Magamit	136

DAPIT SA PAGTUON

Mga Susama og Kahulugan: Pamilya

Pipila sa labing importante nga mga hilisgutan, gihisgutan sa sobra sa usa ka mamumulong sa kinatibuk-ang komperensya. Ania ang gihisgutan sa upat ka mamumulong kabahin sa pamilya. Sulayi sa pagpangita og uban pang susama og kahulugan samtang kamo magtuon sa mga pakigpulong sa komperensya.

- “Ang mga bana ug mga asawa kinahanglang makasabut nga ang ilang unang calling—nga dili sila ma-release—mao ngadto sa usag usa ug sa ilang mga anak.”¹— Presidente Boyd K. Packer, Presidente sa Korum sa Napulog Duha ka mga Apostoles
- “Kita kinahanglang mohimo sa mga butang sa husto nga pagkahan-ay! Kaminyoon una ug dayon pamilya. Daghan sa kalibutan ang nakalimot sa natural nga han-ay sa mga butang ug naghunahuna nga makasab og makatuis sila niini.”²— Elder M. Russell Ballard sa Korum sa Napulog Duha ka mga Apostoles
- “Kami nasayud nga ang pamilya nga pagtuon sa kasulatan ug family home evening dili kanunayng perpekto. Bisan pa man sa mga hagit nga inyong giatubang, ayaw pagpakawala sa kadasig.”³—Elder Quentin L. Cook sa Korum sa Napulog Duha ka mga Apostoles
- “Ang pagtudlo sa mga anak sa pagsabut labaw pa kay sa paghatag lamang og impormasyon. Pagtabang kini sa atong mga anak nga ang doktrina makasulod sa ilang mga kasingkasing.”⁴—Cheryl A. Esplin, ikaduhang magtatambag sa kinatibuk-ang kapangulohan sa Primary

MUBO NGA MGA SULAT

1. Boyd K. Packer, “Ug Usa ka Bata nga Gamay Maoy Magamando Kanila,” *Liahona*, Mayo 2012, 8.
2. M. Russell Ballard, “Unta Makit-an ang Nawala,” *Liahona*, Mayo 2012, 100.
3. Quentin L. Cook, “Nahiangay sa Musika sa Pagtuo,” *Liahona*, Mayo 2012, 44.
4. Cheryl A. Esplin, “Pagtudlo sa Atong mga Anak nga Makasabut,” *Liahona*, Mayo 2012, 10.

Propetikanhon nga mga Saad

“**S**a atong pagbiya niini nga komperensya, akong ihatag kaninyo ang mga pana-langin sa langit sa matag usa kaninyo. . . . Hinaut hinuktukan ninyo ang mga kamatuorang nadungog, ug makahimo ninyong mas maayo kay sa wala pa ang komperensya magsugod.”

Presidente Thomas S. Monson, “Sa Atong Pagtapos Niini nga Komperensya,” *Liahona*, Mayo 2012, 116.



APAN KON DILI

“Ang matinud-anon dili hingpit nga makalikay sa mga panghitabo niining kalibutan. Mao nga ang maisugon nga mga kinaiya sa mga nahimutang sa kakuyaw nga sila si Shadrach, Meshach, ug Abed-nego, angay nga sundon. Sila nasayud nga ang Dios makaluwas kanila. ‘Apan kon dili,’ sila misaad, sila sa gihapon moalagad sa Dios bisan unsaon pa man (tan-awa sa Daniel 3:16–18).”

Elder Neal A. Maxwell (1926–2004) sa Korum sa Napulog Duha ka mga Apostoles, “Giliyokan sa mga Bukton sa Iyang Gugma,” *Liahona*, Nob. 2002, 17.

USA KA SUBA SA Kalinaw

Bisan pa sa akong kaguol, nagpadayon ko nga nalig-on pinaagi sa hugot nga pagtuo ug paglaum sa Langitnong Amahan ug ni Jesukristo.

Ni Lanise Heaton

Sa adlaw nga ang among kinamagulangan nga anak nga lalaki namatay tungod sa aksidente, kini nakapasakit gayud sa akong kalag. Bisan pa niana nasayud ko nga makasalig ko sa gahum sa pag-ula sa Manluluwas sa pagdala sa akong tumang kaguol ug kasakit. Ang akong bana ug ako mihangyo sa among mga home teacher sa pagpanalangin sa matag usa kanamo. Nasayud kami nga ang kalig-on moabut labaw pa sa kaysa among kaugalingon. Ang atong Manluluwas nagsaad nga dili kita Niya pasagdan (tan-awa sa Juan 14:18). Misalig gayud ako niana nga saad ug mopamatuod nga Iyang kining gituman.

Si Isaias nagtudlo nga ang Manluluwas “usa ka tawo sa mga kasub-anan, ug nakasinati sa pag-antus” (Isaias 53:3). Kon adunay makatabang kanato, nasayud ko nga Siya makahimo, sa personal kaayo nga paagi. Apan nasayud usab ko nga kon Iya kining tangtangon diha-diha dayon, dili kita molambo, dili kita makasabut.

Bisan pa sa hilabihan nga kasubo,

nakasinati ko og makanunayon nga pagbati sa kalinaw nga nagagikan sa Manluluwas (tan-awa sa 1 Nephi 20:18). Sa partikular sa lisud nga mga higayon, mga adlaw, o gani mga semana, ang Iyang kalinaw mipuli sa akong kaguol. Kinahanglan lang nga pangayoon ko kini. Ang Langitnong Amahan dili gusto nga kita mag-inusara niining mortalidad.

Samtang namalandong ko sa aksidente nga maoy hinungdan sa kamatayon sa akong anak, usa ka panghitabo diha sa Daang Tugon ang akong nahinumduman:

“Ang among Dios nga among ginagalagan makahimo sa pagluwas kanamo gikan sa hudno nga nagadilaab sa kailayo, ug siya magaluwas kanamo gikan sa imong kamot, o hari.

“*Apan kon dili ugaling*, angay mo nga hisayran, O hari, nga kami dili gayud moalagad sa imong mga dios” (Daniel 3:17–18; emphasis gidugang).

Ang importante nga bahin mao ang “Apan kon dili.” Kinahanglan kita nga magpadayon sa hugot nga pagtuo bisan



unsa pa ang mahitabo. Ang Langitnong Amahan makapadala pa unta og mga anghel aron mapalayo ang akong anak sa kadaut, apan wala Niya buhata. Siya nasayud kon unsa ang makapabalaan kanato aron kita maandam sa pagbalik ngadto Kaniya. Ang tanan mamaayo ra. Apan kana wala nagpasabut nga kita dili na masagmuyo o mohilak pag-usab. Ang atong kasagmuyo mao ang resulta sa atong gugma, apan ang atong kasingkasing dili kinahanglan nga masamok.

Ang labing nindot nga gasa nga atong mahatag niadtong anaa sa duha ka pikas sa tabil mao nga kita magpadayon nga malig-on sa hugot nga pagtuo ug paglaum diha sa Langitnong Amahan ug ni Jesukristo, bisan kon sa matag lakang adunay mga luha nga nagdagayday sa atong mga nawong. Kay kita gisaaran “ang lubnganan walay kadaugan, ug ang kahapdos sa kamatayon gituhop diha kang Kristo” (Mosiah 16:8). Moabut ang adlaw “ang Ginoong Dios mopahid sa mga luha gikan sa tanang mga nawong” (Isaias 25:8). ■

UNSAON NATO PAGBUNTOG ANG KASUBO?

Si Elder Joseph B. Wirthlin (1917–2008) sa Korum sa Napulog Duha ka mga Apostoles mitubag niining pangutana sa iyang pakigpulong sa Oktubre 2006 nga kinatibukang komperensya:

“Nagtuo ako nga sa tanang adlaw sukad sa sinugdanan sa kasaysayan sa kalibutan, kadto nga Biyernes [sa dihang gilansang ang Manluluwas] mao ang pinakangitngit.

“Apan ang kalaglagan nianang adlaw wala mohangtud.

“Ang pagkawalay paglaum wala magdugay tungod kay pagka Dominggo, ang nabanhaw nga Ginoo mibugto sa higit sa kamatayon. Nabanhaw Siya gikan sa lubnganan ug mipakita sa mahimayaong kadaugan isip Manluluwas sa katawhan.

“Ug diha-diha ang mga mata nga puno sa walay paghunong nga luha nauga na. Ang mga ngabil nga mihung-hong og pag-ampo sa kasagmuyo ug kagulangan karon mipuno sa kahanginan uban sa talagsaong pagdayeg, kay si Jesus nga Kristo, ang Anak sa buhi nga Dios, nagbarug sa ilang atubangan isip ang unang bunga sa Pagkabanhaw, ang kamatuoran nga ang kamatayon mao ang sinugdanan sa bag-o ug talagsaong kinabuhi. . . .

“Tungod sa kinabuhi ug mahangtulong sakripisyo sa Manluluwas sa kalibutan, ikauban nato og balik kadtong atong gimahal.”

“Ang Dominggo Moabut,” *Liahona*, Nob. 2006, 30.

Sa sunod nga family home evening, ikonsiderar ang paghisgut kabahin sa kamatayon, Pagkabanhaw, ug ang plano sa kaluwasan. Tan-awa, alang sa ehemplo, 2 Nephi 9 ug Alma 11–12.



Ni Russell T. Osguthorpe

Kinatibuk-ang Presidente
sa Sunday School

ANG LEKSYON ANAA SA TIGKAT-ON

*Kon kita moila sa dakong potensyal sa matag tigkat-on,
kita magsugod sa pagkakita unsa ang nakita sa Dios.*

Samtang anaa sa buluhaton sa Simbahan sa Cusco, Peru, ang akong asawa ug ako mitambong sa hiniusang klase sa Relief Society ug Melchizedek Priesthood. Ang magtutudlo nianang adlaw mao ang magtutudlo sa adult Gospel Doctrine. Tungod nagkaproblema sa pag-eskedyul atol sa unang duha ka miting, mga 20 ka minutos na lang ang nabalin kaniya aron motudlo sa iyang giandam.

Siya misugod pinaagi sa paghangyo sa tanang mga miyembro kon si kinsa ang nagpasakop sa Simbahan sa miaging duha ka tuig. Lima ka miyembro ang mibarug. Iyang gisulat ang numero 5 sa pisara ug dayon miingon, “Mga kaigsoonan, nindot kaayo nga ania uban kanato kining 5 ka mga miyembro nga bagohay lang nagpamiyembro sa Simbahan. Ang problema lang kay atol sa miaging duha ka tuig, kita nagbun-yag og 16 ka bag-ong mga kinabig niini nga ward.”

Iya dayong gisulat ang numero 16 tapad sa numero 5 ug uban sa kaminuuron nangutana, “Karon, mga kaigsoonan, unsa man ang angay natong buhaton?”

Usa ka sister mipataas sa iyang

kamot ug miingon, “Kinahanglan nato silang pangitaon ug dalhon sila pagbalik.”

Ang magtutudlo miuyon ug misulat sa pulong nga *luwason* sa pisara. “Kita adunay 11 ka bag-ong mga miyembro nga dalhon pagbalik,” siya mitubag.

Dayon iyang gibasa ang usa ka kinutlo gikan ni Presidente Thomas S. Monson kabahin sa kaimportante sa pagluwas. Gibasa usab niya sa Bag-ong Tugon kon giunsa sa Manluluwas pagpangita sa nawala nga karnero (tan-awa sa Lucas 15:6). Dayon siya nangutana, “Karon unsaon man nato sa pagpabalik kanila?”

Daghang mipataas sa kamot, ug iyang gitawag matag usa kanila. Ang mga sakop sa klase adunay mga sugyot kon unsaon nila isip ward family o isip indibidwal magtinabangay sa pagtabang sa bag-ong mga kinabig nga mapabalik sa simbahan. Dayon ang magtutudlo nangutana, “Busa kon kamo maglakaw sa dalan ug nakakita og usa ka tawo sa pikas dalan nga inyong nahibaloan nga usa niining bag-o nga kinabig, unsa ang inyong buhaton?” Usa ka miyembro miingon, “Motabok ko

ug motimbaya kaniya. Sultian nako siya nga gikinahanglan nato nga siya mobalik ug unsa kita kahinam nga mobalik siya kanato pag-usab.”

Ang uban nga anaa sa klase miuyon ug midugang og piho nga mga sugyot kon unsaon pagtabang niining mga miyembro. Adunay kadasig sa klase, usa ka determinasyon nga buhaton unsa ang angay buhaton aron sa pagtabang niining bag-ong mga miyembro aron mahibalik sa hingpit nga pagkaaktibo.

Ang akong asawa ug ako mibiya sa klase nga nabag-o ang tinguha nga kami mismo motabang og usa ka tawo nga mahibalik sa pagkaaktibo sa Simbahan. Nagtuo ko nga ang tanan mibiya sa klase uban niini nga pagbati. Pagkahuman niining kasinatian, naghuhuna ko: Unsa ang nakapahimo niining mubo nga leksyon nga epektibo kaayo? Nganong ang tanan nga mibiya sa klase nadasig pag-ayo nga hingpit nga mosunod sa ebanghelyo?

Samtang namalandong niining duha ka pangutana, akong natino ang upat ka mga baruganan nga nakapahimo niining klase nga epektibong kasinatian sa pagkat-on ug pagtudlo:



1. Ang pagkabig mao ang tumong.
2. Ang gugma mao ang motibo.
3. Ang doktrina mao ang yawe.
4. Ang Espiritu mao ang magtutudlo.

Ang Pagkabig Mao ang Tumong.

Kaysa maningkamot sa “paghatag og impormasyon ngadto sa mga sakop sa klase,” sama sa gipasidaan kanato ni Presidente Monson nga *dili angay* nga buhaton, kini nga magtutudlo naningkamot “*sa pagdasig sa indibidwal sa paghunahuna, sa pagbati, ug dayon sa pagtinguha sa pagsunod sa mga baruganan sa ebanghelyo.*”¹

Sa minubo, ang tumong niining magtutudlo mao ang pagtabang sa mga sakop sa klase sa *pagbuhat* og usa ka butang nga dili unta nila ma-buhat kon wala pa sila motambong sa klase. Ug kana nga *pagbuhat* gituyo sa pagtabang sa matag indibidwal nga *mahimong* tinuod nga disipulo sa Manluluwas.

Ang tumong niining matang sa pagtutudlo mao ang *pagkabig*. Ang pulong nga *pagkabig* nagpasabut lamang sa pagsunod og bag-ong direksyon, sa pag-angkon og bag-ong kinaiya. Ang pagkakabig—mamahimong tinuod nga disipulo—dili kausa lang mahitabo apan usa ka proseso sa tibuok kinabuhi.² Niini nga klase ang *pagbuhat* sa mga sakop sa klase gituyo sa pagtabang dili lang sa mga sakop sa klase apan sa bag-ong mga miyembro usab nga ilang gipaningkamot nga maaktibo. Sa kada higayon nga kita hingpit nga mosunod og usa ka baruganan sa ebanghelyo, adunay laing tawo nga direkta o dili direktang mapanalanginan. Tungod niini, ang pagkat-on ug pagtudlo sa ebanghelyo talagsaon. Kaysa paghatag lamang og kahibalo, ang pagkat-on sa ebanghelyo modala sa personal nga pagkakabig.

Ang Gugma Mao ang Motibo

Samtang nagtambong sa klase sa Peru, nabati nako ang gugma sa



Ang gugma
Anakatabang
kanato isip magtutudlo sa pagtudlo sama sa Manluluwas kon Siya anaa sa klasehanan.

magtutudlo alang niadtong anaa sa klase ingon man sa bag-ong mga kinabig nga iyang giawhag sa sakop sa klase nga ipahimong aktibo. Ang gugma ingon og milukop sa kwarto—gikan sa magtutudlo ngadto sa tigkat-on, gikan sa tigkat-on ngadto sa magtutudlo, gikan sa usa ka tigkat-on ngadto sa lain, ug gikan sa mga tigkat-on ngadto sa bag-ong mga kinabig.

Ang gugma nakatabang kanato isip magtutudlo sa pagtudlo sama sa Manluluwas kon Siya anaa sa klasehanan. Sa tinuoray, “ang gugma nag-aghat kanato sa pag-andam ug sa pagtudlo sa lain-lain nga paagi.”³

Kon ang motibo sa magtutudlo mao ang humanon ang tibuok material sa leksyon, ang magtutudlo mofocus sa sulod kaysa panginahanglan sa matag tigkat-on. Ang magtutudlo nga taga-Peru daw mibati nga walay kinahanglang *humanon*. Gusto lang niya nga dasigon ang mga sakop sa klase sa pagtabang uban sa gugma ngadto sa ilang kaigsoonan. Ang gugma alang sa Ginoo ug gugma alang sa usag usa mao ang nakapadasig. Ang gugma mao ang motibo. Kon gugma mao ang atong motibo, ang Ginoo molig-on kanato sa pagtuman sa Iyang mga katuyoan sa pagtabang sa Iyang mga anak. Siya modasig kanato kon *unsa* ang atong isulti isip magtutudlo ug *unsaon* nato sa pagsulti niini.

Ang Doktrina Mao ang Yawe.

Ang magtutudlo sa Peru wala magbasa sa manwal samtang siya nagtudlo. Motuo gyud ko nga iyang gigamit ang manwal o mga pakigpulong sa komperensya sa pagpangandam sa klase, apan sa iyang pagtudlo, siya nagtudlo gikan sa mga kasulatan. Iyang gisaysay pagbalik ang istorya sa nawala nga karnero ug gikutlo ang mosunod nga mga bersikulo: “Ug sa mahibalik na ikaw

Ang pagkat-on
Ug pagtudlo
sa ebanghelyo
dili tumong nga
mahimong batid
sa mga kamatuoran;
kini aron mahimong batid sa
pagkadisipulo.

kanako, lig-una ang imong mga igsoon” (Lucas 22:32). Iyang gipakigbahin ang pagdapit ni Presidente Monson sa tanang mga miyembro sa Simbahan sa pagluwas niadtong nangawala. Ang doktrina nga nakasentro sa iyang leksyon mao ang hugot nga pagtuo ug gugmang putli. Ang mga sakop sa klase nanginahanglan og hugot nga pagtuo sa pagbuhat, ug sila kinahanglang mobuhat tungod sa gugma.

Kon ang mga doktrina sa gipahiuli nga ebanghelyo ni Jesukristo gitudlo uban sa katin-aw ug kombiksyon, ang Ginoo naglig-on sa tigkat-on ug magtutudlo. Mas daghang sakop sa klase ang nagsugyot sa pagtabang sa ilang mga kaigsoonan kinsa dili kaayo aktibo, mas mibati ang tanan nga napaduol sa Manluluwas, kinsa kanunayng nagtabang sa uban atol sa Iyang yutan-on nga pangalagad. Ang doktrina mao ang yawe sa epektibong pagkat-on ug pagtudlo

sa ebanghelyo. Kini makapabukas sa mga kasingkasing. Kini makapabukas sa hunahuna. Kini nag-andam sa paagi diin ang Espiritu sa Dios modasig ug mobayaw sa tanan nga anaa.

Ang Espiritu Mao ang Magtutudlo

Ang maayo nga mga magtutudlo sa ebanghelyo miila nga dili gyud sila ang tinuoray nga magtutudlo. Ang ebanghelyo gitudlo ug makatunan pinaagi sa Espiritu. Kon wala ang Espiritu, ang pagtudlo sa kamatuoran sa ebanghelyo dili mosangpot ngadto sa pagkat-on (tan-awa sa D&P 42:14). Kon ang magtutudlo mas mohatag og dinasig nga pagdapit sa pagbuhat, mas maanaa ang Espiritu atol sa leksyon. Ang magtutudlo nga taga-Peru mihatag og dinasig nga pagdapit. Dayon, samtang ang mga sakop sa klase misugyot, ang Espiritu mabati nga mas anaa ug naglig-on sa tanan.

Ang magtutudlo wala magtinguha nga *humanon* ang tibuok leksyon. Hinoon, siya naningkamot sa *pagpadiiskobre* sa leksyon nga anaa na sa tigkat-on. Sa pagdapit sa mga sakop sa klase pinaagi sa gahum sa Espiritu, ang magtutudlo mitabang sa mga miyembro sa pagdiskobre sa ilang kagalingong tinguha sa pagbuhat—sa pagtabang sa ilang mga kaigsoonan uban sa gugma. Samtang ang mga sakop sa klase mipakigbahin sa ilang mga ideya, sila nagdinasigay sa usag usa tungod kay silang tanan nagsalig sa Espiritu.

Kon kita naningkamot sa pagsunod sa ebanghelyo pinaagi sa pagtabang niadtong nagpalibut kanato, ang Ginoo modasig kanato kon *unsa* ang angayan natong buhaton. Busa kon gusto nato isip mga magtutudlo nga ang Espiritu mas maanaa sa atong klasehanan, yano lang natong imbitaron ang mga sakop sa klase nga mas mosunod sa baruganan



sa ebanghelyo. Kon kita mopasalig nga mas mosunod sa baruganan sa ebanghelyo, kita mas mapaduol sa Dios ug ang Dios mas mapaduol kanato (tan-awa sa D&P 88:63).

Ang Potensyal sa Matag Tigkat-on

Kita wala magkat-on ug magtudlo sa ebanghelyo alang lamang sa pagbaton og kahibalo. Kita nagkat-on ug nagtudlo sa ebanghelyo aron makaangkon og kahimayaan. Ang pagkat-on ug pagtudlo sa ebanghelyo dili tumong nga mahimong batid sa mga kamatuoran; kini aron mahimong batid sa pagkadisipulo. Kon kita nagtudlo sa atong kaugalingong mga anak sa panimalay o nagtudlo sa mga miyembro sa ward o branch diha sa klasehanan, kinahanglan natong hinumduman nga ang leksyon nga atong gitudlo anaa na sa tigkat-on. Ang atong tahas isip mga ginikanan o magtutudlo mao ang pagtabang sa mga tigkat-on sa pagdiskobre sa

leksyon nga anaa sa ilang mga kasingkasing ug hunahuna.

Kon kita moila sa dakong potensyal sa matag tigkat-on, kita magsugod sa pagkakita unsa ang nakita sa Dios. Dayon atong masulti unsa ang Iyang gusto natong isulti ug mabuhat unsa ang Iyang gusto natong buhaton. Samtang kita nagpa-dayon niining dalan sa pagkat-on ug pagtudlo, ang pagkakabig mao ang atong tumong, gugma ang atong motibo, doktrina mao ang yawe, ug ang Espiritu mao ang magtutudlo. Samtang kita nagkat-on ug nagtudlo niining paagiha, ang Ginoo mopanalangin sa tigkat-on ug magtutudlo “nga ang tanan unta mahatagan og kaayohan sa tanan” (D&P 88:122). ■

MUBO NGA MGA SULAT

1. Thomas S. Monson, sa Conference Report, Okt. 1970, 107.
2. Tan-awa sa Dallin H. Oaks, “The Challenge to Become,” *Liahona*, Ene. 2001, 40–43.
3. *Pagtudlo, Walay Labaw ka Mahinungdanon nga Tawag* (1999), 32.

Kon gusto nato nga ang Espiritu mas maanaa sa atong klasehanan, yano lang natong imbitaron ang mga sakop sa klase nga mas mosunod sa baruganan sa ebanghelyo.





MGA PIONEER NGA NAGKARITON, NI MINERVA TEICHERT © IRI, SA MAAYONG KABUBUTON SA CHURCH HISTORY MUSEUM

Ni Elder L. Tom Perry
Sa Korum sa Napulog
Duha ka mga Apostoles



ANG KALIG-ON SA **Atong** **Panulundon**

Ang hugot nga pagtuo sama niadtong anaa sa mga pioneer gikinahanglan kaayo sa kalibutan karon sama sa bisan unsang kapanahonan.

Kanunay gyud kong maghinam-hinam kabahin sa mga istorya sa pioneer. Ang akong apohan nga babaye nagpuyo tapad sa among balay sa dihang bata pa ko. Sa otso anyos pa siya, iyang nalakaw ang halos tibuok agianan tadlas sa kapatagan. Siya makahinumdom og igong mga kasinatian sa pioneer nga makapagana kanako sa panahon nga ako motapad ug maminaw kaniya.

Si Presidente Brigham Young (1801–77) sa kanunay mao ang usa sa akong espesyal nga mga bayani. Ang iyang mga tubag sa mga problema nga sukaranan ug mahinungdanon ug makaayo sa mga tawo. Nahingangha ko sa iyang diwa ug kadasig samtang iyang gipangulohan ang mga Santos padulong sa kasadpan.

Sa dihang naklaro nga ang gasto sa paglalin sa bag-ong mga kinabig gikan sa Europe ngadto sa Utah mahal kaayo, ang ideya gipresentar ngadto ni Presidente Young nga mogamit sila og mga kariton sa pagtabok sa

mga kapatagan. Si Presidente Young nakakita dayon sa kaayohan niini, dili lang nga makaminos sa gasto apan usab sa pisikal nga kaayohan alang sa mga tawo nga maglakaw ingon niana nga kalayo ug moabut sa Walog sa Salt Lake nga puno sa kalagsik ug kaabtik human sa ingon nga kasinatian. Siya miingon:

“Kami masaligon nga ang ingon nga pundok mas kusog molakaw kaysa pundok sa mga baka kon masugdan. Sila kinahanglan nga adunay pipila ka himsog nga mga baka aron makahatag og gatas, ug pipila ka mga baka nga mahimong ihawon kon ilang gikinahanglan. Niini nga paagi ang gasto, risiko, kamatay ug kagubot sa pundok malikayan, ug ang mga santos epektibong makalingkawas sa tumang kalisud, kakapoy ug kamatayon nga nahitabo sa kadaghanan sa atong mga kaigsoonan.

“Kami mosugyot nga mopadala og mga tawo nga may hugot nga pagtuo ug

Ang hugot nga pag-tuo sama niadtong anaa sa mga pioneer gikinahanglan kaayo sa kalibutan karon sama sa bisan unsang kapanahonan.

kasinatian, nga may igong kahibalo, ngadto sa mga dapit nga makahatag kanila og mga ekipo aron mahimo ang mga sugyot nga anaa sa taas; busa, kadtong mga santos, nga nagplano sa paglalin sa mosunod nga tuig, pasabta nga sila gidahuman nga maglakaw ug dalhon ang ilang mga gamit tabok sa kapatagan, ug sila pagatabangan sa pundo [Perpetual Emigrating] sa kini lang nga paagi.”¹

Sulod sa 1856 ug 1860 pipila ka liboan nga mga Santos malampusong nakatabok sa

pagka-Lunes ug hupayon ang mga pag-antus sa mga Santos nga anaa sa snow. Ug kana mao gayud ang nahitabo.

Ang unang mga grupo nga motabang nakabiyahe pagka-Lunes. Ang paghulagway sa tumang kalipay sa Willie company sa pag-dawat sa unang tigluwas nga grupo makapamosyonal kaayo. Si Captain Willie mibiya sa iyang gamayng grupo ug nagpauban og usa ka tawo sa pagpangita sa tigluwas nga grupo [relief train].



Narekord sa kasaysayan: “Pagkagabi sa ikatulo nga adlaw sa pagbiya ni Captain Willie, sa dihang ang adlaw nindot kaayong misalop likod sa layo nga mga bungtod, sa usa ka gamay nga bungtod, duol sa kasadpang bahin sa among nahimutangan, pipila ka tinabunan nga mga karwahe, ang matag usa gibitad sa upat ka kabayo, nakitan nga nagpadulong kanamo. Ang balita napahibalo sa tibuok kampo ingon og sama sa sunog, ug ang *tanang* nga makabarug misugat kanila. Mga pipila lang ka minuto nakita ang among matinuorong kapitan nag-una og gamay sa tigluwas nga grupo. Naghudyaka ang mga tawo; ang dagkong mga lalaki nakahilak nga ang ilang luha midagayday sa ilang mga aping, ug ang gagmayng mga bata miambit sa hingpit nga kalipay diin ang pipila kanila wala gayud kaayo makasabut, ug maayong nanayaw tungod sa kamaya. Ang tanang naglipay gayud, ug samtang ang mga kaigsoonan misulod [sa] kampo giga-

Kinahanglan nga masayran nato kana nga panulundon. Kinahanglan nga ato kining itudlo, kinahanglan nga mapasigarbuhon ta niini, ug kinahanglan nga ato kining ipreserbar.

1,300-ka milya (2,090 km) nga panaw gamit ang kariton. Ang kalampanan sa ilang lakaw nakuhaan lamang sa duha ka mapait nga pagbiyahe, ang Willie ug Martin handcart company, nga ulahi na nga mibiya nianang tuiga aron unta makalikay sa sayong snow sa tingtugnaw. Usab, bantayi ang pagkautokan ni Presidente Young. Sa Oktubre 1856 nga kinatibuk-ang komperensya, iyang gigahin ang tibuok komperensya sa pag-organisar sa pangingkamot sa pagtabang niadtong nangaluya nga mga Santos. Ug iyang gimandoan ang kaigsoonan nga dili magpaabut og semana o bulan nga mobiyahe aron motabang. Gusto niya nga adunay pipila ka grupo nga may upat ka kabayo nga andam nang molarga

kos sila sa mga suster ug gipanghagkan. Ang kaigsoonan nasapanan nga dili sila makasulti og usa ka pulong, apan ang paghilak diha sa hilum nakapugong nga maipakita ang tanang . . . mga emosyon. . . Sa wala madugay, hinoon, ang pagbati ingon og nahuman na, ug ang ingon nga paglamanuhay, ang mga pulong sa pag-abi-abi, ug ang pagpangamuyo sa panalangin sa Dios panagsa ra nga nakita sukad!”²

Pagtukod og Lig-ong mga Pamilya:

Gikan niadtong lig-on nga mga pioneer nakapalambo og mga tradisyon ug mga panalundon nga nakatukod og lig-ong mga pamilya nga nakahatag og daghang kaayohan

sa kasadpan nga bahin sa Estados Unidos ug sa tibuok kalibutan.

Gidapit ko og kaon mga pipila na ka tuig ang milabay nga gipasiugdahan sa usa ka negosyo nga nagpahibalo sa pagbukas sa upat ka tindahan sa dapit sa Salt Lake. Tungod kay may kasinatian ako sa pagtinda, samtang naglingkod tapad niya nangutana ko sa presidente sa iyang kaisug nga dungan nga miabli og upat ka tindahan sa bag-ong dapit. Ang iyang tubag ingon og sama ra sa akong gidahum. Siya miingon nga ang iyang negosyo naghimo og pagtuon sa lugar sa tanang dagkong metropolitan sa Estados Unidos. Ang kompaniya interesado sa pagpangita asa niining mga dapita ang adunay dakong potensyal alang sa department store nga maganahan kaayo sa bag-ong nagsugod nga mga pamilya. Ang dapit sa Salt Lake, destinasyon niadtong nag-una nga mga pioneer, nanguna sa nasud.

Nasayran usab sa negosyo isip resulta sa pagtuon nga ang mga trabahante sa dapit sa Salt Lake nahibaloan nga matinuoron ug kugihan. Inyong nakita, ang panulundon sa pioneer makita gihapon hangtud sa ikatulo ug ikaupat nga mga henerasyon sa dapit.

Hinooon, natingala ako sa usa ka estatistika nga bag-ohay lang miabut sa akong lamesa. Nasulat dinhi nga 7 porsyento lamang sa bag-ong tubo nga mga bata nga nagtubo karon sa Estados Unidos ang gikan sa tradisyonal nga mga panimalay nga adunay amahan nga nagtrabaho, inahan nga anaa sa balay, ug usa o daghang mga anak.³ Matag adlaw atong makita ang epekto sa pagkawala sa tradisyonal nga pamilya. Adunay makapa-alarma nga pagtubo sa gidaghanon sa dinagmalan nga mga asawa, sa pisikal ug sekswal nga pag-abuso sa mga bata, pag-vandal sa mga eskwelehan, gidaghanon sa mga krimen nga gihimo sa batan-on, pagmabdos sa wala maminyo nga mga tin-edyer, ug mga tigulang nga gipagdaan sa ilang mga kaliwat.

Ang mga propeta mipasidaan kanato nga ang panimalay mao ang dapit sa pagluwas sa katilingban.⁴ Ang maayong panimalay, siyempre, dili awtomatik nga mamugna sa dihang ang lalaki ug babaye magminyo. Nanginahanglan kini niadtong sama nga mga hiyas nga gitudlo sa mga panimalay sa pioneer—hugot nga pagtuo, kaisug, disiplina,

ug pagpahinungod—aron magmalampuson ang kaminyoon. Sama nga ang mga pioneer mipalambo pag-ayo sa disyerto, mao usab ang atong mga kinabuhi ug pamilya mahimong molambo kon atong sundon ang ilang ehemplo ug mosunod sa ilang mga tradisyon. Tinuod, ang hugot nga pagtuo sa pioneer gikinahanglan kaayo sa kalibutan karon sama sa bisan unsang kapanahonan. Karon, kinahanglan na usab nga masayran nato kana nga panulundon. Kinahanglan nga ato kining itudlo, kinahanglan nga mapasigarbuhon ta niini, ug kinahanglan nga ato kining ipreserbar.

Pagkabulahan nato nga napanalanginan. Pagkadako sa atong mga responsibilidad tungod sa atong kahibalo ug sa atong nasabtan. Si Arnold Palmer, usa ka maayo kaayo nga Amerikanong tigdula og golf, gitaho nga misulti niini, “Ang kadaugan dili mao ang tanan, kondili ang pagtinguha niini.” Pagkatalagsaon nga pahayag: “Ang pagtinguha niini.”

Ang Dios naghatag kanato og tinguha sa pagkab-ut sa labing mahinungdanon nga gasa sa tanang gasa nga Iyang ihatag ngadto sa Iyang mga anak—ang gasa sa kinabuhing dayon. Unta ang Dios mopanalangin kanato nga kita makasabut sa atong potensyal, nga kita makakat-on ug motubo ug mopalambo og pagsabut sa atong panulundon ug determinado nga mopreserbar niadtong mga gasa nga gihatag kanato isip Iyang mga anak. Ako balaanong mopamatuod nga ang Dios buhi, nga si Jesus mao ang Kristo, ug nga ang Iyang paagi modala kanato sa kinabuhing dayon. ■

Gikan sa pamulong sa usa ka fireside nga gihatag niadtong Agosto 3, 1980, sa Brigham Young University. Alang sa kompleto nga teksto sa Iningles, bisitaha ang speeches.byu.edu.

MUBO NGA MGA SULAT

1. Brigham Young, sa B. H. Roberts, *A Comprehensive History of the Church*, 4:85.
2. John Chislett, sa *A Comprehensive History of the Church*, 4:93–94.
3. Tan-awa sa Population Reference Bureau, www.prb.org/Articles/2003/TraditionalFamiliesAccountforOnly7PercentofUSHouseholds.aspx. Niadtong 1980, sa dihang kini gipamulong, ang numero anaa sa 13 porsyento.
4. Tan-awa sa, alang sa mga ehemplo, Thomas S. Monson, “Langitnon nga mga Panimalay, Mahangturon nga mga Pamilya,” *Liahona*, Hunyo 2006, 66–71; Spencer W. Kimball, “Home: The Place to Save Society,” *Ensign*, Ene. 1975, 3–10.

Nanginahanglan niadtong sama nga mga hiyas nga gitudlo sa mga panimalay sa pioneer—hugot nga pagtuo, kaisug, disiplina, ug



pagpahinungod—aron magmalampuson ang kaminyoon. Sama nga ang mga pioneer mipalambo pag-ayo sa disyerto, mao usab ang atong mga kinabuhi ug pamilya mahimong molambo kon atong sundon ang ilang ehemplo.

PAGSABUT SA ATONG MGA Pakigsaad NGADTO SA Dios

USA KA KINATIBUK-ANG
PAGPASABUT [OVERVIEW]
SA ATONG PINAKA
IMPORTANTE NGA
MGA PAKIGSAAD



“Isip mga miyembro sa Ang Simbahan ni Jesukristo sa mga Santos sa Ulahing mga Adlaw,” pasabut ni Presidente Thomas S. Monson, “sagrado nga mga pakigsaad kinahanglang atong tauron, ug ang pagkamati-nud-anon niini maoy paagi alang sa kalipay. Oo, naghisingot ko sa pakigsaad sa bunyag, ang pakigsaad sa priesthood, ug ang pakigsaad sa kaminyoon isip mga ehemplo.”¹

Sa Simbahan, ang usa ka ordinansa sagrado, pormal nga gipahigayon sa awtoridad sa priesthood. Ang pipila ka mga ordinansa importante sa atong kaluwasan. Isip kabahin niining “makaluwas nga mga ordinansa,” misulod kita ngadto sa ligdong nga mga pakigsaad uban sa Dios.²

Ang pakigsaad mao ang pakigsaas sa duha ka tawo, ang mga kondisyon nga gihimo sa Dios.³ Kon kita mosulod og pakigsaad uban sa Dios, mosaad kita sa pagtuman niadtong mga kondisyon. Misaad usab siya nato og mga panalangin.

Sa atong pagdawat niining makaluwas nga mga ordinansa ug nagtuman sa mga pakigsaad, ang Pag-ula ni Jesukristo mahimong epektibo sa atong mga kinabuhi, ug makadawat kita sa mas daghang panalangin nga

ikahatag sa Dios nato—kinabuhing dayon (tan-awa sa D&P 14:7).

Tungod kay ang pagtuman sa atong mga pakigsaad importante sa atong kalipay karon ug sa pagdawat og kinabuhing dayon, importante nga masabtan unsay atong gisaad sa atong Langitnong Amahan. Ang mosunod mao ang kinatibuk-ang paghulagway sa mga pakigsaad nga atong himoon kalabut sa makaluwas nga mga ordinansa ug mga sugyot asa kamo mas makat-on pa.

Bunyag ug Kumpirmasyon

Bunyag pinaagi sa pagpaunlod diha sa tubig, gipahigayon sa usa ka tawo nga adunay awtoridad, mao ang unang makaluwas nga ordinansa sa ebanghelyo ug gikinahanglan alang sa usa ka indibidwal nga mahimong miyembro sa Ang Simbahan ni Jesukristo sa mga Santos sa Ulahing mga Adlaw. Dili mabulag gikan sa bunyag mao ang kauban niini nga ordinansa sa kumpirmasyon—ang pagpandong sa mga kamot alang sa gasa sa Espiritu Santo.

Sa dihang kita nabunyagan, kita mismo nakigsaad nga atong dalhon ang pangalan ni Jesukristo, sa kanunay



mohinumdom Kaniya, ug mosunod sa Iyang mga sugo. Kita nagsaad usab sa “sa pag-ala-gad kaniya ngadto sa katapusan” (D&P 20:37; tan-awa usab sa Mosiah 18:8–10).

Isip ganti, ang Langitnong Amahan nagsaad nga kon kita maghinulsol sa atong mga sala, kita mapasaylo (tan-awa sa Alma 7:14) ug sa “kanunay makabaton sa Iyang Espiritu uban [kanato]” (D&P 20:77), usa ka saad nga mahimong posible, sa usa ka bahin, pinaagi sa pagdawat sa gasa sa Espiritu Santo.

Ang mga ordinansa sa bunyag ug kumpirmasyon mao ang ganghaan diin ang tanang nagtinguha og kinabuhing dayon kinahanglang mosulod (tan-awa sa Juan 3:3–5). Ang pagtuman sa atong mga pakigsaad sa bunyag makapahimo ug mahinungdanon nga bahin sa paghimo og mga pakigsaad nga may kalabutan sa tanang ubang makaluwas nga mga ordinansa sa dalan sa kinabuhing dayon (tan-awa sa 2 Nephi 31:17–21).

PAGKAT-ON OG DUGANG KABAHI SA BUNYAG
Tan-awa sa Robert D. Hales, “The Covenant of Baptism: To Be in the Kingdom and of the Kingdom,” Liahona, Ene. 2001, 6.

Ang Sakrament

Kadtong nakadawat sa makaluwas nga mga ordinansa sa bunyag ug kumpirmasyon moambit sa sakramento kada semana aron sa pagbag-o niadtong mga pakigsaad. Samtang nag-ambit sa pan ug tubig, atong hinumduman ang sakripisyo sa Manluluwas nga gihimo alang nato. Dugang pa, atong palandungon ang mga pakigsaad nga atong gihimo sa pagdala uban nato sa pangalan ni Jesukristo, sa paghinumdom Kaniya kanunay, ug sa paghupot sa Iyang mga sugo. Ang balos, ang Dios mohatag sa saad nga ang Iyang Espiritu mag-uban nato kanunay (tan-awa sa D&C 20:77, 79).

Ang pakigsaad mao ang pakigsaad sa duha ka tawo. Ang Dios nagsaad kanato og piho nga mga panalangin kon kita motuman sa mga kasabutan nga atong gidawat atol sa paghimo sa pakigsaad.

Ang ordinansa sa sakrament usa ka oportunidad matag semana sa pagbag-o sa sagradong mga pakigsaad nga nagtugot kanato nga mahimong tig-ambit sa maulaong grasya sa Manluluwas nga may samang epekto sa paglimpyo sa espiritwal nga paagi sa bunyag ug kumpirmasyon.

Ang mga lider sa Simbahan nagtudlo usab nga kon kita moambit sa sakrament, wala lamang nato bag-oha ang atong mga pakigsaad sa bunyag apan lakip “ang tanang pakigsaad nga atong gihimo ngadto sa Ginoo.”⁴

PAGKAT-ON OG DUGANG MAHITUNGOD SA SAKRAMENT

Tan-awa sa Dallin H. Oaks, “Ang Miting sa Sakrament ug ang Sakrament,” Liahona, Nob. 2008, 17.

Ang Panumpa ug Pakigsaad sa Priesthood

Ang Langitnong Amahan naghatag sa Iyang panumpa (pasalig) sa paghatag og mga panalangin sa niadtong motuman sa mga pakigsaad nga may kalabutan sa pagdawat sa priesthood.

Kon ang mga tawo magpuyo nga takus sa pag-angkon sa Aaronic ug Melchizedek Priesthood ug “[mopalamabo] sa ilang calling,” ang Dios mosaad nga sila “pagabalanon pinaagi sa Espiritu ngadto sa pagbag-o sa ilang mga lawas.” Sila mahimo nga mga anak nga anak lalaki ni Moises ug ni Aaron, ug ni Abraham. (Tan-awa sa D&P 84:33–34.)

Ang paghupot sa Melchizedek Priesthood gikinahanglan aron ang mga lalaki makasulod sa templo. Didto, ang mga lalaki ug babaye makadawat sa kahingpit sa mga panalangin sa priesthood diha sa kaminyoon.

Pinaagi sa pagdawat sa tanang makaluwas nga mga ordinansa sa priesthood,

PAGTUBAG SA MGA PANGUTANA

Kamo o ang inyong kaila tingali natingala, “Nga-nong ang mga templo dili man bukas para sa publiko?” Ang mga templo sa Santos sa Ulahing mga Adlaw dili gamiton sa matag Dominggo nga pagsimba, diin ang tanan mahimong motambong. Sagradong mga ordinansa ang ipahigayon sa mga templo, busa ang mga templo para lang sa nabunyagan nga mga miyembro kinsa takus sa pagdawat niadtong mga ordinansa.

Human matukod ang usa ka templo, ang publiko mahimong mo-tour atol sa open house. Human ang templo mapahinungod ngadto sa Ginoo, ang publiko mahimong magsuroy-suroy sa nataran, apan ang templo bukas lang alang niadtong may magamit nga rekomend sa templo.

Alang sa dugang impormasyon, tan-awa sa “Temples” ubos sa Frequently Asked Questions sa Mormon.org.

ang tanang tawo makadawat sa mga saad sa “tanang nga iya sa Amahan” (tan-awa sa D&P 84:35–38).

“Dili katoohan nga mga panalangin modagayday gikan niini nga panumpa ug pakigsaad ngadto sa takus nga mga lalaki, mga babaye, ug mga bata sa tibuok kalibutan,” mitudlo si Elder Russell M. Nelson sa Korum sa Napulog Duha ka mga Apostoles.⁵

PAGKAT-ON OG DUGANG KABAHIN SA PANUMPA UG PAKIGSAAD SA PRIESTHOOD

Tan-awa sa Henry B. Eyring, “Hugot nga Pagtuo ug Panumpa ug Pakigsaad sa Priesthood,” Liahona, Mayo 2008, 61.

Ang Endowment

Ang endowment sa templo usa ka gasa nga naghatag og panglantaw ug gahum.

Atol sa endowment diha sa templo kita makadawat og mga instruksyon ug mohimo og mga pakigsaad nga may kalabutan sa atong mahangturong kahimayaan. Kauban sa endowment mao ang mga ordinansa sa paghugas ug pagdihog ug pagsul-ob sa temple garment isip pahinumdom sa sagradong mga pakigsaad.⁶ Ang mga ordinansa ug pakigsaad sa templo sagrado kaayo nga dili hisgutan ang detalye niini gawas sa templo. Tungod niini, si Presidente Boyd K. Packer, Presidente sa Korum sa Napulog Duha ka mga Apostoles, mitambag, “Mahinungdanon nga ikaw maminaw pag-ayo samtang kini nga mga ordinansa gipahigayon ug imong hinumduman ang mga panalangin nga gisaad ug ang mga kondisyon aron kini matinuod.”⁷

Si Elder Jeffrey R. Holland sa Korum sa Napulog Duha ka mga Apostoles nagtudlo nga ang yawe sa pagdawat sa balaanong gahum sa pagbuntog sa oposisyon ug sa pagpalambo sa Simbahan “mao ang pakigsaad nga atong gihimo sa templo—ang atong saad sa pagsunod ug pagsakripisyo, sa pagpahinungod ngadto sa Amahan, ug sa Iyang saad sa paghatag kanato sa ‘usa ka talagsaon nga endowment.’”⁸

Makakat-on pa kamo og dugang kabahin sa mga baruganan nga anaa sa mga pakigsaad nga atong gihimo sa endowment pinaagi sa pagtuon sa mosunod:

- “Pagkamasulundon,” *Mga Baruganan sa Ebanghelyo* (2009), 248–255.

- M. Russell Ballard, “The Law of Sacrifice,” *Liahona*, Mar. 2002, 10.
- Kabahin sa “balaod [sa] ebanghelyo” (D&P 104:18), tan-awa sa Doktrina ug mga Pakigsaad 42.
- “Ang Balaod sa Kaputli,” *Mga Baruganan sa Ebanghelyo* (2009), 279–89.
- D. Todd Christofferson, “Mga Hulagway sa Gipahinungod nga Kinabuhi,” *Liahona*, Nob. 2010, 16.

PAGKAT-ON OG DUGANG MAHITUNGOD SA ENDOWMENT

Tan-awa sa Pagpangandam sa Pagsulod sa Balaan nga Templo (2002), 35–41; *David A. Bednar, “Madungganon nga Paghupot ug usa ka Pangalan ug Katungdanan,” Liahona, Mayo 2009, 97.*

Ang Sealing

Ang ordinansa sa templo nga gipasabut nga “kaminyoon sa templo” o “gi-sealed” makamugna og mahangturong relasyon tali sa bana ug asawa nga molungtad lapas sa kamatayon kon silang duha matinud-anon. Ang relasyon sa ginikanan ug anak magpadayon lapas sa mortalidad, nagsumpay sa mga henerasyon sa mahangturong relasyon sa pamilya.

Kon ang indibidwal mosulod ngadto sa pakigsaad sa kaminyoon sa templo, siya nakigsaad uban sa Dios ug uban sa iyang kapikas. Ang magtiayon nagsaad og pagkamatinud-anon sa usag usa ug ngadto sa Dios. Gisaaran sila og kahimayaan ug nga ang ilang relasyon sa pamilya makapadayon hangtud sa kahangturan (tan-awa sa D&P 132:19–20). Ang mga anak nga matawo sa magtiayon nga na-sealed sa templo o mga anak nga na-sealed ngadto sa ilang mga ginikanan adunay katungod nga mahimong kabahin sa mahangturong pamilya.

Sama sa ubang mga ordinansa, ang indibidwal nga pagkamatinud-anon sa atong mga pakigsaad gikinahanglan sa yutan-ong ordinansa nga ma-sealed, o mabalido, sa langit pinaagi sa Balaan nga Espiritu sa Saad.⁹ Ang mga indibidwal nga motuman sa ilang mga pakigsaad—bisan og ang ilang kapikas wala—dili hikawan sa mga panalangin nga gisaad sa sealing.

PAGKAT-ON OG DUGANG KABAHIN SA SEALING

Tan-awa sa Russell M. Nelson, “Mga Kaluwatan Nagsumpay sa Gugma,” Liahona, Mayo 2010, 91.



Paghimo ug Pagtuman sa Sagradong mga Pakigsaad

Sa atong paghimo niining mahinungdanong mga pakigsaad, kita nahimong umaambit sa bag-o ug mahangturong pakigsaad, “gani ang kahingpitan sa [ebanghelyo ni Jesukristo]” (D&P 66:2). Ang bag-o ug mahangturong pakigsaad mao ang “pinaka resulta sa tanang mga pakigsaad ug obligasyon sa ebanghelyo” nga atong gihimo,¹⁰ ug ang resulta nga mga panalangin naglakip sa tanan nga iya sa Amahan, lakip ang kinabuhing dayon.

Samtang kita naningkamot nga mosabut ug motuman sa atong mga pakigsaad, kita kinahanglang mohinumdom nga ang pagtuman sa atong mga pakigsaad dili lang usa ka listahan sa mga butang nga buhaton apan usa ka pasalig nga *mamahimong* sama sa Manluluwas.

“Ang Katapusang Paghukom dili lang pagtimbang sa pinaka resulta sa mga buhat sa maayo ug dautan—unsa ang atong *nahimo*,” mitudlo si Elder Dallin H. Oaks sa Korum sa Napulog Duha ka mga Apostoles. “Kini mao ang pag-ila sa katapusang mga epekto sa atong mga buhat ug panghunahuna—*nahimong* *unsa* kita. Dili igo alang ni bisan kinsa nga magsunod-sunod lang sa mga panghitabo. Ang mga kasugoan, mga ordinansa, ug



Ang pagtuman sa atong mga pakigsaad usa ka pasalig nga mamahimong sama sa Manluluwas.

mga pakigsaad sa ebanghelyo dili listahan sa mga deposito nga gikinahanglan sa punduhanan sa langit. Ang ebanghelyo ni Jesukristo mao ang plano nga nagpakita kanato kon unsaon nato nga kita mamahimo sa unsa ang gusto alang kanato sa Langitnong Amahan.”¹¹ ■

MUBO NGA MGA SULAT

1. Thomas S. Monson, “Happiness—the Universal Quest,” *Liahona*, Mar. 1996, 5.
2. *Handbook 2: Administering the Church* (2010), 20.1.
3. Tan-awa sa Russell M. Nelson, “Mga Pakigsaad,” *Liahona*, Nob. 2011, 86.
4. Delbert L. Stapley, sa Conference Report, Okt. 1965, 14; tan-awa usab sa *Teachings of Gordon B. Hinckley* (1997), 561; *The Teachings of Spencer W. Kimball*, ed. Edward L. Kimball (1982), 220.
5. Russell M. Nelson, “Mga Pakigsaad,” *Liahona*, Nob. 2011, 88.
6. Tan-awa sa Russell M. Nelson, “Pagpangandam alang sa mga Panalangin sa Templo,” *Liahona*, Okt. 2010, 46.
7. Boyd K. Packer, “Pangadto Kamo sa Templo,” *Liahona*, Okt. 2007, 16.
8. Jeffrey R. Holland, “Pagtuman sa mga Pakigsaad: Usa ka Mensahe alang Niadtong Moserbisyo og Misyon,” *Liahona*, Ene. 2012, 50. *New Era*, Ene. 2012, 4.
9. Tan-awa sa “Espiritu Santo,” *Matinuoron sa Timuhoan* (2004), 31; tan-awa usab sa D&P 132:7, 18–19, 26.
10. Joseph Fielding Smith, *Doctrines of Salvation*, ed. Bruce R. McConkie, 3 vols. (1954–56), 1:156.
11. Dallin H. Oaks, “The Challenge to Become,” *Liahona*, Ene. 2001, 40.

PUBLIC AFFAIRS:

Nagdugtong sa Simbahan

Samtang ang mga lider sa priesthood na-kigtrabaho uban sa stake ug district public affairs councils, silang tanan makatabang sa paglig-on sa ilang mga komunidad—ug pagtukod sa gingharian sa Dios dinhi sa yuta.



ug Komunidad



Ni Philip M. Volmar

Mga Magasin sa Simbahan

Sa dihang si Carol Witt Christensen gitawag nga mo-serbisyo isip public affairs director sa Topeka Kansas Stake, mibati siya og “kahadlok ug dili angay” nga makig-istorya sa mga reporter ug editor sa balita para sa mga lider sa stake.

“Ang pagduol sa mga tigbalita ingon og makahadlok,” siya mihinumdom. Ug bisan kon nag-major siya og English sa kolehiyo, siya miingon nga siya “dili kahibalo kon unsaon sa pagsulat og mga artikulo.”

Bisan sa iyang pagduha-duha sa iyang kaugalingon, si Sister Christensen mihukom nga mosalig sa iyang pagpamatuod, sa kapamilyar sa iyang komunidad, ug sa iyang pagtuo nga ang iyang calling gikan sa dinasig nga mga lider sa priesthood. Siya miingon nga siya nag-sugod sa pagbansay gikan sa Public Affairs Department ug “nakakat-on sa [iyang] katungdanan, ug pagbuhat sa buhatan diin [siya] natudlo, diha sa tanan nga kakugi” (D&P 107:99).

Siya misugod sa pagbasa og maayo sa sinemana nga seksyon sa relihiyon sa iyang lokal nga newspaper aron sa pagtino unsa ang makahuluganon nga balita. Siya nanawag sa tigsulat sa relihiyon aron mahibaloan ang mga deadline sa dili pa niya isumiter ang iyang unang news release.

“Nakabantay ko sa gagmayng mga matang sa balita nga giimprinta ug misugod sa pag-focus sa mga kalihokan, mga tawo nga makapaikag, ug mga nabuhat diha sa simbahan nga angayang ipahibalo diha sa among newspaper,” siya mihinumdom.

Sa paglabay sa panahon, si Sister Christensen nakakat-on nga ang media relations sobra pa kay sa pagkuha lang og mga ideya para sa istorya. Kabahin usab kini sa pagpakisayud sa media ug pagtabang sa mga reporter sa pagbuhat sa ilang trabaho ug sa samang higayon nagtabang kanila nga makasabut sa Simbahan.

Human sa sunod-sunod nga mga kalampusan, lakip ang usa ka artikulo kabahin sa programa sa seminary sa stake nga mabasa sa lokal nga newspaper, miingon siya nga siya nakaangkon og pagsalig ug “mibati og dakong tinguha sa pagdala sa Simbahan ‘gikan sa kangitngit’” (tan-awa sa D&P 1:30). Karon, mga tuig ang milabay, si Sister Christensen nagserbisyo gihapon isip public affairs director sa iyang stake ug miingon nga “nagpadayon ang dakong tinguha.”

“Kadaghanan sa among gitinguha nga buhaton sa public affairs,” siya nagpasabut, “nagpakita nga kita

PAGHULAGWAY SA LITRATO PINAAGINI DAVID STOKER

nahigugma, nagtuo, ug nagsimba ni Jesukristo; makighigala, makig-alayon, ug magserbisyo sa atong mga kaigsoonan sa komunidad; ug ipabati sa katawhan ang gipahiuli nga ebanghelyo ug ang Simbahan.”

Ang mga lider sa priesthood sa tibuok ka-libutan naggiya ug nag-awhag sa mga public affairs specialists ug councils samtang sila nagtinabangay niadtong anaa sa ilang dapit aron makabenepisyo ang ilang mga komunidad, makorihian ang sayop nga panghunahuna, ug maipakita nga ang mga miyembro sa Simbahan nagsunod ni Jesukristo.

Bisan kon ang mga nag-unang paningkamot ni Sister Christensen naka-focus sa media relations, aduna nay daghang mga paagi nga ang Church public affairs councils nagsunod sa dinasig nga direksyon sa priesthood samtang nagtabang usab sa pagtukod sa ilang mga komunidad ug sa gingharian sa Dios.

Mga Relasyon sa Komunidad ug Gobyerno

Mga 65 ka milya (105 km) gikan sa Topeka, sa Lenexa Kansas Stake, si Presidente Bruce F. Priday, stake president, ug Sister Carol Deshler, stake public affairs director, nagtinabangay sa pagtukod og positibong relasyon ngadto sa impluwensyal nga mga miyembro sa ilang komunidad. Gusto nilang ipaila kanila nga ang mga Santos sa Ulahing mga Adlaw “mga buotan nga silingan, usa ka positibo nga impluwensya sa komunidad, ug mga sumusunod ni Jesukristo,” miingon si Presidente Priday.

Si Sister Deshler, kinsa nakig-alayon sa stake presidency ug ubang mga sakop sa stake’s public affairs council, nangita og mga oportunidad nga makig-partner sa ubang mga grupo sa tinuohan ug organisasyon sa komunidad aron mas makaserbisyo sa mga katawhan sa ilang dapit.

“Hapit ang tanan namong mga kalamposan sa pakig-alayon sa mga grupo sa komunidad resulta sa tinagsa-tagsa nga mga pakigrelasyon,” miingon si Sister Deshler. Sama pananglit, usa ka miyembro sa laing tinuohan ug usa ka miyembro sa iyang stake nagdungan og paniudto ug naghigot og mga pamaagi nga ang duha ka grupo magtinabangay sa

pagbuhat og makaayo sa komunidad. Ang panag-istoryahayanay nakahimo sa unom ka tawo—tulo sa kada simbahan—nga moporma sa komite nga “Better Together” aron magtinabangay sa paghunahuna og ideya alang sa partnership.

Kana nga partnership nakahimo og usa ka benefit concert niadtong 2010 nga giapilan sa mga choir sa lain-laing simbahan. Aron makasulod kinahanglan nga magdala og usa ka bag nga mga grocery, nga ang nakabenepisyo mao ang usa ka lokal nga tipiganan sa pagkaon [food pantry]. Mga 700 ka mga tawo gikan sa komunidad mitambong sa kalihokan, nga gipahigayon sa bag-ong nahuman nga stake center. Usa ka resepsyon ang giorganisar aron ang mga lider sa komunidad ug relihiyon magkaistoryahanay sa dili pa mag-sugod ang concert.

Pagkahuman sa concert, upat pa ka simbahan, duha ka sakop sa city council, ug ang hepe sa kapulisan mihangyo nga marepresenteran sa komite sa Better Together, nga karon mag-miting na kada bulan. Ang concert nahitabo pag-usab niadtong 2011, nianang higayona laing simbahan ang nag-host, nga adunay pito ka mga simbahan ang miapil, ug mga 1,000 ka mga sakop sa komunidad ang mitambong.

“Ang maayo nga mga pagbati ug panaghiusa isip sumusunod ni Jesukristo nabati sa makahuluganong paagi tali sa mga simbahan,” miingon si Sister Deshler. Kadtong mga pagbati sa wala madugay naklaro sa dihang si Presidente Priday anaa sa airport kapin sa 1,000 ka milya (1,600 km) gikan sa panimalay. Usa ka babaye nga wala pa niya mahimamat miduol kaniya ug miingon nga siya nakaila kaniya sa benefit concert sa Better Together, diin siya miapil ug nakasinati nga kini talagsaon.

Siya miingon kaniya, “Sukad-sukad wala pa ako makabati og susama nga pagbati sa gugma alang sa uban diha sa among komunidad kaysa akong nasinati niini nga mga kalihokan. Salamat sa inyong pag-cosponsor niini nga mga concert. Miyembro ko sa laing kongregasyon, apan kami adunay halawum nga respeto ug pagdayeg sa Ang Simbahan ni Jesukristo sa mga Santos sa Ulahing mga Adlaw.”



Sulod sa duha ka tuig ang Lenexa Kansas Stake sa Estados Unidos nakig-partner sa ubang mga simbahan sa dapit sa pagpahigayon og benefit concert. Ang gasto aron makasulod—usa ka bag sa mga grocery—nga gidonar ngadto sa usa ka lokal nga tipiganan og pagkaon. Niadtong 2011, mga 1,000 ka mga miyembro sa komunidad mitambong, lakip sa pipila ka mga opisyal sa simbahan og gobyerno.



“Kana,” miingon si Presidente Priday, “mao ang public affairs. Samtang kita nangita og mga paagi sa pagkab-ut sa atong mga tumong, kita nakakaplag og daghang espesyal nga mga higala sa komunidad. Kita adunay pagtahud sa mga pagtuo sa usag-usa ug tinuod nga gugma alang sa usag usa.”

Ang pagkab-ut sa ingon nga kooperasyon ug respeto gikan sa mga lider sa komunidad namatud-an nga epektibo usab sa Eastern Europe. Si Katia Serdyuk, director sa media relations sa Ukraine public affairs council, nakig-alayon sa mga public affairs missionaries ug sa lokal nga mga lider sa priesthood sa pagpalambo sa mga relasyon tali sa Simbahan ug komunidad. “Daghang mga tawo adunay sayop nga panghunahuna ug impormasyon kabahin sa Simbahan,” miingon si Sister Serdyuk. “Isip public affairs specialists nga nakig-alayon sa mga lider sa priesthood, kami naningkamot nga mausab kadto nga mga panghunahuna pinaagi sa pakig-alayon sa impluwensyadong mga lider, sa media, ug sa kinatibuk-ang publiko. Ang malampusong mga paningkamot sa public affairs makamugna og palibut diin ang impluwensyadong mga tawo makatabang sa Simbahan sa pagkab-ut sa mga tumong niini samtang kita usab nagtabang kanila nga makab-ut usab ang ilang mga tumong.”

Sa Zhytomyr, Ukraine, ang mga miyembro sa Simbahan miapil sa usa ka reception nga gipasiugdahan sa mayor sa siyudad, si Olexander Mikolayovich Bochkovskiy, sa pag-ila sa humanitarian project sa Simbahan nga nag-sangkap sa gikinahanglan kaayo nga mga ekipo sa pito ka eskwelahan sa siyudad. Giila usab ang mga paningkamot sa pagserbisyo sa komunidad sa mga miyembro sa Simbahan sa siyudad sa Gagarin Park, nga gipahigayon niadtong Abril ug Oktubre 2011. Ang Zhytomyr Branch president, si Alexander Davydov mirepresentar sa Simbahan ug mipasalamat sa pagdayeg sa siyudad.

Pagplano sa Kalihokan

Dugang sa relasyon sa media ug komunidad, laing oportunidad alang sa public affairs magagikan sa pagplano ug pag-host sa mga kalihokan, miingon si Daniel ug Rebecca Mehr, kinsa bag-ohay lang nakakompleto og usa ka public affairs mission sa Caribbean Area.

“Ang pagpaapil sa mga miyembro sa pag-edukar sa ilang mga higala pinaagi sa mga kalihokan nga may komon nga tradisyon, sama sa cultural event, usa ka panihapon, usa ka proyekto sa pagserbisyo, o uban pang mga kalihokan, mahimong epektibo kaayo sa pakigrelasyon,” miingon si Sister Mehr.

Apan, si Brother Mehr nagpasidaan nga usa sa dakong sayop sa mga public affairs specialists mao ang “pagsugod sa pagplano sa mga kalihokan nga wala gikonsiderar ang



USA KA MENSAHE NGADTO SA MGA LIDER SA PRIESTHOOD

“Kami nag-awhag sa mga stake ug district president ug mga Area Seventy bisan asa sa pagsiguro nga ang stake ug multistake public affairs council gitawag ug gibansay. Sa pipila ka mga

district ug naglambo nga mga dapit sa Simbahan, ang mga paningkamot sa public affairs mahimong gamay sa sinugdanan ug maimplementar nga dili kompletong na-organisar ang council. Ang inyong area director sa public affairs makapahigayon og pagbansay ug makatabang kaninyo sa importaning mga kapanguhaan.

“Inyong makaplagaan sa unsang paagi ang buhat sa public affairs mahimong talagsaong instrumento sa pagkab-ut sa mga tumong sa priesthood samtang kamo nagtukod og relasyon ug pakig-partner sa mga lider sa komunidad, sa news media, ug ubang impluwensyadong mga lider. Ang inyong atensyon niining buhat makapanindot sa reputasyon sa Simbahan pinaagi sa pagtabang sa mga tawo nga makasabut nga kita nag-sunod ni Jesukristo.”

Elder L. Tom Perry sa Korum sa Napulog Duha ka mga Apostoles, Chairman sa Public Affairs Committee

mga panginahanglan sa komunidad ug wala makigtambag sa mga lider sa priesthood.”

Sila si Elder ug Sister Mehr nagtuo nga ang tinuig nga plano nga adunay direksyon sa mga lider sa priesthood diha sa stake ug ward mao ang usa ka paagi sa pagtabang sa paggiya sa pagplano sa kalihokan gikan sa sinugdanan. Sa paghimo og ingon nga tinuig nga plano, si Sister Mehr mirekomendar sa pagkoordinar sa mga kalihokan gamit ang upat ka lakang sa proseso sa pagplano nga nakafocus sa maayo kaayo nga resulta ug may kalabutan sa mga panginahanglan sa komunidad ug mga tumong sa lokal nga lider sa priesthood:

- Unsa ang labing panginahanglan sa atong komunidad?
- Unsa ang mga isyu sa atong dapit nga nakaapekto sa paglambo sa Simbahan, sa positibo ug negatibo nga mga paagi?
- Si kinsa ang mga lider sa komunidad nga atong makauban sa pagtubag sa mga panginahanglan ug pagsulbad sa mga problema?
- Unsaon nato sa pagsugod o pagpadayon og relasyon uban niini nga mga lider?

Kon kining mga pangutana matubag, ang mga lider sa priesthood ug ang public affairs councils makalikay sa pagmugna og “mga kalihokan aron lang nga may kalihokan,” miingon si Sister Mehr. Apan ang mga council

makaplano ug makabuhay og mga kalihokan nga makamugna og pagsalig tali sa komunidad ug mga lider sa priesthood. Kini nga mga kalihokan makahatag usab sa mga miyembro sa Simbahan ug sa komunidad og oportunidad nga makaistorya ug magkahigalaay.

Sa Dominican Republic niadtong 2010, sama pananglit, ang mga lider sa priesthood, public affairs councils, ug mga miyembro sa komunidad nagtinabangay sa usa ka kalihokan nga nagpakita sa mga paningkamot sa Mormon Helping Hands. Sila si Brother ug Sister Mehr midapit sa pipila ka mga lider sa nasud nga ilang katrabaho.

“Daghang inila nga mga indibidwal nga nagrepresentar sa daghang mga institusyon ug organisasyon ang mitambong,” mihinumdom si Brother Mehr, nagdugang nga ang Area Presidency sa Simbahan mitambong usab.

“Ang kalihokan malampuson kaayo,” siya mireport. “Nagkadaghan, kami nakasinati nga ang mga mayor ug mga organisasyon sa siyudad naghangyo sa atong panabang sa pagpanglimpyo. Dugang niini, adunay maayong pagpaila sa Simbahan ngadto sa daghang mga organisasyon.”

Samtang ang paglakip sa direksyon sa priesthood mahinungdanon kaayo sa kalamposan sa pagplano sa kalihokan, dili lang kini mao ang ikonsiderar. Si Kathy Marler nagserbisyo sa multistake public affairs council sa San Diego, California, USA. Usa sa iyang mga higala sa laing tinuohan miingon nga ang mga Santos sa Ulahing mga Adlaw maayo nga modapit sa uban ngadto sa mga kalihokan nga gipasiugdahan sa Simbahan apan kasagarang napakyas sa pakigtambayayong sa uban sa mga kalihokan sa laing mga simbahan.

Si Sister Marler nakahinumdom sa iyang higala miingon, “Mohangyo lamang kamo sa uban sa pagsunod. Mas maayo unta kon inyo kaming pangutan-on kon kami nagkinahanglan ba og tabang. Ang tubag kay klaro kaayo nga oo.”

Pinaagi sa pag-ila sa mga panginahanglan sa uban, miingon si Sister Marler, ang public affairs council usahay mas makatabang sa komunidad kay sa mismong pag-host sa kalihokan.

Komunikasyon ug Pagdumala panahon sa Emerhensya

Bisan tuod nga kadaghanan sa buhat sa public affairs mahitabo sa matag adlaw nga sitwasyon sa kinabuhi sa komunidad, kini usab makatabang sa pagpangandam sa usa ka stake, nasud, o dapit sa Simbahan sa pagdumala sa mga emerhensya, sama sa nahitabo sa miaging tuig sa Japan.

Sa dihang si Bishop Gary E. Stevenson, Presiding Bishop, Presidente kaniadto sa Asia North Area, nakita gayud niya sa unsa nga paagi ang 2011 nga linog nakausab sa kinaiya sa media. “Ang linog ug tsunami nakapa-focus sa mga tawo sa kalibutan ug sa tibuok Japan ngadto sa nagun-ob nga amihanang silangan nga baybayon sa Japan,” siya mihinumdom.

Si Bishop Stevenson miingon nga ang pagkagun-ob nakamugna og “taas kaayo nga lebel sa interes” sa humanitarian aid ug mga kalihokan sa bolunter nga gitanyag ngadto sa Japan, lakip niadtong gihatag sa Simbahan.

Pipila lang ka-adlaw human sa tsunami, ang Simbahan nagsugod sa pagtabang sa mga miyembro ug dili miyembro nga mga biktima. “Ang lokal ug internasyonal nga media misugod sa pagsunod sa matag panghitabo,” miingon si Bishop Stevenson.

Sa dihang ang Simbahan nagsangkap og 250 ka tonelada nga mga supply sa humanitarian aid ug nakatampo og 24,000 ka mga bolunter nga migahin og 180,000 ka mga oras sa pagserbisyo, ang lokal nga mga lider sa munisipyo nakamatikod sa mga paningkamot sa pagluwas, mihinumdom si Bishop Stevenson. Sa usa ka nasud diin dili moabut og dos porsyento ang populasyon nga Kristiyano, pipila niadto nga mga lider gustong mas masayud kabahin sa tahas sa Simbahan niini nga mga paningkamot. Kana nga kakuryuso, siya miingon, naghatag og oportunidad sa mga public affairs specialist dili lang sa pagtabang niadtong nanginahanglan pag-ayo apan sa pagpasabut usab. Sama pananglit, usa ka semana human nga miigo ang tsunami sa Japan, usa ka reporter ang misulat: “Ang bugtong butang nga susama kamaayo sa abilidad sa simbahan sa Mormon sa pagsangyaw sa pulong mao ang abilidad niini sa pagtabang panahon sa



Human sa linog niadtong 2011 sa Japan, ang mga lider sa priesthood nakig-alayon uban sa mga public affairs specialist sa pagdala sa mga paningkamot sa pagluwas pinaagi sa programa sa Mormon Helping Hands. Niining humanitarian nga mga paningkamot, usa ka reporter ang misulat: “Ang bugtong butang nga susama kamaayo sa abilidad sa simbahan sa Mormon sa pagsangyaw sa pulong mao ang abilidad niini sa pagtabang panahon sa mga emerhensya.



mga emerhensya. . . . Ang simabahan wala lang mag-focus sa iyang kaugalingon nga panon.”¹

Kining positibo nga mga report nahimong posible tungod sa daghang mga tuig sa paglig-on sa mga relasyon. Sila si Conan ug Cindy Grames, kinsa nagsugod sa pagserbisyo isip mga representante sa public affairs alang sa Asia North Area niadtong Agosto 2010, miingon nga “ang public affairs council sa Japan naghago sulod sa daghang katugan uban sa mahinungdanong mga lider sa gobyerno sa tibuok nasud. Kining panaghigalaay nakatabang kanila nga makig-alayon sa lokal nga mga ahensya, nga andam nang modawat sa atong tabang.” Si Elder Yasuo Niiyama, nagserbisyo uban sa iyang asawa isip director sa Japan public affairs council sa Simbahan, naghatag og gibug-aton nga “bisan ang ulohang gobyerno sa Japan nakasabot kon unsa ka epektibo ang Simbahan ug unsa kita kadali nga makasugod og hatag og tabang.”

Usa ka pananglitan diin ang mga Japanese lider nakadayeg sa pagtabang sa Simbahan sa eksaktong panahon mao kadtong panahon nga ang lokal nga mga lider sa priesthood miila sa usa ka puno kaayo nga refugee shelter sa usa ka eskwelahan diha sa hilit nga dapit. Uban sa public affairs council ug sa lokal nga welfare manager sa Simbahan, ang mga lider sa priesthood miandam og pagkaon ug ubang mga relief supplies nga ihatud ngadto sa shelter, nga adunay mga 270 nga mga biktima sa tsunami nga nawad-an og mga balay.

Bisan tuod kadtong anaa sa shelter sa sinugdanan nasurprisa nga nakadawat og hinabang gikan sa usa ka simbahan nga Kristiyano, sa ikaduhang higayon nga miabut ang mga bolunteer sa Mormon Helping Hands, nga nagsul-ob og yellow vest, usa ka bata ang misyagit, “Ania na sila! Naghuna-huna ko unsa kaha ang ilang dala karon!”

Human nga madawat ang mga donasyon, ang shelter coordinator miingon ngadto nila ni Elder ug Sister Grames, “Ang inyong simbahan ang nakahatag kanamo sa unang karne ug preskong utanon nga among naangkon human sa linog.”

“Nindot kaayo ang akong gibati,” miingon

si Sister Grames, “nga tinuorayng nagmatinabangon dili lang ngadto sa shelter apan ngadto usab sa mga lider sa priesthood kinsa naningkamot pag-ayo sa pagtabang niadtong nanginahanglan.”

Si Elder Niiyama nagpasabut og laing positibo nga resulta sa mga paningkamot sa council: “Among nahibaloan nga ang pagpakigbahin sa impormasyon sa buhat sa kahupayan sa Simbahan uban sa mga miyembro ingon man sa impluwensyadong mga lider mahinungdanon kaayo sa among tumong sa public affairs. Mibati ko nga ang dili miyembro sa Simbahan karon adunay mas maayo nga panabut sa Simbahan ug ang mga miyembro mas masaligon sa kalig-on sa Simbahan sa Japan.”

Ang Public Affairs isip Instrumento sa Pagpangulo sa Lokal nga Priesthood

Isip mahinungdanong bahin sa usa ka tibuok kalibutan nga organisasyon, ang mga lider sa priesthood makabenebisyo sa mga public affairs council nga nahibalo sa lokal nga palibut ug makatabang sa pagserbisyo sa mga panginahanglan sa komunidad. Si Sister Serdyuk, sa Ukraine, namahayag, “Magantihon nga makita unsa ka maayo ang mga lider sa priesthood midawat sa public affairs isip instrumento sa pagkab-ut sa ilang mga tumong sa priesthood. Usa niining ehemplo mao ang pagpahigayon og serbisyo sa komunidad pinaagi sa mga paningkamot sa Mormon Helping Hands, nga nakapalambo og panaghiusa tali sa mga miyembro sa branch ug ward ug nakatabang nga makaugmad og mas suod nga relasyon tali sa Simbahan ug sa lokal nga mga komunidad.” ■

Ang website sa public affairs sa Simbahan—anaa sa [Iningles sa publicaffairs.lds.org](http://publicaffairs.lds.org)—nagtanyag og dugang nga makatabang nga impormasyon.


MUBO NGA SULAT

1. Kari Huus, “In Japan, the Mormon Network Gathers the Flock,” World Blog from NBC News, Mar. 18, 2011, http://worldblog.msnbc.msn.com/_news/2011/03/18/6292170-in-japan-the-mormon-network-gathers-the-flock.

PROPETIKANHON NGA DIREKSYON KALABUT SA PUBLIC AFFAIRS

Ang mosunod nga mga pakigpulong makatabang sa mga lider sa priesthood, public affairs councils, ug ubang mga miyembro nga mas makasabut sa unsang paagi ang public affairs makapalig-on sa mga komunidad ug makatuman sa mga tumong sa priesthood.

- L. Tom Perry, “Ang Hingpit nga Gugma Nagahingilin sa Kahadlok,” *Liahona*, Nob. 2011, 41–44.
- M. Russell Ballard, “Ang Importansya sa Pangalan,” *Liahona*, Nob. 2011, 79–82.
- M. Russell Ballard, “Hugot nga Pagtuo, Pamilya, mga Kamatuoran, ug mga Bunga,” *Liahona*, Nob. 2007, 25–27.
- Gordon B. Hinckley, “What Are People Asking About Us?” *Ensign*, Nob. 1998, 70–72.
- Ezra Taft Benson, “May the Kingdom of God Go Forth,” *Ensign*, Mayo 1978, 32–35.



MGA PAGHULAGWAY SA LITRATO HINAAGI NI CRAIG DIMOND

Ayaw Gayud Pag-undang

*Usa ka magtiayon ang naghisgut sa ilang tinagsa
nga pagkakabig sa ebanghelyo ni Jesukristo—
nga migintang og 35 ka tuig.*

Nila ni Al ug Eva Fry

Ang Istorya sa Asawa

Sulod sa 35 ka tuig naglaum ug nagpaabut ko nga ang akong bana mamiyembro sa Simbahan. Kad-tong mga tuiga napuno sa kinasingkasing nga mga pag-ampo, apan tulo ka piho nga mga pag-ampo ang dili makalimtan nga mga importanting punto sa akong kasinatian.

Si Al ug ako naminyo niadtong 1959. Usa ka dekada ang milabay kami adunay tulo ka anak ug nagpuyo sa gamayng lungsod sa Canada. Si Al nanag-iya og negosyo sa konstruksyon, ug ako anaa sa balay nga panagsa motabang sa negosyo. Sa matag tapus sa semana, si Al ug ako makig-party sa among mga higala, kanunay adunay ilim-nong makahubog. Ang akong amahan palahubog, mao nga maglagot ko nga ang pag-inom og makahubog may dakong bahin sa among kinabuhi, apan kini nahimong paagi sa among pagpakigrelasyon sa uban.

Niadtong tuiga, 1969, nakaamgo ko nga ang akong kinabuhi walay kapaingnan ug ang among mga anak angayan og mas maayong kinabuhi kaysa among gihatag kanila karon. Usa ka gabii human sa party nga may inom, miluhod ko ug nag-ampo, “Pinalanggang Dios, kon Ikaw anaa, palihug tabangi ko nga mausab ang akong kinabuhi.” Misaad ko Kaniya nga dili nako moinom og alkohol pag-usab, usa ka pasalig nga ako gayud nga gituman sukad niadto.

Kadto mao ang unang dili makalimtan nga pag-ampo, ug kadto natubag dayon. Ang anak nga babaye sa akong bayaw, akong pag-umangkon, gidapit sa pagtambong sa Primary uban sa usa ka higala nga Santos sa Ulahing mga Adlaw. Samtang ang akong bayaw daghang nakat-unan kabahin sa Simbahan, siya nadasig sa pagpadala kanako

og subskripsyon sa mga magasin sa Simbahan, nga miabut sulod sa usa ka bulan gikan niadtong akong unang pag-ampo. Wala ko mahibalo unsa ang Mormon, apan nagahanan kaayo ko sa mga mensahe nga anaa sa magasin ug gibasa ang tanan. Mihukom ko nga mag-investigate sa Simbahan ug didto nakaplagn nako ang tubag. *Giusab* nako ang akong kinabuhi, ug nabunyagan ko niadtong Hunyo 19, 1970.

Si Al wala manumbaling sa akong mga tinguha. Siya ganahan sa una namong estilo sa kinabuhi ug nagpadayon niini. Siya nagpadayon nga buotan nga bana, amahan, ug tigsangkap, apan sa sunod nga 35 ka tuig, kutob nga may kalabutan sa ebanghelyo, nag-inusara ko.

Gipadako nako ang among mga anak sa Simbahan, apan human sa pipila ka tuig, ang among mga anak mas ganahang mogahin sa Dominggo nga mag-boating uban sa ilang papa kaysa magsimba uban kanako. Nasagmuyo ko pag-ayo. Usa ka adlaw niadtong 1975 nakig-istorya ko sa akong stake president ug miingon kaniya nga nakahukom ko nga kinahanglan kong mobiya sa Simbahan tungod kay natunga ang among pamilya. Siya mapainub-sanong naminaw ug miingon, “Buhata unsay imong kinahanglan nga buhaton, apan siguradoa nga ang Amahan sa Langit moaprubar niini.” Busa miuli ko ug nagpuasa ug nag-ampo. Kadto mao ang ikaduhang dili nako makalimtan nga pag-ampo. Ang tubag miabut isip impresyon nga ako nasumpay sa kadena sa ebanghelyo alang sa akong pamilya; kon putlon ko kini, ang tanan mawala. Nasayud ko nga ang tubag gikan sa Dios, busa mipasalig ko nga dili gayud mobiya sa Simbahan. Ug wala gyud ko mobiya.



TINGUHAA KINI, IAMPO KINI

“Sa inyong tibuok kinabuhi dinhi sa yuta, pagmakaugihon sa pagtuman sa sukaranang mga katuyoan niining kinabuhi *pinaagi sa sulundon nga pamilya*. Samtang wala pa ninyo makab-ut kana nga sulundon, buhata kini kutob sa inyong mahimo pinaagi sa pagkamasulundon ug may hugot nga pagtuo sa Ginoo nga makanunayong mopaduol kutob sa inyong mahimo. Ayaw og tuguti nga may mopugong kaninyo sa pagtuman niana nga tumong. . . . Kon sa karon, kana wala maglakip sa sealing sa templo ngadto sa usa ka matarung nga kaparis, tinguhaa kini. Iampo kini. Pagbaton og hugot nga pagtuo nga inyo kining makab-ut. Ayaw pagbuhat og bisan unsang butang nga makapahimo kaninyo na dili angay niini. Kon nawala ang inyong panglantaw sa mahangturong kaminyoon, ibalik kini. Kon ang inyong damgo nagkinahanglan og pailub, pagbaton niini. Isip mga igsoon, nag-ampo og naghago kami sulod sa 30 ka tuig sa wala pa ma-sealed sa templo ang among inahan og ang among dili miyembro nga amahan. Ayaw og kabalaka pag-ayo. Himoa ang inyong pinakamaayo. Dili kita makasulti nga ang panalangin maangkon karon o sa sunod nga kinabuhi, apan ang Ginoo motuman sa liyang mga saad.”

Elder Richard G. Scott sa Korum sa Napulog Duha ka mga Apostoles, “First Things First,” *Liahona*, Hulyo 2001, 7.

Dili sayon ang magpabiling matinud-anon, apan pipila ka mga butang ang nakatabang kanako nga magpabilin sa akong tinuohan og mapailubong naglaum sa adlaw nga ikonsiderar pag-usab ni Al ang ebanghelyo:

- Kanunay nakong gihigugma si Al og akong gibuhat ang tanan sa pag-atiman kaniya og mahimong tigsuporta, maunungon nga asawa.
- Kanunay ko nga mag-ampo. Ang Langitnong Amahan og si Jesukristo nahimo nakong mga kompanyon sa ebanghelyo. Kon lisud nga ikauban si Al tungod kay siya wala nagsunod sa mga sumbanan sa ebanghelyo, mag-ampo ko sa Langitnong Amahan og nahimong mas makaila sa akong Manluluwas.
- Kanunay kong magbasa sa akong kasulatan og sa matag publikasyon sa Simbahan kon maanaa kanako, lakip na ang *Ensign*. Duha ka mga bersikulo sa kasulatan ang, 3 Nephi 13:33 og Doktrina og mga Pakigsaad 75:11, nahimong makahuluganon og nakatandog kaayo kanako. Kini naghatag kanako og kalig-on og pailub nga magpadayon samtang magpaabut sa kausaban sa kasingkasing sa akong bana og mga anak.

- Matinud-anon ko nga misimba nga ako-ako lang hangtud nga mibalik ang matag usa sa among mga anak. Ang tanan aktibo karon. Sa dihang nanagko na sila og mibiya sa panimalay, nagpadayon ko sa pag-simba nga ako-ako lang.
- Kami mag-family home evening bisan wala si Al nasayud nga mao kadto ang among gibuhat. Maghisgut ko og usa ka hilisgutan samtang anaa sa lamesa, og amo kining hisgutan isip usa ka pamilya.
- Naningkamot ko nga magmasulundon og mobuhat sa eksakto nga butang.
- Nakaangkon ko og dugang kalig-on pinaagi sa paghangyo og mga panalangin sa priesthood.
- Mipakigtambag ko sa mga lider sa priesthood.
- Gitratar nako ang akong mga higala sa Simbahan isip pamilya.
- Miadto ko sa templo og na-endowed. Milungtad og taas nga panahon alang kanako sa padesisyon niana; nahadlok ko nga kini mas makapalisud sa akong relasyon uban ni Al. Sa katapusan, akong nasayran nga kini mao ang pinaka maayo nga desisyon alang kanako. Si Al misuporta niini, kini nakapalipay kanako, og human sa pagdawat niini, wala nako maglagot ni Al nga siya ang rason nga dili ko makaadto sa templo. Kon moadto ko sa templo, kanunay nakong ibutang ang pangalan ni Al sa prayer roll.

Sa kinatibuk-an, nagpadayon ko nga nagpuyo isip matinud-anong miyembro sa Simbahan. Nangita ko og gagmay nga mga paagi nga makipagbahin sa ebanghelyo ngadto kaniya, bisan tuod sa kasagaran dili siya ganahang maminaw. Apan akong nakat-unan nga ang Espiritu Santo modasig kanako sa pagsulti sa eksakto nga mga butang og sa saktong paagi og sa saktong panahon sa pagpakigbahin niini. Sa wala madugay akong nasayran nga tungod sa akong pagkamaunungon og pasalig kaniya, si Al natanog sa Espiritu sa matag karon og unya.

Gani siya misugot sa pagpaminaw sa mga leksyon sa misyonaryo sa pipila ka mga okasyon. Apan sa matag higayon, masagmuyo ko tungod kay mobalik siya kanunay sa iyang naandan nga kinabuhi. Bisin pa niining makapawala sa kadasig nga mga higayon, ang Langitnong Amahan nagbantay kanako og mihatag kanako og laing mga panalangin. Sa tibuok panahon nasayud ko nga adunay usa ka butang nga anaa ni Al nga angay paabuton.

Hinay-hinay nausab si Al. Dili na siya mamalikas. Dili na siya mag-inom. Gitratar ko niya og maayo kaysa kaniadto. Nagsugod na siya og simba.

Ug nagpadayon ko sa pag-ampo.

Ang talagsaong tubag sa akong ikatulo nga dili

makalimtan nga pag-ampo miabut niadtong Abril 2005. Naghunahuna ko kon dawaton ba gayud ni Al ang ebanghelyo ni Jesukristo—hapit nawad-an na ko sa paglaum. Mihangyo ko sa Langitnong Amahan alang sa Iyang panabang. Siguro mao na kini ang husto nga panahon tungod kay niadtong Hulyo 9, si Al gibunyagan.

Bisan tuod lisud nga makaabut niini nga kahimtang, mapasalamaton ko nga nakasaksi sa makapahingangha nga gahum sa Dios sa pag-usab sa kasingkasing nga dili motuo ngadto sa motuo. Nasayud ko nga Siya nakadungog ug nagtubag sa daghan nakong mga pag-ampo sulod sa 35 ka tuig. Tungod sa Iyang mga tubag, karon nagpuyo nako uban sa usa ka tawo nga nausab, kinsa nahigugma sa atong Langitnong Amahan sama kanako. Ug kami mas nagkahinigugmaay sa usag usa kaysa sa una.

Nasayud ko nga adunay uban pa sa Simbahan kinsa nagpaabut, naglaum, ug nag-ampo alang sa usa ka hinigugma nga mamiyembro sa Simbahan. Gusto kong moawhag niining mga kaisugan sa pagdawat sa imbitasyon sa Manluluwas nga “duol ngari kanako” (Alma 5:34) alang sa ilang kaugalingon ug dili lang para sa ilang mga hinigugma. Nasayud ko gikan sa kasinatian nga ang pagbuhay sa ingon makapalig-on nga dili mahimo sa uban. Ang magpabiling suod sa Langitnong Amahan, pagsunod sa Iyang mga sugo, ug pagtagamtam sa mga panalangin karon makahatag og kalipay ug motugot Kaniya nga moimpluwensya kanato.

Mopamatuod ko nga ang Dios makadungog sa atong mga pag-ampo. Ang pagpaabut sa Ginoo ug pagdawat sa Iyang panahon nga may hugot nga pagtuod dili sa kanunay sayon, apan nasayud ko nga ang Iyang panahon sa kanunay eksakto.

Ang Istorya sa Bana

Sulod sa 35 ka tuig daghang mga tawo ang naghisgut sa ebanghelyo ngari kanako. Ang akong asawa dili gayud palabyon ang panahon nga dili mohisgut niini, ug siya malamang magbiling og Basahon ni Mormon ug *Ensign* nga magasin nga kanunay makita. Siyempre, dili gyud nako kini kuhaon. Kadaghan na niyang gidapit ang mga misyonaryo; duha o tulo ka parisan na gani nagtudlo kanako sa mga leksyon sa misyonaryo.

Unsa man diay ang nakapugong kanako sa pagpabunayag?

Sa kanunay ako adunay pagpangatarungan. Dugay ko nga mahuman sa trabaho. Wala ko maghunahuna nga ako adunay panahon alang sa ebanghelyo. Busy kaayo ko aron makakwarta. Busa giingnan nako si Eva, “Inig abut sa panahon nga wala na kaayo koy buluhaton ug adunay daghang oras, mobasa ko sa Basahon ni Mormon.”

Apan wala gyud nako buhata. Hinoon, dili man kaayo ko himasa, ug kon ako magbasa og Biblia, dili kaayo ko makasabut. Busa kutob ra gyud ko didto.

Adunay usa pa ka butang nga nagpugong kanako nga mamiyembro sa Simbahan, usa ka butang nga mas seryoso: ang makasasala nga kinabuhi nga akong gisubay. Si Haring Benjamin nagtudlo kanato nga “ang kinaiyanhon nga tawo mao ang usa ka kaaway sa Dios . . . gawas kon siya motugyan ngadto sa mga pagdani sa Balaang Espiritu” (Mosiah 3:19). Wala ko mosunod—nagduhaduha pa ko. Ang Manluluwas miingon, “Ang dili dapig kanako, batok kanako” (Mateo 12:30). Nakaamgo ko karon nga tungod sa paagi sa akong pagpakabuhi, batok ako Kaniya. Kinahanglan ko nga mausab.

Nagpuyo ko nga duol sa ebanghelyo apan wala gayud mopuyo niini, apan sa pagpadayon sa panahon, misugod ko sa pagbati sa Espiritu. Mihunong ko sa pag-party ug pakig-inom. Sa dihang mihimo ko niana nga kausaban,

Samtang nagbasa ko sa sulat sa akong anak nga babaye, nakaamgo ko nga wala na koy ikapangatarungan.



ang Espiritu misugod nga mas kanunayng modasig kanako. Wala pa gihapon ko nahimutang kon asa gyud ko angay—ang akong pinulongan dili maayo ug usbon pa nako ang akong bati nga mga kinaiya—apan hinayhinay kong nausab.

Dayon usa ka adlaw nakadawat ko og package. Gikan kini sa usa sa akong anak nga babaye, si Linda. Kini adunay Basahon ni Mormon ug Biblia nga daghan kaayo og mga marka. Nagsulat usab siya nako nga nagpahayag kon unsa ko niya kahigugma ug gusto niya nga masayran nako unsa ang iyang nahibaloan.

Siya misulat, “Ang bugtong paagi nga masayran kon ang ebanghelyo ni Jesukristo tinuod mao ang pang-pangutana sa kinasingkasing ug uban sa hugot nga katuyoan.”

Dayon mipakigbahin og sunod-sunod nga mga kasulatan si Linda nga nakapahimo kanako sa pag-ampo ug pagtuon sa kasulatan.

“Ang bugtong paagi nga akong nailhan ang Manluluwas ug ang Langitnong Amahan,” siya misulat, “mao ang pinaagi sa pag-ampo ug pagbasa Kanila diha sa kasulatan.”

Dayon iyang gihulagway ang kamahinungdanon sa pagkamapainubsanon ug sa unsang paagi, kon wala ang Dios sa iyang kinabuhi, siya dili makaangkon og kalinaw. Sa katapusan, siya misulat, “Ayaw na paglangay-langay. Napanalanginan na ka og daghan. Karon mao ang panahon sa pagpasalamat sa Langitnong Amahan. Kini mao ang bugtong paagi sa tinuod nga kalipay.”

Wala na koy ikapangatarungan. Wala na kaayo koy buhaton, ug adunay daghang oras. Busa nagsugod ko sa pagbasa ug pagtuon sa mga kasulatan nga iyang gilalad alang kanako, nga nakapadasig kanako sa pagbasa sa ti-buok Basahon ni Mormon. Apan aduna pay daghang mga butang nga wala pa nako masabti.

Niining panahona mitambong ko sa sakrament miting tungod kay ang akong asawa miingon nga maayo unta kon ako mosimba ug motapad kaniya. Misugyot usab siya nga akong basahon ang Doktrina ug mga Pakigsaad. Gibuhat ko kini, ug mas nakasabut ko niini. Dayon, uban sa tabang sa akong asawa, akong gibasa ang Basahon ni Mormon ug misinati nga natinuod ang mga kasulatan sa akong kinabuhi. Pinaagi sa daghang mga pag-ampo, ang Espiritu midasig kanako.

Unsa ang nakahimong kalainan niini ngari kanako? Ang Espiritu Santo ug ang kahibalo sa mga kasulatan. Kining duha ang naghatag kanako og kaisug nga usabon ang akong kinabuhi ug mangayo og pasaylo sa Dios alang sa akong mga sala, nga mao ang nakapugong kanako sa pagpamiyembro sa Simbahan niadtong mga panahona.

Ang pagkumpisal sa akong mga sala lisud kaayo. Kini



Talagsaong kalipay ang among nabati tungod kay kami nahiusa sa ebanghelyo.

nakapasakit kanako nga naghigda lang ko sulod sa tulo ka adlaw tungod sa kaguol. Apan pinaagi sa Pag-ula ni Jesukristo, napasaylo ko. Dayon ang Langitnong Amahan mihatag kanako og kalig-on nga mobarug ug magpadayon sa akong bag-o nga kinabuhi.

Ang akong anak nga lalaki nga si Kevin mibunyag kanako niadtong Hulyo 9, 2005. Mitambong ang usa sa mga misyonaryo nga nagtudlo sa akong asawa mga dekada na ang milabay. Duha ka tuig ang milabay gidala nako ang akong pamilya sa Templo sa San Diego California aron ma-sealed sa karon ug sa kahangturan.

Ang milabayng pito ka tuig mao ang pinakamalipayong mga tuig sa akong kinabuhi. Sa katapusan makabuhat nako isip patriyarka ug espiritwal nga lider sa among pamilya ug mopakigbahin sa ebanghelyo uban sa akong asawa, among mga anak, ug sa among siyam ka apo. Ang panaghiusa sa pamilya nakapalig-on sa tanan sa espirituhanong paagi. Ang akong umagad nga lalaki nagpamiyembro sa Simbahan, ug upat sa among apo nakaserbisyo o nagserbisyo og misyon. Ang akong bag-ong kinabuhi sa Simbahan usa ka milagro. Wala koy ideya sa dakong kalipay ug kalamboan nga nahatag niini kanako.

Mapasalamaton kaayo ko alang niining ikaduhang oportunidad. Mapasalamaton ko nga akong nahulipan kadtong nausik nga mga panahon pinaagi sa paghimo sa buhat sa Dios. ■

PAG-ATUBANG SA UMAABUT NGA MAY PAGLAUM

Ni Elder
José A. Teixeira
Sa Seventy



Ang pag-una sa Ginoo, sa Iyang gingharian, ug sa atong pamilya makahatag kanato og paglaum nga atong gikinahanglan sa pag-atubang sa mga hagit karon ug sa umaabut.

Si Brother Arnaldo Teles Grilo nahimong usa sa akong suod nga mga higala sa dihang kapin sa 20 pa ang akong edad. Sa edad nga 62, si Brother Grilo, usa na ka retired engineer, gitawag nga usa sa akong counselors sa presidency sa kadtong ginganlan sa una og Oeiras Portugal District, diin kami nagserbisyo sulod sa pipila ka tuig.

Ang iyang kaalam ug kasinatian naghatag kanako, usa ka batan-ong lider sa priesthood, og daghang bililhong tambag ug ideya. Siya positibo nga matang sa tawo; kanunay niyang tan-awon ang maayong bahin sa matag sitwasyon ug maayong mopakatawa. Ang iyang kina-ya usa ka tinubdan sa talagsaong inspirasyon niadtong nagpalibut kaniya ug ilabi na nako tungod kay nasayud ko sa lisud nga mga hagit nga iyang giatubang.

Human sa iyang paggradwar isip usa ka engineer, si Bother Grilo miapil isip tigsiksik sa National Agronomic Agency sa Portugal ug sa wala madugay mibiyaha sa usa sa mga kolonya sa Portuguese didto sa Africa aron sa pagdumala sa proyekto sa pagsiksik sa gapas. Ang proyekto nakapahimo kaniya nga makabaton og malampusong kabuhian isip senior executive sa dako nga internasyonal nga banko sa nasud. Hapit 30 ka tuig didto sa Africa, siya nagmugna og maayo nga pamilya ug nagtagamtam og haruhay nga kinabuhi hangtud ang iyang pamilya napugos sa dinalian nga pagbalik sa Portugal tungod sa trahedyang sa panagbangi ug gubat.



Si Brother Arnaldo Teles Grilo—litrato anaa sa tuo niadtong 1956 ug sa ibabaw niadtong 1960 uban sa sakyanan nga iyang gihatag ngadto sa usa ka higala aron sa pagtabang nga makaeskapo sa gubat—kinahanglang biyaan ang tanan niyang gihagoan, apan siya nagpabiling nakaangkla sa lig-ong mga baruganan, gugma alang sa iyang pamilya, ug hugot nga pagtuo ni Jesukristo.



Gibiyaan ni Brother Grilo ug sa iyang pamilya ang tanan nilang hinagoan—tanang nilang kabtangan ug personal nga mga gamit—human mismong nakasaksi sa makapagun-ob nga epekto sa gubat diha sa nasud nga ilang gihigugma.

Bisan pa sa kalibug ug kagubot tungod sa gubat nga hinay-hinayang nakapawala sa kalinaw ug kalig-on atol sa iyang katapusang mga bulan sa Africa, giluwag ni Brother Grilo ang usa sa iyang mga higala pinaagi sa paghatag kaniya og mahalong nga sakyanan nga iyang napalit sa Germany. Ang sakyanan nakatabang sa iyang higala ug sa inahan sa iyang higala nga makaeskapo sa gubat.

Ang pagkaadunahan tungod sa pagkaku-gihan ni Brother Grilo wala makapahanap sa iyang mga prayoridad. Siya nagpabiling naka-angkla sa lig-ong mga baruganan ug gugma alang sa iyang pamilya.

Mibalik sa Portugal sa edad nga 52, iyang giatubang ang reyalidad nga siya magsugod sa wala. Uban niining tanan nga kalisud ug trahedyang, unsa ang kalainan nga nahimo sa iyang kinabuhi? Nganong siya positibo kaayo kabahin sa karon ug sa umaabot? Nganong masaligon man kaayo siya?

Si Brother Grilo namiyembro sa bago-o pa ang Simbahan sa Portugal ug nahimong lig-on nga haligi ug pioneer sa nasud. Kadaghan na niyang gidala ang iyang pamilya ngadto sa templo sa Switzerland, mobiyahe og 2,800 ka

milya (4,500 km) round-trip isip pahayag sa iyang hugot nga pagtuo ug debosyon. Sulod sa mga katugan sa iyang pagserbisyo, si Brother Grilo ug ang iyang asawa naghatag og kalipay sa ilang mga anak ug sa uban.

Ang hugot nga pagtuo ni Brother Grilo nakasentro ni Jesukristo ug sa iyang kahibalo nga sa katapusan, si Jesukristo mao ang maghari. Kini ang naghatag kaniya og paglaum sa karon ug sa umaabot.

Ang Bag-ong Tugon natapos nga may mensahe sa dakong paglaum.¹ Ang mga propeta sama ni Juan nga Tigpadayag nakakita sa mga butang nga moabut ug misulti kanato sa mga panalangin nga atong madawat kon kita magpabiling matarung ug molahutay hangtud sa katapusan.

Si Juan nakakita og usa ka libro nga may pito ka timri [seals], o mga tagal sa panahon, ug iyang gihulagway kon sa unsang paagi si Satanas kanunay nga nakig-away batok sa mga matarung (tan-awa sa Pinadayag 5:1–5; 6). Apan nakita usab ni Juan nga si Satanas napriso ug si Jesukristo mao ang naghari (tan-awa sa Pinadayag 19:1–9; 20:1–11). Sa katapusan iyang nakita nga ang mga matarung mopuyo uban sa Dios human sa Katapusang Paghukom (tan-awa sa Pinadayag 20:12–15).

Usa sa dakong hagit karon mao ang pagkat-on sa pagbuntog sa kahadlok ug kawala sa paglaum aron mabuntog ang mga pagsulay ug tintasyon. Dali lang para nato sa pagbukas sa newspaper, pag-surf sa internet, o pagpamati sa sibya sa radyo o telebisyon aron mahibaloan ang makapaluya nga mga balita sa krimen ug natural nga mga kalamidad nga nahitabo matag adlaw.

Ang pagsabut sa mga saad nga anaa sa kasulatan kon sa unsang paagi ang Ginoo mobuntog sa panulay ug sa unsang paagi ang kamatuoran makapawala sa sayop makatabang kanato sa pag-atubang sa umaabot nga may paglaum ug positibo. Sa kalibutan karon atong makita ang gubat, natural nga mga kalamidad, ug krisis sa ekonomiya. Usahay kining mga panghitabo dili lamang mga butang nga atong maobserbar sa layo apan mga butang nga personal nga nakaapekto kanato.

Dili ngay nga kita magmasulub-on kon mawad-an sa kalibutanong mga butang o magpunting sa temporal, tungod kay kining

mga butanga makapahikaw kanato sa kalipay sa yano, mahinungdanong mga butang sa kinabuhi.

Mapasalamaton ko sa ehemplo ni Brother Arnaldo Teles Grilo. Padayon niyang giuna ang espirituhanong mga butang, mga butang nga “bililhon kaayo [kanato] sa katapusan nga mga adlaw” (2 Nephi 25:8), lakip ang relasyon sa pamilya ug pagserbisyo sa uban.

Kinahanglan natong atubangon ang umaabot nga may paglaum tungod kay kita nasayud nga ang mga pwersa sa kadautan mabuntog. Kitang tanan kinahanglang magbaton kanunay og positibong panglantaw samtang atong atubangon ang mga hagit tungod kay karon aduna kitay mga kasulatan, mga pagtulun-an sa buhi nga mga propeta, awtoridad sa priesthood, mga templo, ug

ang suporta sa matag usa isip mga miyembro sa Simbahan. Kitang tanan kinahanglang “mahimo nga magmadaugon” tungod sa pagampo (D&P 10:5). Ug ang pinaka importante, kita kinahanglang maglaum sa kinabuhing dayon tungod sa hingpit nga sakripisyo sa pag-ula sa Ginoo (tan-awa sa Moroni 7:41).

Kon eksakto ang atong mga prayoridad, kita magpuyo og mabungahon ug mas abunda nga kinabuhi. Ang pag-una sa Ginoo, sa Iyang gingharian, ug sa atong pamilya makahatag kanato og paglaum nga atong gikinahanglan sa pag-atubang sa mga hagit karon ug sa umaabot. ■

MUBO NGA SULAT

1. Tan-awa sa Pinadayag 19–22; tan-awa usab ang leksyon 46, sa *Bag-ong Tugon Manual sa Magtutudlo sa Doktrina sa Ebanghelyo* (1997).



Kitang tanan kinahanglang magbaton kanunay og positibong panglantaw samtang atong atubangon ang mga hagit tungod kay karon aduna kitay mga kasulatan, mga pagtulun-an sa buhi nga mga propeta, awtoridad sa priesthood, mga templo, ug ang suporta sa matag usa isip mga miyembro sa Simbahan.

KINI NGA TEKSTO HEBREOHANON

Human og basa sa Daang Tugon pipila na ka tuig ang milabay, nakaangkon ko og interes sa mga pagtulun-an niini, ilabi na sa mga sinulat ni Isaias, ug nagpadayon sa pagtuon niini. Niadtong 2010, nakatupad nako diha sa eroplano ang usa ka Jewish rabbi. Gisugdan nako ang panag-istoryahanay pinaagi sa pagpangutana kaniya kabahin sa pipila ka mga bersikulo sa Isaias. Sa nagpadayon ang among panag-istoryahanay, among nahisgutan ang kaimportante sa awtoridad sa priesthood sama sa masabtan diha sa Daang Tugon.

Ang rabbi nangutana kanako kon asa ang mga miyembro sa simbahan nakakuha sa ilang awtoridad sa priesthood. Gipahimudsan nako ang

panahon pinaagi sa pag-istorya kaniya kabahin sa Unang Panan-awon ni Joseph Smith ug ang pagpahiuli sa Aaronic ug Melchizedek Priesthood. Among nahisgutan ang paghubad sa Basahon ni Mormon ug ang mga katuyoan niini isip “Lain nga Tugon ni Jesukristo.”

Ang rabbi nakuryuso. Siya nangutana kon pila ang edad ni Joseph sa dihang iyang nadawat ang Unang Panan-awon. Sa dihang ako siyang giingnan nga si Joseph 14 anyos, susama og edad ni Samuel diha sa Daang Tugon, siya mitubag nga daghang mga propeta ang gitawag sa dihang batan-on pa sila. Siya miingon nga kini nahisubay lang nga ang Dios motawag ni Joseph sa batan-on pa.

Ang rabbi nangutana kanako kon asa ang mga miyembro sa simbahan nakakuha sa ilang awtoridad sa priesthood. Giistoryahan nako siya kabahin sa Unang Panan-awon ni Joseph Smith ug ang pagpahiuli sa Aaronic ug Melchizedek Priesthood.

Giablihan nako ang akong mga kasulatan, ug kaming duha nagbasa sa mga pagpamatuod sa Tulo ug Walo ka mga Saksi. Giingnan nako siya nga ang pipila sa mga saksi mi-biya sa Simbahan apan walay usa ang milimud nga nakita ang bulawang mga palid.

“Nganong nakaako sila sa pag-biya sa Simbahan human makakita sa anghel ug sa mga palid?” siya nangutana.

“Nakahinumdom ko nga ang mga anak sa Israel naghimo og bulawang baka sa mubong panahon human nakasaksi sa pagtunga sa Pulang Dagat,” mitubag ko.

Iyang gipakli ang 1 Nephi ug misugod sa pagbasa. Siya mihunong ug miingon, “Kini nga teksto Hebreohanon.”

Dayon iyang gipasabut nganong ang text ingon og Iningles nga hubad gikan sa Hebreohanon. Giingnan nako siya nga ang basahon sinulat sa usa ka tribo sa Israel. Gikutlo nako ang Ezequiel 37:15–20, nga naghigut sa sungkod [stick] ni Juda ug sungkod ni Jose. Kami nagkauyon nga ang sungkod ni Juda nagrepresentar sa Biblia, ug akong gipasabut nga ang sungkod ni Jose mao ang Basahon ni Mormon.

Human sa among tulo ka oras nga panag-istoryahanay ang rabbi mipahayag og interes nga makaangkon og kopya sa Basahon ni Mormon. Sa akong pag-uli, gipadalhan nako siya og personalized nga kopya nga may sinulat nako nga pagpamatuod. Mapasalamaton ko nga ang akong mga paningkamot sa pagtuon sa Daang Tugon nakaandam kanako sa paghisgot sa mga kasulatan ug pagpakigbahin sa akong pagpamatuod ngadto sa akong bag-ong higala, usa ka rabbi. ■

Derk Palfreyman, Utah, USA



MAS MAAYONG MAG-AMPO KA OG UNA

Hapit ko nga mobiya sa Simbahan tungod kay wala mi nagkasinabut sa akong stake president. Mibati ko nga nagbuhat siya og usa ka butang nga dili saktog. Wala ko makauyon sa iyang mga gibuhad, mao nga mihunong ko sa pagsimba.

Ang akong asawa miingon kanako, “Dili ka makadesisyon og ingon niana nga dili mag-ampo ug magpuasa.”

Husto siya. Human nako og ampo, ang mosunod nga mga pulong klaro ug direkta nakong nahunahunaan: “Ang sulugoon sa Dios gitawag sa Dios.”

Nianang gabhiuna nagdamgo ko. Sa akong damgo gikasab-an ko sa akong apohang lalaki kay nakig-away ko sa akong lider. Dayon nakamata ko ug dili na makatulog sa tibuok gabii. Human sa dugayng halawum nga pagpamalandong, nasayud na ko unsa ang angay nga buhaton. Miduol ko sa akong stake president ug nangayo og pasaylo. Malipayon niyang gidawat ang akong pasaylo, ug nag-ampo ming duha.

Diha-diha dayon misimba ko pag-usab. Duha ka semana ang milabay gipabalhin ko sa akong kompaniya ngadto sa Abuja, ang ulohan sa Nigeria. Naglibog ko nganong pabalhinon ko og laing stake human sa akong pangingkamot nga matarung ang akong kaugalingon.

Sa wala madugay nasayran nako nga ang Dios nag-andam kanako. Atol sa akong ikaduha nga bulan sa Abuja, gitawag ko isip branch president.

Sigurado ko nga ang Langitnong Amahan gustong tudloan ko sa kaimportante sa pagpaluyo sa mga lider sa Simbahan sa wala pa ko niya gitawag aron mahimong lider.



Human nako og ampo, ang mosunod nga mga pulong klaro ug direkta nakong nahunahunaan: “Ang sulugoon sa Dios gitawag sa Dios.”

Kini nga kasinatian nakapalig-on sa akong pagpamatuod. Karon naningkamot ko og maayo nga maminaw sa tambag sa akong mga lider tungod kay sila gitawag sa Dios. Ug si bisan kinsa ang Iyang gitawag, Siya mopasarang.¹

Ang atong mga lider mga tawo lamang. Bisan tuod sila dinasig, sila dili hingpit. Nakakat-on ko nga kon kita

makiglalis kanila, kinahanglan nga kita mosuporta, moawhag, ug mag-ampo alang kanila ug sa atong kaugalingon aron kita mosalig sa Dios ug sa mga sulugoon nga Iyang gipili. ■

Martins Enyiche, Nigeria

MUBO NGA SULAT

1. Tan-awa sa Thomas S. Monson, “Duty Calls,” *Ensign*, Mayo 1996, 44.



Nangutana ko kon nagplano ba siya nga magpamatuod kon moabut ang oras. Miingon siya oo ug dayon nangutana, “Ikaw?”

MAGPAMATUOD KA BA?

Bag-ohay lang nga ako nakatambong og sakrament miting sa laing estado uban sa mga miyembro sa Simbahan nga dili nako kaila. Aron makaistorya sa brother nga naa sa akong tapad, nangutana ko kon nagplano ba siya nga magpamatuod kon moabut ang oras. Miingon siya oo ug dayon nangutana, “Ikaw?”

“Dili na siguro,” mitubag ko. Dayon midugang ko, “Apan ang Simbahan tinuod, ug ang ebanghelyo tinuod.”

Nakalimtan na dayon nako ang mubo namong panag-istoryahanay. Sa dihang oras na sa pagpamatuod, kami giawhag nga mubo lang aron daghan

ang adunay oportunidad nga makapakigbahin sa ilang mga pagpamatuod. Sa dihang ang brother mibarug ug mipakigbahin sa iyang pagpamatuod, iyang giila nga walay igong oras sa pagpakigbahin sa tanan niyang gusto isulti kabahin sa ebanghelyo ug sa kalipay nga nadala niini. Hinoon, iyang gipakigbahin ang mga pulong sa among panag-istorya, usa ka tawo nga bag-o lang niya naila-ila, ug sa unsang paagi ang pahayag mihiusa sa tanan. Ang Simbahan tinuod, ug ang ebanghelyo tinuod. Kana mao ang importante.

Sa pagpamalandong niadto nga kasinatian, akong nasabtan nga kita

makapamatuod sa daghang mga paagi, ug kita makahimo og positibong impluwensya sa uban sa mubo lang nga panahon. Dili igsapayan kon unsa ka mubo ang atong pakig-istorya sa uban, kita makabilin og positibong impresyon sa ebanghelyo ug sa atong kaugalingon.

Wala ko makapagpamatuod sa pulpito niadtong adlaw, apan ang akong mubong pagpamatuod napakigbahin ug ang akong impluwensya nabati sa brother nga akong kaistorya ug niadtong nakadungog sa iyang pagpamatuod. ■

LaReina Hingson, Indiana, USA

GUSTO KONG MOLINGKOD SA SABAKAN NI JESUS

Kwatro anyos lang ang among apo nga lalaki sa dihang gikuha siya sa polis sa kilid sa highway. Siya miingon nga siya padulong sa balay sa iyang Lola, mga lima ka milya (8 km) kalayo.

Kini mao ang ikaduhang higayon nga milayas siya sa dili malipayong panimalay, naningkamot nga makaa-but kanako. Sa nagsunod nga pipila ka bulan, nakaamgo ko nga ang responsibilidad sa pagpadako sa akong apo nga lalaki ug sa iyang duha ka manghud nga mga babaye ingon nga mapasa ngari kanako—usa ka ideya nga dili ko andam nga dawaton.

Ang akong bana ug ako naningkamot pag-ayo sa pagpatubo sa among mga anak diha sa mga baruganan sa ebanghelyo, apan sa kaulahian ilang gisalikway kadto nga mga baruganan. Kapin sa 50 na ang akong edad ug mibati nga ako aduna nay katungod sa pagbuhat sa mga butang nga akong ganahan. Gihambin nako ang tumong sa akong bana ug nako nga mag-misyon kon siya moretiro na. Ang ideya nga mag-grocery uban sa gagmayng mga bata, pag-andam og mga pagkaon, pagpanlaba og daghan kaayo, ug sa umaabot nga adlaw mag-amuma og mga tin-edyer naka-pahilak kanako.

Usa ka hapon, hinoon, usa ka butang ang nakapausab sa akong gibati. Usa ka gamay nga butang ang nakapasaput sa akong apo, busa ako siyang gipalingkod sa akong sabakan ug gipahiran ang iyang mga luha. Samtang ako siyang gikuptan, kami naghigut sa dakong gugma ni Jesus ngadto kaniya. Sa duol adunay kalendaryo sa bong-bong nga nagpakita sa mga painting sa Manluluwas, busa gitagsa-tagsa namo og tan-aw kad-tong nindot nga mga litrato.

Ang akong apo nainteresado kaayo sa paghulagway sa Manluluwas nga naglingkod sa may pultahan nga bato nga Iyang gisabak ang gamay, brown

og buhok nga babaye. Sa painting, ang Manluluwas ug ang bata nagpakita nga malinawon. Ang akong apo mitan-aw og maayo, mitudlo sa babaye, ug gitawag kini sa pangalan sa iyang igsoon.

“Giunsa ni Katie paglingkod sa sabakan ni Jesus, Lola?” nangutana siya. “Gusto usab kong molingkod sa Iyang sabakan!”

“Dili ka karon makalingkod sa sabakan ni Jesus, palangga, apan makalingkod ka sa akong sabakan,” miingon ko. “Si Jesus nag-andam og mga lola alang sa gagmayng mga bata aron sa paghigugma kanila ug pagkupot kanila ug pag-amuma

kanila kon sila nagkinahanglan niini.”

Sa kalit lang ang akong kasing-kasing nakadawat sa umaabot nga mohigugma—sama sa paghigugma sa Manluluwas—sa tulo ka pinalang-gang mga bata kinsa nanginahanglan kanako. Sila dili na palas-anon apan talagsaon nga panalangin ug oportunidad nga makaserbisyo sa atong Ginoo.

Mapasalamaton ko kanunay sa malumong kalooy sa Dios nga gihatag kanako nianang hapona. Kini naka-pausab sa akong kinabuhi ug nagpadayon sa paglig-on ug pagpanalangin sa among panimalay. ■

Pangalan gipugngan

Samtang akong gikuptan ang gisaput kong apo, kami naghigut sa dakong gugma ni Jesus ngadto kaniya.



KON ANG MAAYONG MGA PLANO

Ang pagplano sa kaugmaon importante, ilabi na para sa mga young adult. Apan unsa ang mahitabo kon ang labing maayo nga mga plano wala mosaler?

NAPAKYAS

Ni Stephanie J. Burns

Si Jung Sung Eun sa Korea wala makapasas sa eksamin aron mahimong magtutudlo. Si Tina Roper sa Utah, USA, natangtang sa trabaho nga iyang gilauman nga mahimong kabuhian. Si Todd Schlensker sa Ohio, USA, nakadawat og espi-ritwal nga kumpirmasyon nga mag-minyo apan ang iyang engagement natapos. Si Alessia Mazzolari (pangalan gipugngan) sa Italy mitapos sa iyang gituohan nga mao ang hingpit nga relasyon.

Walay gusto nga mosangput ngadto sa “plan B.” Apan bisan kon ang atong mga plano mapakyas, ang Langitnong Amahan dili mobiya sa Iyang mga anak. Adunay daghang mga paagi aron ang kinabuhì ma-maayo. Inig-abut sa panahon, atong makita nga ang mga babag nga nakapausab sa atong mga plano nag-hatag kanato og mga pagtulun-an ug kasinatian (tan-awa sa D&P 122:7) ug modala ngadto sa usa ka kahimtang nga mas maayo.

Pagtukod og Karakter, Dili Résumé

Si Sung Eun nagkugi og maayo aron matuman ang iyang dugay nang pangandoy nga mahimong magtutudlo. Siya mipasabut, “Tungod kay

naningkamot ko pag-ayo sa tanan nakong gibuhit, halos kanunay nako nga maangkon ang akong gipangandoy ug giampo.” Apan kana wala mahitabo sa dihang mikuha siya sa eksamin sa kwalipikasyon sa usa ka magtutudlo. “Sa dihang nahagbong ko,” siya miingon, “mibati ko nga n-wala ang tanan nakong damgo sa usa lang ka adlaw.”

Si Tina sa sinugdanan wala mabalaka sa diha nga ang lain nga kompanya mipalit sa kompanya nga iyang gitrabahoan. Ang bag-ong organisasyon misaad kaniya og posisyon nga molungtad, busa mibalhin siya paduol sa iyang trabahoan nga may dakong paglaum sa usa ka bag-ong trabaho. Sa dihang gitangtang siya sa kompaniya nga pipila lang ka bulan ang milabay, mibati siya nga “nawala, naglibug, nagguol, ug nahadlok.”

Imbis nga mag-focus og maayo sa paghimo sa ilang mga résumé, si Sung Eun ug Tina nakaamgo nga sila maka-focus usab sa pagtukod sa ilang karakter. Silang duha nakakaplag og paghupay pinaagi sa pagtuon sa ebanghelyo ug pag-ampo.

“Si Apostol Pablo usa ka talagsa-ong higala nga mitabang kanako nga magmapailubon ug mopadayon sa

pagsagubang sa mga hagit,” miingon si Sung Eun. “Siya sa kanunay may positibong kinaiya ug andam nga nagpaabut kon unsa ang giandam sa Dios alang kaniya, kaysa maglaum para sa iyang kaugalingong timing.

“Nakakat-on ko og usa ka butang gikan sa iyang ehemplo: ang panahon sa pagpaabut dili lang proseso nga kinahanglan natong sination aron makaangkon sa atong gusto. Hinoon, kini usa ka proseso diin kita mamahimo kon unsa ang gusto sa atong Langitnong Amahan alang kanato pinaagi sa mga kausaban nga atong gihimo.”

Nakaplagan ni Tina nga ang kausaban nga iyang gikinahanglan pag-ayo mao ang pag-usab sa panglantaw. “Natingala ko nga nahibaloan nga akong gisukod ang bili sa akong kaugalingon sa kalibutanong mga ideya,” nahinumdon siya. “Mibati ko nga bililhon tungod sa akong trabaho ug posisyon, nga nangawala ra. Nakaplagan nako karon ang bili sa akong kaugalingon diha sa mahangturong mga kamatuoran nga ako anak nga babaye sa Langitnong Amahan ug ako adunay balaanong potensyal. Kini nga mga kamatuoran dili mawala.”

Sila si Tina ug Sung Eun miangkon



nga samtang ang pagtukod og karakter dili sa kanunay makahimuot, ang mga bunga sa personal nga kalamboan maayo gayud. Si Sung Eun miingon, “Ang sunod nga tuig human ko nahagbong sa eksamin sa kwalipikasyon sa magtutudlo dili lamang ang pinakasakit ug pinakaguol nga panahon, kini usab mao ang pinaka bililhon. Mas nakasabut ko sa mga kalisud sa mga katawhan ug nagtinguha nga motabang kanila nga kinasingkasing nga katuyoan ug pag-amuma.”

Ang mga ehemplo ni Ammon ug sa iyang igsoong mga lalaki sa Basahon ni Mormon mipakita kang Tina kon sa unsang paagi ang Ginoo milig-on sa iyang pagtuo aron sa pagtabang kaniya nga makab-ut ang iyang tibuok potensyal. “Ang plano sa Ginoo mao nga ang mga Nephite moluwas sa ilang igsoon nga mga Lamanite imbis nga mogamit og espada sa pagsulbad sa problema,” siya mipasabut. “Ang mga anak nga lalaki ni Mosiah gihatagan og buluhaton nga nagkinahanglan og dakong pagtuo, apan gisaaran usab sila nga kon ilang agwantahon ang ilang kasakit nga mapailubon, sila magma-lampuson (tan-awa sa Alma 26:27). Ang pagpailub mao ang usa sa akong pinakalisud nga pagsulay tungod kay gusto nakong masabtan ang akong tibuok plano—apan nakaamgo ko nga ang plano sa Langitnong Amahan ug timing alang kanato sa kanunay mao ang pinakamaayo.”

Pagsunod sa mga Kasugoan Bisan Unsa pa ang Mahitabo

Si Todd nag-atubang og maayong kaugmaon sa iyang pagpauli gikan sa mision. Samtang nag-eskwela, nailaila niya ang usa ka talagsaong bataan-on nga babaye. Human sa pipila ka bulan nga pagpanguyab ug usa ka espiritwal nga kumpirmasyon, si Todd mi-propose ug gidawat sa babaye. Nagplano sila nga ang ilang kasal

inig-tapos sa ting-init, ug sila namauli aron mag-andam.

“Tulo ka semana human nga nanamilit kami sa usag-usa didto sa eskwelahan, iyang gitapos ang among plano sa pagpakasal,” mihi-numdon si Todd. “Ang *tumang kasubo* dili paigo sa pagpahayag sa akong mga pagbati. Adunay daghang wala matubag nga mga pangutana sa akong hunahuna; dili gayud masabut. Nakadawat ko og kumpirmasyon diha sa balay sa Ginoo, ug karon ang among relasyon natapos. Ang akong pagpamatuod nasulayan gayud pag-ayo.

“Sa walay swerte, sa mga tuig human sa panagbulag, dili ko makabuntog niini. Wala ko masayud kon ako makasalig pa ba og usab sa pagbati sa kumpirmasyon. Kanunay kong nagsalig sa Ginoo ug naghimo sa akong pinakamaayo sa pagsunod sa mga sugo,” siya nagpadayon. “Ingon og nakawang lamang.”

Si Alessia usab naghunahuna nga ang iyang relasyon sa usa ka batan-ong lalaki mao na gayud. “Ang among istorya nindot kaayo, nga bisan kami nakasinati og normal nga mga kalisud sama sa nasinati sa managtiayon, naghunahuna kami nga ang among relasyon dili matapos,” siya mihinumdom.

Sa dihang nag-mission ang hini-gugma ni Alessia, ang pagkalagyo lisud kaayo kaysa gituohan ni Alessia. “Samtang wala siya, mas naila nako ang akong kaugalingon. Naka-amgo ko nga daghang mga butang sa akong kinabuhi ang wala pa masakto ug sa kasagaran mipaluyo ko sa binata nga mga ideya kaysa magpaubos sa akong kaugalingon ug atubangon ang reyalidad,” mihinumdom siya. “Nagpuyo ko nga ingon og sama sa fairy tale, daw ang gugma paigo aron mahimong sakto ang tanan, ug sa kanunay kini makapabaliwala kanako sa labing importanting mga butang.”



Sa gihapon, si Alessia nagdahum og malipayong panaghiusa ug padayon nga relasyon inig-uli sa iyang hinigugma gikan sa misyon. Apan, sa iyang pag-uli, silang duha nag-date lang og kadiyot dayon nagbulag. “Kadto mao ang usa sa labing pait nga higayon nga akong mahinumdu-man,” miingon si Alessia.

Sa ilang isigka kasinatian, sila si Todd ug Alessia sa katapusan naka-amgo nga bisan tuod ang usa ka mahinungdanon nga relasyon sa ilang kinabuhi nausab, dili sila makabiya sa ilang pagkamasulundon ug pagdapig sa Ginoo. Siya nahimo nilang angkla sa dihang ang tanan nagkausab ug dili na sigurado.

“Ako walay tubag nganong nakadawat ko og kumpirmasyon nga magminyo, ug wala kini mahitabo,” mihinumdom si Todd. “Apan naka-amgo ko nga dili kini igsapayan. Ang *mahinungdanon* mao nga ako aduna

gihapoy pagtuo ni Kristo, ug akong gigamit kana nga pagtuo sa pagsalig sa bisan unsang giplano sa Ginoo alang kanako.”

Si Alessia nasayud gyud nga ang hingpit nga pagdapig ngadto sa Ginoo makahatag kaniya sa kalig-on nga iyang gikinahanglan. “Nasabtan nako nga miabut na ang higayon nga ako mohukom kon unsa nga matang sa tawo ako gusto nga mamahimo,” siya miingon. “Magpadayon ba ko nga mopuyo nga kulang sa tinguha, o magsugod ba ko sa dalan paingon nga mahimong tinuod nga disipulo ni Kristo? Gusto nakong mas mailhan Siya, tinuoray nga higugmaon Siya, ug maningkamot nga mahimong mas maayo nga tawo pinaagi sa pagsunod sa Iyang mga sugo—dili sa gawas lamang apan sa akong kasingkasing uban sa lunsay nga pagkamatinuoron.”

Pagpalambo og Paglaum sa Umaabot ug Hugot nga Pagtuo ni Kristo

Human makasinati niining wala damha nga mga kapakyasan, kining upat ka mga young adult nanlimbasug sa pagpangita og kaisug nga magpuyo sa karon ug magplano og usab alang sa umaabot. Apan ilang nakaplagan nga ang ilang hugot nga pagtuo sa Ginoo milambo.

Si Sung Eun nakahinumdom nga human nahagbong sa iyang eksaminasyon, ang pagsulay sa bag-ong mga butang nahimong lisud. Ug dayon adunay importante kaayo nga pagkadiskobre: “Nakaamgo ko nga ang tinuod nga kapakyasan mao ang maghunahuna kanunay sa nangagi ug dili maningkamot nga mosulay sa paghan-ay sa mga butang. Mihukom ko nga imbis magpadayon nga magguol, akong gihimong oportunidad sa pagkat-on kining lisud nga panahon. Ang akong abilidad sa pagsabut sa kinabuhi sa kinatibuk-an milapad ug milalum, ug nakakat-on ko nga ang pagtapos sa usa ka butang makapasugod sa laing butang.” Mikuha siya og usab ug nakapasar na sa eksamin ug karon “usa ka malipayon nga magtutudlo nga malingaw nga mogahin og panahon uban sa mga estudyante matag adlaw.”

Si Tina mipili nga mosalig nga adunay giandam alang kaniya, bisan tuod lisud nga moatubang sa umaabot nga walay kasiguroan. “Mihukom ko nga moeskwela og balik, ug nagtuon ko og field sa art ug teknolohiya, nga ganahan kaayo kong magkat-on apan wala ko sa gikinahanglan nga mga kahanas,” siya nagpasabut. “Andam nakong magsugod og laing hagit sa kinabuhi, mas maayo, salamat sa kalam sa akong Langitnong Amahan.”

Si Todd nagpadayon sa pagpakig-date sulod sa unom ka tuig ug naningkamot nga mopalambo og pagsalig sa Ginoo. Bisan kon siya nakailaila og mga babaye nga iyang giganahan

pag-ayo, kinahanglan niyang buntugon ang iyang mga pagduhaduha gikan sa nangagi sa pagguba sa iyang mga paglaum alang sa umaabot. “Ang pagpangita og determinasyon nga dili magpadala sa akong mga pagduhaduha sa unom ka tuig dili sayon,” miingon siya. “Apan determinado ko sa paningkamot nga ipakita sa akong kaugalingon nga misalig gyud ko sa Ginoo ug sa Iyang mga pagdasig, bisan tuod nasuko ko Kaniya sa una.” Usa ka bag-ong relasyon sa katapusan ang misangput ngadto sa kaminyoon sa templo.

“Kanunay kong matingala nganong ang Ginoo mopanalangin kanako og usa ka tawo sama ka maayo sa akong asawa nga dugay man ko nga nanlimbasug aron hingpit nga mosalig sa mga pagbati sa Espiritu,” namalandong si Todd. “Kini pagpamatuod alang kanako nga ang Ginoo nagpaabut sa pagpanalangin kanako, apan sumala kanunay sa Iyang panahon.”

Si Alessia, pinaagi sa pagpahinungod pag-usab sa iyang kaugalingon ngadto sa Ginoo, mipalambo og halawum ug personal nga pagpamatuod. “Ang plano sa kaluwasan nahimong mas makahuluganon alang kanako, ug ang akong mga pakigsaad nahimong mas moepeкто ug halawum. Ang Pag-ula ni Kristo dili lang usa ka teyoriya o usa ka butang nga akong nabasahan, tingali sa taphaw lang. Ang kausaban sa kasingkasing nahitabo sa sulud, ug ako adunay sigurado nga saksi.” Karon, siya miingon, siya mibati nga sama sa usa ka bag-ong tawo.

Dili igsapayan sa mga panghitabo sa panaw sa kinabuhi, ang katapusang destinasyon sa kinabuhing dayon mao ang gusto sa Langitnong Amahan alang sa Iyang mga anak (tan-awa sa Moses 1:39). Ang uban gani mahimong molantaw nga ang “plan B” mao ang yanong paagi sa paghimo sa Iyang “plan A” nga matinuod. ■



ANG LABING MAAYO MOABUT PA

“Kita motan-aw sa kagahapon aron sa pagkat-on sa mga maayong mga kasinatian ug dili ang mga bati nga mga kasinatian. Ug kon kita makakat-on kon unsa ang kinahanglan nga makat-unan ug atong gibuhat ang atong labing maayo sa atong nasinati, dayon kita molantaw sa unahan ug mohinumdom nga ang *hugot nga pagtuo kanunay nagtumong ngadto sa umaabot.*”

Elder Jeffrey R. Holland sa Korum sa Napulog Duha ka mga Apostoles, “Ang Labing Maayo Moabut Pa,” *Liahona*, Ene. 2010, 18.

Alang sa dugang niining hilisgutan, tan-awa sa Boyd K. Packer, “The Least of These,” *Liahona*, Nob. 2004, 86–88; Robert D. Hales, “Nagahulat sa Ginoo: Matuman ang Imong Kabubut-on,” *Liahona*, Nob. 2011, 71–74; Ann M. Dibb, “Magmaisugon,” *Liahona*, Mayo 2010, 114–16.



**Ni Elder
Dallin H. Oaks**

Sa Korum sa Napulog
Duha ka mga Apostoles

Ang Importansya sa MGA PANALANGIN SA PRIESTHOOD

Ang usa ka panalangin sa priesthood mao ang pagtugyan sa gahum kabahin sa espirituhanong mga butang.

Sa usa ka panalangin sa priesthood ang usa ka sulugoon sa Ginoo mogamit sa iyang priesthood, sigon sa pag-aghat sa Espiritu Santo, sa pagsangpit sa mga gahum sa langit alang sa kaayohan sa tawo nga gipanalanginan. Ang mao nga mga panalangin itugyan pinaagi sa mga nanaghupot sa Melchizedek Priesthood, kinsa adunay mga yawe sa tanan nga espirituhanon nga mga panalangin sa Simbahan (tan-awa sa D&P 107:18, 67).

Mga Ehemplo sa mga Panalangin sa Priesthood

Adunay daghang matang sa mga panalangin sa priesthood. Samtang mohatag ko og lain-laing mga sanglitanan, palihug hinumdumi nga ang mga panalangin sa priesthood anaa alang sa tanan nga nanginahanglan niini, apan ihatag lamang kini kon gihangyo.

Ang mga panalangin sa pag-ayo sa masakiton paga-unhan sa pagdihog sa lana, sigon sa gisulti sa mga kasulatan (tan-awa sa Santiago 5:14–15; Marcos 6:13; D&P 24:13–14; 42:43–48; 66:9). Ang patriarchal nga mga panalangin itugyan pinaagi sa gi-orden nga patriarch.

Ang mga tawo nga nagtinguha og giya sa usa ka importante nga

desisyon makadawat og panalangin sa priesthood. Ang mga tawo nga nagkinahanglan og dugang pa nga espirituhanong gahum sa pagbuntog sa usa ka personal nga hagit makadawat og usa ka panalangin. Ang mga panalangin sa priesthood sagad hangyoon gikan sa mga amahan sa dili pa molakaw ang mga anak alang sa lain-laing mga katuyoan, sama sa pag-eskwela, pag-alagad sa militar, og sa layo nga biyahe.

Ang mga panalangin nga ihatag sa mga sitwasyon nga sama sa akong gihisgutan usahay gitawag og mga panalangin sa paghupay o pagtambag. Sa kasagaran ang mga amahan o mga bana o ubang mga elder sa pamilya ang mohatag niini. Mahimo nga irekord nila kini ug tipigan ang mga rekord sa pamilya alang sa personal nga espirituhanong giya sa mga tawo nga gipanalanginan.

Ang mga panalangin sa priesthood ihatag usab agi og sumpay sa pagkadawat sa priesthood o sa pag-set apart sa usa ka tawo alang sa calling sa Simbahan. Kini tingali ang pinakasagad nga mga okasyon alang sa mga pagpanalangin sa priesthood.

Daghan kanato ang mihangyo og panalangin sa priesthood dihang nagsugod kita sa usa ka bag-o nga responsibilidad sa atong panarbaho.

Nakadawat ako sa sama nga panalangin daghang tuig na ang milabay ug mibati sa diha-diha dayon nga kahupayan ug malungtaron nga giya.

Ang Kamahinungdanon sa mga Panalangin sa Priesthood

Unsa kamahinungdanon ang panalangin sa priesthood? Hunahuna ang usa ka batan-ong lalaki nga nangandam nga mobiya sa panimalay aron mangita sa iyang swerte dinhi sa kalibutan. Kon ang iyang amahan mohatag kaniya og usa ka kompas, tingali gamiton niya kining kalibutanon nga himan sa pagtabang kaniya nga makasubay sa eksaktong dalan. Kon hatagan siya og kwarta sa iyang amahan, mahimo niya kining gamiton aron maangkon niya ang kalibutanong mga butang. Ang panalangin sa priesthood usa ka pagtugyan sa gahum aron maangkon ang espirituhanong mga butang. Bisan og kini dili mahikap o matimbang, dako ang kamahinungdanon niini sa pagtabang kanato nga makabuntog sa mga babag diha sa dalan padulong sa kinabuhing dayon.

Sagrado kaayo kini nga responsibilidad alang sa usa ka tighupot sa Melchizedek Priesthood nga mamulong alang sa Ginoo sa paghatag og panalangin sa priesthood.



Sama sa gisulti kanato sa Ginoo sa modernong pagpadayag, “Ang akong pulong . . . matuman, bisan pinaagi sa akong kaugalingon nga tingog o pinaagi sa tingog sa akong mga sulugoon, kini managsama ra” (D&P 1:38). Kon ang usa ka sulugoon mamulong nga nadasig pinaagi sa Espiritu Santo, ang iyang mga pulong “mahimo nga kabubut-on sa Ginoo, . . . hunahuna sa Ginoo, . . . pulong sa Ginoo, . . . [ug] tingog sa Ginoo” (D&P 68:4).


Apan kon ang mga pulong sa panalangin nagrepresentar lamang sa kaugalingong mga gusto ug mga opinyon sa naghupot sa priesthood, dili dinasig sa Espiritu Santo, niana ang panalangin mag-agad kon nagrepresentar ba kini sa kabubut-on sa Ginoo.

Ang takus nga mga tighupot sa Melchizedek Priesthood makahatag og mga panalangin sa ilang kaliwatan. Daghan ang ingon niana nga mga panalangin nga narekord sa mga kasulatan, lakip sa kang Adan (tan-awa sa D&P 107:53–57), kang Isaac (tan-awa sa Genesis 27:28–29, 39–40; 28:3–4; Mga Hebreohanon 11:20), kang Jacob (tan-awa sa Genesis 48:9–22; 49; Mga Hebreohanon 11:21), ug kang Lehi (tan-awa sa 2 Nephi 1:28–32; 4).

Sa modernong pagpadayag, ang mga ginikanan nga mga miyembro sa Simbahan gisugo sa pagdala sa ilang mga anak “ngadto sa simbahan,” diin ang mga elder “mopandong sa ilang mga kamot diha kanila sa ngalan ni Jesukristo, ug mopanalangin kanila pinaagi sa iyang ngalan” (D&P 20:70). Mao kini ang hinungdan nganong ang mga ginikanan modala sa ilang mga masuso ngadto sa miting sa sakrament, diin ang elder—sa kasagaran ang amahan—mohatag kanila og ngalan ug panalangin.

Ang mga panalangin sa priesthood dili kay kutob lamang sa gilitok nga mga panalangin samtang gipandong ang mga kamot sa ulo sa usa ka tawo. Ang mga panalangin usahay ipamulong ngadto sa pundok sa mga katawhan. Si propeta Moises mipanalangin sa tanang anak sa Israel sa wala pa siya mamatay (tan-awa sa Deuteronomio 33:1). Si Propeta Joseph Smith “militok og panalangin ngadto sa mga sister” nga nagtrabaho sa Templo sa Kirtland. Gipanalanginan usab niya “ang kongregasyon.”¹

Ang mga panalangin sa priesthood malitok usab alang sa mga lugar. Ang mga nasud panalanginan ug ipahinungod alang sa pagsangyaw sa ebanghelyo. Ang mga templo ug mga balay alampoanan ipahinungod sa Ginoo pinaagi sa panalangin sa priesthood. Ang ubang mga building mahimong ipahinungod kon gamiton kini sa serbisyo alang sa Ginoo. “Ang mga miyembro sa Simbahan mahimong mopahinungod sa ilang mga panimalay isip sagradong mga edipisyo diin ang Balaang Espiritu makapuyo.”² Ang mga misyonaryo ug ubang mga naghupot sa priesthood makabilin og panalangin sa priesthood diha sa mga panimalay nga midawat kanila (tan-awa sa Alma 10:7–11; D&P 75:19). Kamo batan-ong mga lalaki, sa dili madugay mahimong hangyoon kamo sa paghatag og ingon niana nga panalangin. Nanghinaut ko nga inyong andamon ang inyong kaugalingon sa espirituhanong paagi.



Ang usa ka panalangin sa priesthood mahinungdanon kaayo sa pagtabang kanato nga makabuntog sa mga babag nga anaa sa dalan padulong sa kinabuhing dayon.

Mga kasinatian uban sa mga Panalangin sa Priesthood

Akong hisgutan ang ubang mga ehemplo sa mga panalangin sa priesthood.

Mga usa ka gatus ka tuig na ang milabay, si Sarah Young Vance nahimong usa ka kwalipikado nga midwife. Sa wala pa niya sugdi ang pagserbisyo sa mga kababayan-an sa Arizona, usa ka lider sa priesthood mipanalangin kaniya nga siya “mobuhat lamang kanunay sa unsay husto ug unsay pinakamaayo alang sa kaayohan sa iyang mga pasyente.” Kapin sa 45 ka tuig, si Sarah nakapaa-nak sa gibana-bana nga 1,500 ka mga masuso nga walay bisan usa ka inahan o anak nga namatay. “Sa matag higayon nga makasugat ko og lisud nga problema,” iyang gihinumduman, “kanunay nga daw adunay moaghat kanako ug niana mahibalo ko kon unsay husto nga buhaton.”³

Niadtong 1864, si Joseph A. Young gitawag alang sa usa ka espesyal nga misyon sa atiman og buluhaton sa Simbahan didto sa Sidlakan. Ang iyang papa, si Presidente Brigham Young, mipanalangin kaniya nga siya makaadto

og makapauli nga luwas. Sa iya na nga pagpauli, naapil siya sa usa ka grabe nga disgrasya sa train. “Ang tibuok train naguba,” mireport siya, “lakip sa dapit nga may usa ka lingkuranan ra ang distansya gikan sa akoo, [apan] naka-lingkawas ko nga walay tatsa.”⁴

Kon maghisgot ko og mga panalangin sa priesthood, daghan kaayo ko’g mga panumduman: Nahinumduman nako ang akong mga anak nga nangayo og mga panalangin aron matabangan sila taliwala sa pinakamakaluya nga mga kasinatian sa ilang kinabuhi. Nalipay ko samtang akong gihinumduman ang dinasig nga mga saad ug ang nalig-on nga pagtuo nga nahimo sa dihang nangatuman kini. Akong gibati ang kamapasigarbuhon sa hugot nga pagtuo sa usa ka bag-ong henerasyon kon mahunahuna nako ang usa ka anak nga lalaki, nabalaka mahitungod sa pang-propesyonal nga eksamin ug dili matabangan sa iyang amahan nga tua sa layo, nangayo og panalangin sa priesthood gikan sa pinakasuod nga priesthood sa iyang pamilya, nga bana sa iyang igsoong babaye. Nahinumdom ko sa usa ka naglibug nga batan-ong kinabig sa Simbahan nga nagtinguha og panalangin aron matabangan siyang mausab ang mismong makadaot nga sumbanan sa iyang kinabuhi. Nadawat niya ang panalangin nga hilabihan ka talagsaon nga ako natingala dihang nadungog nako ang mga pulong nga akong nalitok.

Ayaw pagpanuko sa pagpangayo og panalangin sa priesthood kon ikaw nanginahanglan og espirituhanong gahum. ■

Gikan sa Abril 1987 nga pakigpulong sa kinatibuk-ang kompetensya.

MUBO NGA MGA SULAT

1. Joseph Smith, sa *History of the Church*, 2:399.
2. *Handbook 2: Administering the Church* (2010), 20.11.
3. Tan-awa sa Leonard J. Arrington and Susan A. Madsen, *Sunbonnet Sisters: True Stories of Mormon Women and Frontier Life* (1984), 105.
4. Joseph A. Young, sa *Letters of Brigham Young to His Sons*, ed. Dean C. Jessee (1974), 4.

PAGPAMATUOD

IPAKIGBAHIN KINI

“Busa, ipakita ninyo ang inyong kahayag
aron kini moiwag sa kalibutan”

(3 Nephi 18:24).



GAHUM DIHA SA PAG-AMPO

Ni Edwin Redrino

Mga Magasin sa Simbahan

Ang kabatan-onan gikan sa isla sa Cebu sa Pilipinas naghigot mahitungod sa pagkadawat og mga tubag sa ilang mga pag-ampo.

Gikan sa wala: Sila si

Joselito, Joahna, Rosa, ug

Ken nagpundok atubangan sa

Cebu City Philippines Temple.



Sa mga napulo ka liboan ka mga isla sa kalibutan, usa ka pundok nga 7,107 ka mga isla ang nahimo nga nasud sa Pilipinas sa Habagatang Asya. Usa ka pada-yon nga panultihon nga komon sa Pilipinas nag-ingon nga dunay 7,107 ka mga isla, inig kahunas sa dagat. Ang gidaghanon sa isla mo-us-os ngadto sa 7,100 sa pagtaob sa dagat, kon ang uban masanapan sa dagat. Unya unsaon man sa mga kabatan-onan sa Pilipinas nga dili maunlod sa tubig ang ilang mga ulo kon gibati nilang gisanapan? Modangop sila sa Langitnong Amahan sa pag-ampo.

Dunay mga panahon sa atong kinabuhi diin kita mobati nga nag-inusara, apan kon mahinumdom kita nga ang atong Langitnong Amahan kanunay nga anaa alang kanato—kanunay nga andam sa pagpamimaw ug pagtubag sa atong mga pag-ampo—makasalig kita niana nga kamatuoran ug mobati sa paglaum ug pagsalig nga dala niana nga kahibalo.

Ang Pag-ampo Makahatag og Pagsalig

Si Joselito B. naghisgot mahitungod sa pagpaapil kaniya sa usa ka storytelling contest sa dihang siya 12 anyos pa. Gihangyo siya sa iyang magtutudlo nga memoryahon ang 10 ka pahina nga script nga gamiton niya sa pagpasundayag atubangan sa gatusan ka laing mga estudyante ug magtutudlo. Makalisang kini nga tahas ni bisan kinsa, ilabi na kang Joselito, kinsa sagad nga mahadlok kon naa sa entablado.

“Mao nga ang una nakong gibuhat mao ang pag-ampo ug pagpangayo og giya,” miingon si Joselito. “Sa akong pag-ampo nangayo ko nga kon may makalimtan man ko nga bahin sa script, makapadayon lamang ako ug makahimo’g bag-ong mga pulong nga mohaum sa akong istorya. Human sa akong pag-ampo, akong nahinumduman ang paborito nakong kasulatan gikan sa Biblia sa Daang Tugon. Naa kini sa Mga Proverbio 3:6, nga nag-ingon, ‘Sa tanan nimong mga dalan ilha siya, ug siya magamando sa imong mga alagianan.’”

Gikulbaan si Joselito. Apan naningkamot gayud siya sa tibuok semana sa pagmemorya sa script. Ug nag-ampo siya kadaghan sa matag adlaw. Sa katapusan ang adlaw sa kontest miabut na.

Atol sa mga pagtimbaya sa pagbukas sa kontest, ginerbiyos pa gihapon si Joselito. “Apan atol sa pag-istorya maayo ra ako,” miingon siya. “Gibuhat lang nako ang akong pinakamaayo, ug nahibalo ko nga ang Dios motabang kanako. Nabalaka ko ug nahadlok tungod kay dunay



daghan kaayong estudyante, apan gitubag sa Dios ang akong mga pag-ampo.”

Dili lamang kay nahinumduman ni Joselito ang script sa iyang istorya, apan napahigayon usab niya kini nga maayo kaayo nga na-first siya sa kontest. Miingon si Joselito, “Ang pag-ampo mao ang tubag kon walay usa sa palibut nga makahupay kanimo. Ang Dios kanunay anaa sa pagtabang kanimo.”

Ang Pag-ampo Makahatag og Kalig-on

Isip usa ka batan-ong lalaki nga nagtubo sa usa ka aktibo nga Santos sa Ulahing mga Adlaw nga pamilya, si Ken G. wala kaayoy problema sa paghupot og taas nga mga sumbanan. Apan sa dihang nagsugod

na siya sa high school, nagkaanam og kalisud ang mga butang ug si Ken usahay mobati nga layo sa maayong impluwensya sa iyang pamilya—ilabi na kon naa sa eskwelahan.

“Ang akong mga higala sa high school suod kaayo kanako bisan og dili sila mga miyembro sa Simbahan,” miingon si Ken. “Suod gihapon kaayo kami. Ang problema kay nagsugod sila sa paghimo og mga butang nga wala masubay sa mga sumbanan sa atong Simbahan.”

Sa balay wala gayud magproblema si Ken sa pagpili sa matarung, apan miingon siya nga kon moabut siya sa eskwelahan ug wala na ang iyang pamilya nga nagtabang sa paggiya kaniya, makahimo siya og sayop nga mga pagpili. “Moangkon ko nga mibuhat ko og mga butang nga dili uyon sa mga sumbanan sa Simbahan, mao nga sa seminary akong gibati nga ako kanunay ang giigo sa leksyon.”

Didto naamguhan ni Ken nga gusto siyang mag-usab, apan gibati niyang dili paigo ang iyang kalig-on sa paghimo niini sa iyang kaugalingon. “Mao nga mihimo ko og desisyon nga mag-ampo sa Dios nga hatagan ko og kusog ug kaisug sa pagbalibad sa akong mga higala kon mohimo sila og dili maayong mga butang,” mipasabut siya. “Ug akong gibati nga gitubag sa Dios ang akong mga pag-ampo. Mas sayon na kanako ang pagbalibad sa matag higayon nga hangyoon ko sa akong mga higala sa paghimo og sayop o motintal kanako. Anaa na kanako ang kahibalo ug nasayud kon unsay husto ug sayop. Apan, pinaagi sa pag-ampo, akong gibati nga duna koy gahum ug gasa sa pagbalibad ug sa paghimo sa unsay matarung.”

Miingon si Ken nga ang pinakaimportanting butang nga iyang nakat-unan gumikan niini nga kasinatian mao



USA KA RELASYON NGA AKONG GIMANGGAD

“Walay adlaw nga molabay nga dili ako makigsulti sa akong Amahan sa Langit pinaagi sa pag-ampo. Kini usa ka relasyon nga akong gimanggad—nga sa tinuod ako mahisalaag kon wala kini. Kon kamo wala karon niana nga relasyon sa inyong Amahan sa Langit, awhagon ko kamo sa pagtinguha niana nga tumong. Kon kamo nagbuhat sa ingon, kamo may katungod sa Iyang inspirasyon og gija sa inyong kinabuhi.”

Presidente Thomas S. Monson, “Barug sa Balaan nga mga Dapit,” *Liahona*, Nob. 2011, 84.

nga “ang pag-ampo usa ka timailhan sa imong pagpaubos, tungod kay imong gidawat nga huyang ang imong kaugalingon ug nga ang Dios lamang ang makatabang kanimo nga mahimong lig-on” (tan-awa sa D&P 112:10).

Ang Pag-ampo Makahatag og mga Panalangin

Usahay nagkinahanglan kita og labaw pa kay sa kahupayan o kalig-on lamang; usahay mas gikinahanglan nato ang mga panalangin nga mahikap. Si Tania D. nahi-numdom sa ingon niana nga panahon. Ang iyang pamilya nag-atubang og grabe nga pinansyal nga kalisud. “Sabado kadto sa gabii, ug duna lamang kami 40 ka pesos [mga US\$1] nga nahibilin alang sa semana, ug wala kami ikapanihapon o bisan gani uling alang sa among stove sa balay,” miingon si Tania. “Gihatagan ko sa akong mama og lista sa tanan namong gikinahanglan, ug nagkinahanglan kami og 250 pesos aron mapalit ang tanan. Ang unang kinahanglan namong paliton mao ang uling aron makaluto og panihapon.” Nakita ni Tania nga walay igong kwarta alang sa tanan. Dayon naamguhan niya nga wala silay kwarta nga pamilete sa bus padulong sa simbahan inig ka ugma. “Giingnan nako si mama nga wala mi kwarta nga ikapamilite padulong sa simbahan. Apan matinud-anon kaayo ang akong mama, ug yano ra ko niyang giingnan nga ‘mohatag ra ang Dios.’

“Sa akong pagpadulong sa tindahan naghilak ko tungod kay wala mi igong kwarta alang sa tanang gikinahanglan, ug wala ko kahibalo unsay buhaton,” miingon si Tania. Samtang iyang gilukot ang usa ka 20 pesos nga papel ug gisulod sa iyang bulsa, gibuhat niya ang bugtong butang nga mao ray iyang nahunahunaan nga buhaton nga makatabang—nag-ampo siya. “Nag-ampo ko sa Langitnong Amahan nga unta makakita mi og paagi nga makakuha sa among mga gikinahanglan.”

Apan dihang miabut siya sa unang tindahan, nakita niya nga ang presyo sa uling misaka na gikan sa 5 ngadto sa 20 pesos. “Nagpanuko ko sa pagpalit niini,” miingon si Tania, “apan akong gibati nga naghunghong ang Espiritu Santo kanako nga paliton gihapon kadto, mao nga akong gipalit. Karon 20 pesos na lang ang nahibilin, apan daghan pa



Tan-awa ang Video

Aron makita ang video sa istorya ni Tania (sa Ininglis, Portuguese, ug Spanish), bisitaha ang youth.lds.org ug pangitaa ang video nga “Pure and Simple Faith” sa Youth Theme, 2012.

ko og palitunon, lakip sa mga diaper alang sa akong manghod ug limpyong tubig nga mainom. Mao nga miadto ko sa sunod nga tindahan sa pagpalit og pagkaon alang sa among panihapon, apan mahal kaayo kini. Mikuot ko sa akong bulsa diin didto nako gisulod ang 20 pesos nga papel, ug didto dunay lima ka tag 20-pesos nga linukot. Nagsugod ko sa paghilak atubangan sa tag-iya sa tindahan.

“Sa katapusan akong napalit ang tanan namong gikinahanglan,” miingon si Tania, “ug duna pa kami igong ikapamilite sa pag-adto sa simbahan pagka-ugma. Pag-uli nako sa balay, miadto ko sa akong kwarto ug mihalad og pag-ampo sa Dios sa pagpasalamat Kaniya sa panalangin nga Iyang gihatag kanamo. Nahibalo ko nga ang Dios buhi gayud ug motubag sa atong mga pag-ampo, ilabi na sa mga panahon nga ato gayud Siya nga gikinahanglan ug mohalad kita og usa ka tinuoray nga pag-ampo. Sa tinuoray motubag Siya niana nga pag-ampo.”

Ang Pag-ampo Makapaduol Nato Kanunay sa Atong Langitnong Amahan

Samtang sigurado kita nga maminaw ug motubag ang atong Langitnong Amahan sa atong mga pag-ampo, kinahanglan kintang mahinumdom nga ang atong mga pag-ampo dili kanunay nga matubag diha diha dayon ug dili kanunay nga tubagon sa paagi nga maoy atong gusto. Tubagon ang atong mga pag-ampo sumala sa kabubut-on sa Dios ug sa hustong panahon.

Ang matag usa niini nga mga batan-on nga gikan sa isla sa Cebu sa Pilipinas nakakat-on nga sa maayo ug sa dautang mga panahon, bisan naa man kita sa daghang mga tawo o nag-inusara, bisan kon taob man o hunas, anaa kanunay ang atong Langitnong Amahan alang kanato. Ug kon modangop kita Kaniya pinaagi sa tinuoray nga pag-ampo, andam Siya kanunay sa pagpanalangin kanato. ■

USA KA SAAD UG USA KA PAG-AMPO

Ni Pablo Mireles Betts

Ang nakapatingala kanako mahitungod sa Basahon ni Mormon mao ang dako ug mahangturon nga kausaban nga nahimo niini sa mga katawhan bisan sa wala pa sila mamiembro sa Simbahan. Isip misyonaryo sa Mexico Cuernavaca Mission, nakita nako mismo kining dako nga kausaban.


Sa didto na ko sa akong misyon sulod sa unom ka bulan, usa ka miyembro sa branch mi-refer sa akong kompanyon ug kanako sa pagtudlo sa usa ka 20 anyos nga babaye ug sa iyang pamilya. Ang batan-ong babaye wala makasabut kon unsay gituohan sa mga Santos sa Ulahing mga Adlaw ug daghan ang gipangutana kanamo. Nahibalo nga ang Basahon ni Mormon makatubag sa mga pangutana kabahin sa kalag, gihatagan namo siya og basahon ug mipakigbahin sa saad nga nahisulat niini mahitungod sa tinuoray nga pag-ampo aron mahibalo kon kini tinuod.

Sulod sa tulo ka semana misimba siya, ug padayon kaming nakigkita kaniya. Wala kami masayud nga nagsugod na diay siya sa paghimo sa importante nga lakang: nag-ampo siya mahitungod sa Basahon ni Mormon. Atol sa usa ka partikular nga leksyon, misulti siya kanamo sa iyang kasinatian. Nagsigi siya og hunahuna mahitungod sa mga leksyon nga among gipakigbahin, ug nagtinguha sa iyang

kaugalingon nga mag-ampo. Miluhod siya ug nangutana sa Dios kon ang Basahon ni Mormon tinuod. Ang kalinaw nga iyang gibati human sa pag-ampo nakadasig kaniya nga mobasa pa sa basahon. Samtang nagbasa, gibati niya ang Espiritu nga misanap kaniya.

Sa pag-asoy sa iyang kasinatian, miingon siya kanamo, “Gibati nako nga mas espesyal kaysa akong nabati sukad. Dunay misugod sa pagpuno sa tanang kahaw-ang sa akong kinabuhi nga walay laing makapuno. Nalipay kaayo ko hinungdan nga nakahilak ako. Dili ko makatuo sa akong gibati, apan nahibalo ko nga ang akong Langitnong Amahan mitubag kanako, nga Siya nakaila kanako, ug Siya may igo nga gugma kanako sa pagpaminaw ug pagtubag sa akong pag-ampo.”

Akong gibati ang hilabihang kalipay sa akong kasingkasing dihang giasoy niya ang iyang kasinatian. Nahibalo ko nga ako anaa sa sagra-dong dapit niana nga okasyon. Ang Espiritu Santo mipamatuod kanako nga ang iyang mga pulong tinuod. Tungod sa iyang pagpamatuod naphinumduman ako sa dakong gugma sa Langitnong Amahan ngari kanato; nahigugma kaayo Siya kanato nga gihatag Niya kanato ang Basahon ni Mormon isip instrumento aron maka-ila Kaniya ug sa Iyang kamatuoran.



*Ang Basahon
ni Mormon
dunay gahum
sa pagtabang
ni bisan kinsa
nga gustong
masayud kon
kini tinuod.*

Kon motuman kita sa mga baruganan nga anaa sa Basahon ni Mormon, mausab ang atong kinabuhi.

Mahinumduman gihapon nako kon giunsa sa pagtapos kadto nga leksyon. Ang sister nangutana kanamo, “Unsay mahitabo karon nga nahibalo na ko nga ang Basahon ni Mormon tinuod?”

“Magpabunyang ka,” mitubag kami.

Yano ra ang iyang tubag apan nagpakita sa kalig-on ug kayano sa iyang pagpamatuod: “Nan magpabunyang ko.”

Ang Basahon ni Mormon adunay gahum sa pagtabang kanato nga makakaplag sa kalipay ug kalinaw. Kon basahon nato kini, makapalambo kita og lig-ong determinasyon sa sunod sa ebanghelyo ni Jesukristo, sama niini nga sister nga nakahukom nga mosunod sa ehemplo sa Manluluwas ngadto sa mga tubig sa bunyang. ■

Unsa ang LUNSAY NGA PAGPAMATUOD?

Ang imong pagpamatuod tingali mas lig-on pa kay sa imong nahibaloan.

Ni Elyse Alexandria Holmes

Naglingkod ka panahon sa miting sa pagpamatuod. Samtang nagtan-aw ka sa mga miyembro sa kongregasyon nga mibarug ug mipamatuod, imong gibati nga ingon og ikaw kinahanglan usab. Apan unsay imong isulti? Ug unsa kaha kon makahilak ka samtang naa ka sa atubangan? O unsa kaha kon *dili* ka makahilak? Makapangutana ka kon ikaw duna ba gayud kahay pagpamatuod. O tingali dili ka sigurado kon unsay imong pagpamatuod. Aniyay pipila ka mga sumbanan nga makatabang kanimo nga masayud kon unsa ang pagpamatuod ug unsa ang dili.

Ang Pagpamatuod Usa ka Kombiksyon, Kahibalo, o Pagtuo sa usa ka Kamatuoran

“Ang Lunsay nga Pagpamatuod” (Alma 4:19) magsugod sa lunsay nga pagtuo. Ang

imong pagpamatuod usa ka espirituhanong saksi kon unsay imong gituohan o nahibaloan nga tinuod (tan-awa sa D&P 80:4). Kon mopakigbahin ka sa imong pagpamatuod, ang pinakalunsay ug pinaka-impluwensyal nga mga parte moabut gikan sa mga pulong sama sa *nahibalo*, *nagatuo*, ug *nagapamatuod*. Kon malitok nimo kini uban sa sinseridad nga, “nahibalo ko nga ang Basahon ni Mormon tinuod,” makabaton ka og gahum sa pag-usab og mga kinabuhi ug makadapit sa Espiritu sa pagtandog sa uban.

Hunahunaa nga duna kay kahon nga puno sa mga piraso sa puzzle nga gihimo alang lamang gayud kanimo. Pinaagi sa paggamit sa litrato nga naa sa atubangan sa kahon, misulay ka sa pagporma sa puzzle. Kon ang duha ka piraso sa puzzle mohaum,



Presidente Dieter F. Uchtdorf, Ikaduhang Magtatambag sa Unang Kapangulohan, “Naghulat diha sa Dalan sa Damasco,” *Liahona*, Mayo 2011, 70.

PAGTAN-AW SA KINATIBUK-AN

“Kadtong makugihong nagtinguha sa pagkat-on kang Kristo sa katapusan makaila Kaniya. Personal nilang madawat ang balaan nga hulagway sa Agalon, bisan og sa kasagaran moabut kini sama sa usa ka puzzle—usa ka piraso sa usa ka higayon. Ang matag tipik dili siguro dayon mailhan kon kini ra; siguro dili dayag unsa ang labut niini sa kinatibuk-an. Ang matag tipik makatabang kanatong makakita sa dako nga hulagway anam-anam nga maklaro. Sa katapusan, human makolekta ang igong mga tipik, atong makita ang hilabihan nga kanindot niining tanan. Unya, sa paghinumdom sa atong kasinatian, atong makita nga ang Manluluwas sa tinuod mianhi uban kanato—bisan pa man dili sa hinanali apan mahilum, maaghup, hapit dili mamatngunan.”

ANIA ANG IKASULTI SA MGA BATAN-ON MAHITUNGOD SA LUNSAY NGA PAGPAMATUOD

"Usahay ang pinakatalagsaon nga pagpamatuod mao ang sama gayud sa bata nga mga pagpamatuod. Ang pinakatalagsaon nga mga pagpamatuod mao ang panahon nga mopamatuod ka nga si Jesukristo buhi, nga ang atong Langit-nong Amahan buhi, ug Siya nahigugma kanato."—Matias C., Argentina

"Nagtuo ko nga importante ang pagbaton og lunsay nga pagpamatuod tungod kay magamit nimo kini nga pagpamatuod sa pagdala sa uban ngadto sa ebanghelyo."—Quaid H., Australia

"Ang usa ka pagpamatuod mao ang pinakadako nga angkla nga anaa kanimo. Bisan unsa pay mahitabo sa imong palibut, kon ikaw adunay lig-on nga pagpamatuod, maatubang nimo ang mga problema pinaagi sa maayong kinaiya."—Zane V., California, USA

"Sa akong pagtuo ang lunsay nga pagpamatuod kinahanglan nga nakit-an nimo sa imong kaugalingon ug tinuoray nimong gituohan, ug kon mopaambit ka sa imong pagpamatuod, matandog nimo ang uban ug kana makalig-on usab sa ilang mga pagpamatuod."—Zamagomane M., South Africa

nahibalo ka nga magkauban kini. Ang mga pagpamatuod naglihok sa sama nga paagi. Samtang duna kay espirituhonong mga kasinatian, ang nagkalin-laing mga piraso sa imong pagpamatuod magsugod sa paghaum, ug magsugod ka sa pagtuo o pagkahibalo sa piho nga mga kamatuoran sa ebanghelyo.

Bisan kon sa karon wala ka pa maysayud kon ang tanan mahitungod sa Simbahan tinuod ba, ang Langitnong Amahan mopanalangin kanimo ug motabang kanimo nga makakat-on samtang anaa kanimo ang matarung nga tinguha sa pagkasayud ug ikaw tinuoray nga naningkamot sa pagkat-on.

Ang usa ka Pagpamatuod Personal

Samtang nagporma ka sa imong puzzle, ang imong pamilya ug mga higala mahimong motabang kanimo panagsa sa pagporma niini. Apan sa katapusan, imo ra kini nga talagsaong puzzle nga pagatukuron ug protektahan. Mahimong usahay magsalig ka sa hugot nga pagtuo sa imong mga ginikanan o mga higala, apan samtang magkadaghan ang espirituhonon nimong mga kasinatian,

mamentinar nimo ang kaugalingon nimong pagpamatuod.

Samtang magtubo ka sa ebanghelyo, importante nga makapalambo ka og kaugalingon nimong pagpamatuod. Sama nga ang duha ka tawo dunay managlahing paagi sa pagporma sa usa ka puzzle—tingali ang usa ka tawo magsugod sa mga kilid sa pagporma niini samtang ang usa magsugod pinaagi sa pagtugma sa mga kolor—ang matag usa kanato magpalambo og usa ka pagpamatuod pinaagi sa mga pagtuo ug mga kasinatian sa han-ay nga lahi sa usag usa.

Kon dili ka sigurado sa bisan



PAGPAMATUOD



sa ebanghelyo, dili mahitungod kon diin ka o unsay imong nahimo.

Si Elder David A. Bednar sa Korum sa Napulog Duha ka mga Apostoles mitudlo: “Ang pagpamatuod mao ang atong nahibaloan nga matuod diha sa atong mga hunahuna ug sa atong mga kasingkasing pinaagi sa pagsaksi sa Espiritu Santo (tan-awa sa D&P 8:2). Samtang kita mosangyaw sa kamatuoran imbis nga mopahimangno, moawhag, o yano nga mopaambit sa makapaikag nga mga kasinatian, gidapit nato ang Espiritu Santo aron mapamatud-an ang katinuod sa atong mga pulong.”¹

Usab, pagmatngon mahitungod sa mga kasinatian nga imong ipakigbahin. Ang uban personal ra kaayo alang kanimo o sa uban, lakip ang mga istorya mahitungod sa sala, paghinulsol, ug sagrado nga mga kasinatian spiritwal. Ang mga istorya nga sama niini dili angay nga ipakigbahin atubangan sa kadaghanan gawas lamang kon ikaw mibati nga giaghat sa Espiritu. Kon ikaw giaghat man gayud, himoa kini nga malukpanon, nga mag-focus sa unsay imong nakat-unan gikan sa kasinatian kay sa mga detalye sa unsay nahitabo.

Ako ba kinahanglan nga mopahayag og pasalamat o gugma sa akong pagpamatuod?

Samtang angay ra ang pagpahayag og gugma o pasalamat kon maghatag ka sa imong pagpamatuod, kini nga mga pagpahayag dili makonsiderar nga usa ka pagpamatuod. Ang pagpamatuod nag-focus sa unsay imong nakat-unan nga esprituhanon mahitungod sa ebanghelyo. Ang pagpahayag sa gugma o pasalamat kinahanglang dili mopuli sa usa ka pagpamatuod.

Si Elder M. Russell Ballard sa Korum sa Napulog Duha ka mga Apostoles miingon, “Nabalaka [ako] pag-ayo nga daghan sa mga pagpamatuod sa atong mga miyembro nagpabilin nga mao lang gihapon sa “Mapasalamaton ako” ug “Gihigugma nako” ug gamay ra ang makahimo nga makasulti uban sa mapainubsanon pero klaro nga sinsero nga ‘Ako nasayud.’”²

Ako ba kinahanglang mohilak o mopakita og emosyon aron adunay tinuod nga pagpamatuod?

Daghang tawo ang mohilak o mopakita og emosyon kon magpakigbahin sila sa pagpamatuod o mobati og kusog sa Espiritu, apan dili tanan ang dunay susama nga emosyonal nga reaksyon kon mobati sa Espiritu. Dili kinahanglan nga ipakita nimo

ang emosyon sa samang paagi sa uban kon mohatag ka sa imong pagpamatuod.

Si Presidente Howard W. Hunter (1907–95) miingon: “Mabalaka ko kon morag ang kusganon nga pagbati o ang paghilak pag-ayo sabton nga anaa ang Espiritu. Tinuod nga ang Espiritu sa Ginoo makadala og kusganon nga emosyonal nga mga pagbati, lakip sa mga luha, pero kana nga pagpakita dili angayng kalibgan nga mao na kini mismo ang presensya sa Espiritu.”³

Kon dili ko sigurado nga duna koy pagpamatuod, sulayan ba gihapon nako ang pagpakigbahin niini?

Sayon ra nga bation nga ang imong pagpamatuod dili pa kaayo lig-on o angayan nga ipakigbahin, pero kon ipakigbahin nimo ang imong pagpamatuod, imong mahibaloan kon unsa gayud kadako ang imong pagpamatuod! Ayaw kahadlok nga mopakigbahin sa imong pagpamatuod. Imong mahibaloan nga kon mas kadaghan nimo nga gipakigbahin ang imong pagpamatuod, mas motubo kini.

Si Presidente Boyd K. Packer, Presidente sa Korum sa Napulog Duha ka mga Apostoles, miingon:

“Dili kini kay panagsa ra nga ang usa ka misyonaryo moingon, ‘Unsaon man nako sa pagpamatuod kon wala ako niini? Unsaon man nako sa pagpamatuod nga ang Dios buhi, nga si Jesus mao ang Kristo, ug ang ebanghelyo tinuod? Kon ako walay ingon niini nga pagpamatuod, dili ba pagpamakak kini?’

“Kon makatudlo lamang ako kaninyo niining usa ka baruganan: *ang usa ka pagpamatuod makit-an pinaagi sa pagpakigbahin niini!* Diha sa inyong pagpangita sa esprituhanong kahibalo, anaa kana nga ‘paglihok tungod sa hugot nga pagtuo,’ nga maoy tawag sa mga philosopher niini. Mao kana ang higayon diin miabut na kamo sa ngilit sa kahayag ug mitikang ngadto sa kangit-ngit diin inyong nahibaloan nga ang dalan gisug-an mga usa o duha na lamang ka lakang sa unahan.”⁴

MUBO NGA MGA SULAT

1. David A. Bednar, “Labaw nga Makugihon ug Mabuhaton diha sa Panimalay,” *Liahona*, Nob. 2009, 19.
2. M. Russell Ballard, “Lunsay nga Pagpamatuod,” *Liahona*, Nob. 2004, 41.
3. Howard W. Hunter, sa *Isangyaw ang Akong Ebanghelyo: A Guide to Missionary Service* (2004), 99.
4. Boyd K. Packer, “Ang Pagtinguha sa Espirituhanon nga Kahibalo,” *Liahona*, Ene. 2007, 18.



Kon nakapangutana ka na niining mga pangutanaha sa imong kaugalingon, aniyay pipila ka tubag.

PAGPASUNDAYAG

ngadto sa Katawhan

Ang akong kinabuhi usa lamang ka pagpakaaron-ingnon hangtud nga nakahukom ko nga mag-usab sa akong gidala nga papel.

Ni Brittany Thompson

Alang kanako isip usa ka tin-edyer, ang pag-eskwela sama sa pag-akting. Kahibalo mo, unsaon sa kontrabida sa mga salida paghatag sa perpekto, igmat nga mga pulong ug daw sikat kaayo tan-awon? Nangandoy kong makahimo niana. Nangingkamot kong mahimo nga sikat sa screen sama sa kinamaayohan sa mga kontrabida. Nagpakaaron ingnon kong ubos ang akong moral tungod kay gusto nakong magpasikat sa akong mga higala sa eskwelahan. Gusto kaayo nakong madungog ang mga katawa kon mogamit ko og dili angay nga mga pulong o mokomedyah mahitungod sa mga tawo.

Gusto ko nga maoy abibahan sa mga nanan-aw. Mao nga akong nahunahunaan kon unsaon sa pagkahimong tiglingaw sa katawhan. Nahimo kong regular nga komedyante sa akong klase sa biology, nakahimo sa pagkombinser sa akong volleyball team nga kanunay kong anaa sa mga party, ug giguba ang akong reputasyon isip usa ka inosente, yano nga babaye. Naghunahuna ko, “Dili ko gustong magtuo ang akong mga higala nga nagpakabuotan ko!”

Tungod kay sa tinuoray wala ko makahimo og seryusong mga sala nga

maoy hunahuna sa mga tawo, gipaningkamutan nako sa pagkombinser ang akong kaugalingon nga OK ra ang pagbaton og bati nga kinaiya. Dako kaayo kong sayop! Ang tinuoray sa kinabuhi nako nga salida midangat sa punto nga ako mismo dili makaharong sa pagtan-aw niini. Kon unsa man ako ka sikat, mao sab ka minus ang akong gana sa papel nga akong gidala.

Usa ka adlaw, duha sa akong mga higala naghigot mahitungod sa usa ka maaghap, mahigalaong atleta nga ginganlan og Jennifer kinsa dili malulaw nga manalipod sa iyang mga gituohan. Usa sa akong mga higala, ang pinakamadanihon, sikat, ug pina-kautokan nga babaye sa grade seven miingon, “si Jennifer lahi kaayo. Unta may igo akong kaisug nga motuo sa akong simbahan sama sa iyang gi-himo. Siya lang ang tawo nga akong nahibaloan nga nagpakabuhi nga sama niana.” Nahingangha ako.

“Nganong nakasulti siya og ingon niana nga ako wala gani niya his-guti og apil?” naghunahuna ko. “Di ba, taas man og mga sumbanan ang akong simbahan!” Gilainan ko nga wala gani ko niya ikonsiderar nga usa ka maayong ehemplo. Unya,

sa kalit, akong gibati sama nga naglingkod ko sa atubang nga laray sa usa ka sinehan nga nagpasundayag sa akong kinabuhi isip maoy bida.

Akong gihinumduman ang dili maayo nakong mga ehemplo ngadto sa akong mga higala. Unsa nga matang sa bata ang magtan-aw kanako ug maghunahuna, “Unta isug ko ug lahi sama niya”? Gikayugtan ko kaayo ang nahitabo kanako.

Ang pag-usab sa akong kinaiya ug reputasyon usa ka taas nga proseso, ug nangingkamot gihapon kong dili mabuka ang akong ba-ba imbis manginsulto aron makalingaw sa mga tawo. Apan akong naamguhan nga makahimo ra ko sa pagpakatawa sa akong mga higala nga dili makapasakit sa uban, ug makabiya ra ko sa kwarto nga dili mabugal-bugalan atol sa dili maayong komedyah. Walay bisan usa ang kinahanglang “magdinautan” aron makahigala og daghan. Akong giusab ang akong kinaiya ug batasan tungod kay ang pagkamalinawon diha sa akong gituohan mas maayo pa kay sa akong pagtago kon si kinsa ako. ■



Usa ka Hungkong sa Kamabination

“Higugmaa ninyo ang inyong mga kaaway, buhati ninyo’g maayo ang mga nanagdumot kaninyo” (Lucas 6:27).

Ni Deborah Moore

Gibase sa usa ka tinuod nga istorya

Nia karon si Carson,” miingon ang mama ni James, gitudlo ang usa ka lalaki nga naa sa agianan padulong sa kwarto sa Primary.

Mikulismaot si James. Si Carson nagsul-ob og maong ug daan nga T-shirt. Nahibalo si James nga ang iyang mama ug papa dili gayud motugot *kaniya* nga magsul-ob og bisan unsa nga sama niana sa simbahan, apan dili sab gayud nila palabyon ang uban pang mga butang nga gipanghimo ni Carson.

Sa miaging semana sa eskwelahan, si Carson gipagawas sa klase tungod sa iyang pagtubag-tubag sa magtutudlo. Kanunay niyang bugal-bugalan si James sa iyang sinuluban ug binuangan siya tungod kay siya ang kinamub-an sa klase.

“Unsa kaha kon iyang singgitan si Sister Win o manguna og pangaway?” Nangutana si James.

“Sigurado kong ok ra ang tanan,” miingon si Mama. “Si Carson wala pa gayud makasimba, ug tingali nakulbaan siya.”

Dihang nagsugod na ang klase, nangutana si Sister Win kon si kinsa ang nagdala sa ilang mga kasulatan. Miisa si James sa iyang kamot dungan sa uban nga diha sa klase, apan si Carson milingo-lingo. Daw naulaw siyang tan-awon, nga napatingala ni James. Sa kasagaran

mangomedyara si Carson kon dili niya mahimo ang iyang homework. Apan dihang gihunahuna kini og maayo ni James, nahunahuna usab niya kon unsa kaha ang pagbati kon naa ka sa bag-ong simbahan sa unang higayon.

Gitunol ni Sister Win ang iyang mga kasulatan ngadto kang Carson aron gamiton. Sa dihang si Carson na ang mobasa sa kasulatan, nabalaka si James. Unsa kaha kon iitsa ni Carson ang mga kasulatan ngadto sa salog o mobalibad sa pagbasa?

Apan walay gihimo si Carson bisan asa niining duha ka butang. Gitutukan niya ang mga pulong sa pahina ug ningkusmod. Pagkataudtaod, naamguhan ni James nga si Carson dili pa kaayo maayong mobasa. Wala gayud kini mamatnguni ni James didto sa eskwelahan.

Sa inyong hunahuna unsa kahay buhaton ni James? Bugal-bugalan ba ni James si Carson? Pasagdan lang ba siya? Unsay inyong buhaton kon kamo pa si James? Ukba ang sunod pahina aron mahibalo unsay nahitabo.



Si James mipaduol kang Carson ug mihunghong, “Sa pagkatinuod.”

Daw nakalitan si Carson, apan gilitok niya ang pulong ug pada-yon nga mibasa sa bersikulo. Kon maglisud siya sa usa ka pulong, tabangan siya ni James. Pagkahuman niya, si Carson mitan-aw kang James ug miyango og gamay.

Dili sigurado si James kon lahi na ba unya sa eskwelahan pagka-human niini. Ang alegre mao

nga kini wala niya panumbalinga. Maayo ang iyang gibati kay nahibalo siya nga nakatabang siya og usa ka batang lalaki kinsa kanunay nga magbugal-bugal kaniya, ug walay bisan kinsa ang makawagtang niana nga pagbati. ■



Usa ka adlaw ang akong higala ug ako nagdula sa natad-dulaanan dihang usa ka laing babaye ang miapil kanamo. Nailhan

na siya nga bagsik sa ubang mga bata ug dili maayo kanila. Gisugdan niya pag-usab ang mga pamaagi sa dula, ug miingon ko, “Pagdula sa imong pamaagi, pero kami magdula sa unsay gusto namong pamaagi.” Ingon og nasagmuyo siya ug mipalayo. Pagkahuman akong gihunahuna ang akong nasulti ngadto sa batang babaye. Nahibalo kong napasakitan nako siya. Wala madugay nakit-an nako siya ug giingnan, “Pasayloa ko. Wala ko magpasabut nga dili ka mahimong makigdula namo.” Miingon siya nga Ok ra. Kadto nga batang babaye ug ako tingali dili managhigala, apan nagtuo ko nga akong nabuhat ang unsay gusto ni Jesus nga akong buhaton pinaagi sa pagmabination ngadto kaniya.

Raegen K., edad 9, Utah, USA


PAMAAGI NGA ANGAY





Si Elder L. Tom Perry sa Korum sa Napulog Duha ka mga Apostoles mi-pakigbahin og pipila ka mga hunahuna ma-hitungod niini nga hilisgutan.

Ang nag-una nga mga pioneer nanimuyo sa dugay nang panahon. Unsa may akong makat-unan gikan nila?



Niadtong ika-24 sa Hulyo, atong gisaulog ang pag-pangabut sa mga pioneer didto sa Walog sa Salt Lake.

Gibiyaan nila ang tanan—ilang mga panimalay, ilang mga negosyo, mga umahan, ug bisan gani ang minahal nilang mga sakop sa pamilya—aron mopanaw ngadto sa kamingawan.

Nanayaw ug nanganta ang mga pioneer samtang gitabok nila ang mga kapatagan. Pamaagi kadto para sila mabayaw ubos sa grabing mga kalisdanan nga giatubang.

Uban sa hugot nga pagtuo ngadto sa Dios ug sa ilang mga lider, ang nag-unang mga pioneer mitrabaho sa paghimo og matahum nga mga komunidad ubos sa mga kabungturan.

Pagkamahimayaon nga panulundon sa hugot nga pagtuo, kaisug, ug kamamugnaon nga gibilin niadto nga bantugang mga pioneer nga angay natong sundon. ■

Gikan sa "Ang Kaniadto nga Pamaagi sa Pag-atubang sa Umaabut," Liahona, Nob. 2009, 74; "A Meaningful Celebration," Ensign, Nob. 1987, 70, 72.

Paghimo og **Kasaysayan**

Ni Chad E. Phares

Mga Magasin sa Simbahan

Sila si Soma, Eszter, ug Kata B. nanimuyo sa Budapest, Hungary, usa ka siyudad nga may kasaysayan sa mga palasyo, kaharianon, ug matahum nga art ug mga building. Bisan ang mga bata

makakat-on sa kasaysayan sa ilang siyudad nganha sa eskwelahan, interesado usab silang makakat-on mahitungod sa laing matang sa kasaysayan—kasaysayan sa Simbahan.

“Gusto nakong makat-unan ang mahitungod sa pag-ampo ni Joseph

Smith ug ang Langitnong Amahan ug si Jesus mipakita kaniya,” miingon si Eszter, edad 7.

Si Soma, edad 10, ganahan nga mobasa mahitungod ni Alma nga Batan-on. “Dautan siya sa sinugdanan, apan ganahan ko sa dihang mipili siya nga magbinuotan.”

Dili daghan sa Budapest ang nahibalo mahitungod ni Joseph Smith o ni Alma nga Batan-on apan sila si Soma, Eszter, ug Kata, edad 5, nangandoy nga samtang mopakita sila og maayong mga ehemplo ug mopili sa matarung, daghan pang mga Hungarian ang makakat-on mahitungod sa Simbahan. ■





Paborito ni Eszter sa eskwelahan ang subject nga art.




Ang Basahon ni Mormon gimantala sa Hungarian niadtong 1991.



Si Soma ganahan nga mosakay-sakay sa iyang bisikleta duol sa iyang balay.

Mga usa ka tawo sa matag 2,200 ka tawo sa Hungary ang miyembro sa Simbahan.



Ang Templo sa Freiberg Germany mao ang pina-kaduol nga templo sa Budapest. Mga 350 ka milya (560 km) ang gilay-on niini.



Templo sa Freiberg Germany

GERMANY

HUNGARY

Dagat sa Mediterania

Itom nga Dagat

Ako Mopili sa Matarung pinaagi sa Pagsunod sa mga

Baruganan sa Ebanghelyo

Inyong magamit kini nga leksyon ug kalihokan aron makat-on og dugang kabahin sa tema sa Primary karong bulana.



Imo bang ma-imagine nga mo-actdo og usa ka misyon ug wala masayud kon kanus-a makapauli sa imong pamilya? Unsay imong pamili? Unsay imong buhaton sa pagpangandam?

Ang upat ka anak ni Haring Mosiah—sila si Ammon, Aaron, Omner, ug Himni—ug ang ilang higala nga si Alma miadto og misyon nga milungtad og 14 ka tuig. Ang matag anak ni Mosiah mamahimo unta nga hari sa kaugalingon nilang nasud, apan ilang gisunod ang ilang mga kasingkasing. Sila ug si Alma nakabig ngadto sa ebanghelyo ni Jesukristo, ug gusto silang mopakigbahin sa ebanghelyo ngadto sa mga

Lamanites, nga ilang mga kaaway.

Ang batan-ong mga lalaki nahibalog nga dili nila matuman ang ilang misyon kon wala ang gahum sa Dios. Ang Alma 17:2–3 nagpasabut kon giunsa nila sa pag-angkon niini nga gahum: “Sila misiksik sa mga kasulatan sa kakugi, nga sila unta masayud sa pulong sa Dios. . . . Naghatag ngadto sa ilang kaugalingon ngadto sa tuman nga pag-ampo, ug pagpuasa; busa sila adunay espiritu sa pagpanagna, ug espiritu sa pagpadayag, ug kon sila nagtudlo, sila nagtudlo uban sa gahum ug pagtugot sa Dios.”

Ang pagpuasa ug pag-ampo nakatabang niining batan-ong mga lalaki

nga makadawat og mga panalangin gikan sa Dios. Sama kang Alma ug sa mga anak ni Mosiah, mahimo ka nga magpuasa ug mag-ampo aron maandam sa pagdawat sa mga panalangin nga giandam sa Langitnong Amahan alang kanimo. ■



Kanta ug Kasulatan



- “Ang Tawong Maalam ug ang Tawong Walay Kaalam,” *Songbook sa mga Bata*, 132.
- 1 Nephi 3:16

Ikaw Lang

Pagbutang og de-kolor nga bato sa imong higdaanan isip pahinumdom nga mag-ampo ug mopakigbahin sa Langitnong Amahan kon ngano nga nagpuasa ka. Human sa imong pag-ampo aron sa pagsugod sa puasa, ibutang ang bato sa salog duol sa imong higdaanan. Kon mahuman na ang imong pagpuasa, ang bato maoy pahinumdom aron moluhod ug mag-ampo. Magamit nimo kini nga bato isip pahinumdom sa Dominggo nga tingpuasa sa matag bulan ug kon duna kay himoong espesyal nga puasa sa inyong pamilya, ward, o branch.

Nagkinahanglan ka og:

Usa ka hamis nga bato o gamay nga bato
Pintal o dekolor nga mga pangmarka
brush sa pintal



1.



Hugasi ang bato ug paugha kini.

2.



Pagbutang og gamayng pintal sa plato nga papel o ginamit na nga papel.

3.



Gamita ang brush o mga pangmarka sa pag-decorate sa bato. Sulati kini sa imong ngalan o pag-drawing og laing mga desinyo og mga porma.

4.



Paugha gayud ang pintal ug ibutang ang bato sa imong higdaanan.

Panahon alang sa CTR: Pag-ampo ug Pagpuasa

Isip usa ka pamilya, hisguti ang importancia sa pag-ampo sa dili pa magpuasa ug sa pagkahuman. Sa sunod higayon nga magpuasa ang pamilya, hisguti ang katuyoan niini. Sugdi ang inyong puasa pinaagi sa pag-ampo ug pagpakigsulti sa Langitnong Amahan kon ngano nga nagpuasa mo.

Ang PAGPAMATUOD ni Thomas

“Ako, ang Ginoo, mohatag nganha kaninyo og usa ka pagpamatuod sa kamatuoran niini nga mga sugo nga anaa sa inyong atubangan” (D&P 67:4).



Ni Joshua J. Perkey

Mga Magasin sa Simbahan
Gibase sa usa ka tinuod nga istorya

Family home evening kadto, ug ang tanan dunay bahin nga buhatunon. Si Mama ang nag-conduct. Si Papa ang naghatag sa leksyon. Ang mga bata maoy gisangunan sa pag-ampo, musika, ug sa kalihokan—gawas lang

kang Thomas. Karong semanaha panahon na ni Thomas sa paghatag sa pagpamatuod, ug ingon og naulaw siya.

Nakigbahin na si Thomas sa iyang pagpamatuod kaniadto, apan kadto dugay na, ug dili na siya kahinumdom sa angay niyang isulti. Mao nga pagkahuman sa pangbukas nga pagpanganta ug nahuman na ang pag-ampo, ningkusmod si Thomas.

“Imo na karon,” miingon si Mama. Mitan-aw si Thomas sa gawas sa bintana sa ilang evergreen nga kahoy, nanghinaot nga unta makasulti kini kon unsay iyang buhaton.

Gitaparan ni Papa si Thomas ug gipangutana kon unsay problema.

“Wa ko kahibalo kon unsa ang pagpamatuod,” hilum nga miingon si Thomas.

“Nan, makatabang ko nimo,”

miingon si Papa. Mao kini ang pagsulti kanamo sa mga butang nga imong nahibaloan nga tinuod o mga butang nga imong gituohan. Mahimo kang maghisgot nga ganahan ka sa mga kasulatan. Kana kanunay nga makatabang kanimo nga mobati sa Espiritu.”

Apan si Thomas dili pa andam. Ang tanan nagtan-aw kaniya, naghulat nga duna siyay buhaton. Milingo-lingo siya. “Di ko kahimo. Wa ko kahibalo unsa kini.”

Gipik-pik ni Papa ang bukton ni Thomas. “OK ra. Mahimo ra nimo ni sa sunod.”

Wala madugay nianang gabhiona naglingkod si Thomas sa higdaanan nga naggunit sa Basahon ni Mormon. Husto si Papa—ang pagbasa sa mga kasulatan kanunay *gayud* nagpanindot sa iyang pagbati. Gisulayan niya sa pagbasa og usa ka kapitulo sa usa ka adlaw, apan ang mga kapitulo nagsugod og katag-as. Iyang giabli ang iyang mga

kasulatan sa 1 Nephi 17.

“Taas kini!” Mihunghong si Thomas. Mihimo siya og mubo nga pag-ampo sa Langitnong Amahan nga nangayo og tabang. Dayon natingala siya kon unsa kadali nga milabay ang oras.

Sa wala pa palunga ni Thomas ang iyang suga, misulod si Papa sa pag-ingon og good night.

“Kahibalo ka, Pa?”

“Unsa man, dodong?”

“Wala ko kabasa sa akong mga kasulatan sa tibuok semana kay ang mga kapitulo ingon og tag-as ra kaayo. Apan karon gusto gyud ko, mao nga nag-ampo ko, ug gitabangan ko sa Langitnong Amahan. Gibasa nako ang tibuok kapitulo, ug ingon og lima ka minutos ra kini. Usa ka maayong butang ang pag-ampo.”

“Thomas, nahibalo ka ba kon unsa kana ang bag-o lang nimong giingon?” Nangutana si Papa nga nagpahiyom. “Mipakigbahin ka

sa imong pagpamatuod!”

“Tinuod?” nangutana si Thomas. “Unsay buot nimong ipasabut?”

“Kon maghisgot ka mahitungod sa pag-ampo ug sa unsang paagi kini nakatabang nimo—usa kana ka pagpamatuod kabahin sa pag-ampo.”

Si Thomas nahingangha sa kahibulong. Gihunahuna niya ang tanang panahon diin ang mga tawo nakatudlo kaniya mahitungod sa pagpamatuod. Iyang naamguhan nga siya *diy* mipakigbahin og pagpamatuod!

Nindot kaayo ang gibati ni Thomas ingon og nakakatawa siya. Gigakos niya si Papa.

“Wow, nahimo nako!” Miingon si Thomas. “Pa, mahimo ba kong mopakigbahin sa akong pagpamatuod sa family home evening sunod semana? Kahibalo kong dili pa akong panahon, apan gusto kong maghisgot mahitungod sa pag-ampo.”

“Tingali nindot kaayo kana nga ideya,” miingon si Papa.

Samtang mibiya si Papa sa kwarto, gihunahuna ni Thomas ang tanang nahitabo nianang adlaw. Mapasalamatan siya sa pamilya, mga kasulatan, pag-ampo, ug daghan pang butang. Diha dayon, labaw pa siyang mapasalamatan sa iyang pagpamatuod. Nahibalo na siya unsaon sa pagpakigbahin ug unsay ipasabut niini. ■



“Imong masayran nga kon imong ipakigbahin ang imong pagpamatuod mas molig-on kini.”



Elder Robert D. Hales sa Korum sa Napulog duha ka mga Apostoles, “The Importance of Receiving a Personal Testimony,” *Ensign*, Nob. 1994, 20.

Usa ka Nagtubo nga Pagpamatuod

Ang mga pagpamatuod susama sa matahum nga mga tanom. Nagtubo kini sa hinay-hinay, ug nagkinahanglan sa pag-alima ug proteksyon. Sunda ang mga direksyon sa ubos aron sa paghimo niini nga tanom nga piskay ug nindot.

Kon mahibalo ka nga ang butang tinuod, duna kay pagpamatuod niana nga kamatuoran. Ang Espiritu Santo motabang kanimo nga makasabut sa kamatuoran diha sa imong hunahuna ug mohatag kanimo sa mga pagbati sa kalinaw, kalipay, kahayag, o kainit sa imong kasing-kasing. Pagkolor og usa ka bulak niini nga pahina sa matag higayon nga makabasa ka og butang sa ubos nga nahibaloan nimong tinuod.

- Ang Dios ang akong mapinang-gaon nga Langitnong Amahan.
- Ang Langitnong Amahan maminaw ug motubag sa akong mga pag-ampo.
- Tungod sa Pag-ula ni Jesu-kristo, makapuyo ako pag-usab kauban sa akong Langitnong Amahan sa umaabut.
- Si Joseph Smith mipahiuli sa ebanghelyo nganhi sa yuta.
- Duna kitay usa ka propeta sa kalibutan karon.
- Nagtudlo kanako ang mga kasulatan kon unsay gusto sa Langitnong Amahan nga akong mahibaloan.

Sama ra nga ang tanom motubo kon makadawat kini og tubig ug hayag sa adlaw, ang imong pagpamatuod mas molig-on samtang mohimo ka og maayong mga pagpili. Sa ubos mao ang pipila ka mga paagi nga ikaw makalig-on sa imong pagpamatuod. Pagkolor og usa ka dahon niini nga pahina sa matag higayon nga makahimo ka niining bulana og butang nga nakatabang nga motubo ang imong pagpamatuod.

- Mag-ampo ngadto sa Langitnong Amahan.
- Mopakigbahin sa akong pagpamatuod atol sa family home evening o atol sa pakigpulong sa Primary.
- Magbasa sa mga kasulatan.
- Maminaw ug magkat-on panahon sa Primary ug sa miting sa sakrament.
- Magsulat mahitungod sa akong pagpamatuod diha sa akong journal.
- Magmabination ngadto sa uban.
- Magbasa sa gipangtudlo sa mga propeta mahitungod sa pagpamatuod. (Mahimo nimong sugdan uban sa “Ang Tinuod nga Simbahan” ni Presidente Henry B. Eyring sa Marso 2009 *Liahona*.) ■

PAGHULAGWAY PINAAGI NI BRAD CLARK

Atong Pahina




Alina A., edad 7, Ukraine



Akong Pamilya, ni Lucas O., edad 5, Brazil



Templo, ni Scherryan P., edad 10, Samoa



Eugene Y., edad 12, taga Malaysia, gustong makigdula og Chinese chess sa iyang lolo. Sa libre niya nga oras gusto sab siyang makigdula og basketball ug badminton sa iyang mga higala. Ganahan siyang makighigala ug maminaw og mga kanta sa Chinese.



NAHIBALO KAMI NGA SIYA BUHI UG NAHIGUGMA KANAMO

Magbasa kami sa mga kasulatan ug magtuon sa mga pagtulun-an ni Jesukristo uban sa among mga ginikanan matag buntag. Kon makadungog kami og mga lider sa Simbahan nga mamulong sa komperensya ug mokutlo og mga istorya gikan sa mga kasulatan, mailhan namo ang mga pagtulun-an tungod kay natun-an na namo kini sa among pamilya. Among nasabtan ang importansya sa inadlaw nga pagtuon sa kasulatan. Nahibalo kami nga kami mga anak sa Langitnong Amahan, nga Siya buhi, ug Siya ug si Jesukristo nahigugma kanamo.

Thomas A., edad 8; Aaron A., edad 6; ug Cecilia A., edad 10, Argentina



GUSTO KO NGA MOHIMO OG MGA TUMONG

Naghimo ko og unlan nga dunay litrato ni Jesukristo tungod kay usa kini sa akong mga tumong. Mapasalamaton ko nga ako nabunyagan. Gusto kong magtipig og usa ka notebook diin makasulat ko sa akong mga tumong. Gusto kong mobuhat og mga butang, ug maniid sa akong mama ug kanunay nga mobuhat unsay iyang gibuhat.


Miriam C., edad 8, Mexico



Si Kelsey Nakahimo og Sayop

Ni Jane McBride Choate
Gibase sa usa ka tinuod nga istorya

"Kami nagtuo sa pagkamatinuoron" (Mga Artikulo sa Hugot nga Pagtuo 1:13).





PAGKAT-ON GIKAN SA MGA SAYOP

Ni Darcie Jensen

Usahay masayop kita, sama sa nahimo ni Kelsey. Kon masayop kita, makapakita kita nga nagbasol. Tan-awa ang mga drawing niini nga pahina. Lingini ang drawing sa matag kolum nga lahi sa uban.

1. Dawata nga nasayop ka.



2. Ingna, "pasayloa ko," ug pangayo og pasaylo.



3. Isaad nga dili na nimo ni buhaton pag-usab.



4. Buhata ang tanan sa pagkorihir sa nahimo nimong sayop.



AKO MAHIMONG MAGMATINUORON.

Ang bata niini nga litrato nagmatinuoron. Tan-awa kon makit-an ba nimo ang bola, kandila, cell phone, relo, cookie, iro, monyeka, balahibo, lapis, usa ka hiwa sa pan [pie], mga kasulatan, ug kutsara.



Mga Balita sa Simbahan

Bisitaha ang news.lds.org alang sa dugang nga mga balita ug panghitabo sa Simbahan.

Bag-ong mga Presidente sa Misyon Gitawag sa Pagserbisyo

Ang Simbahan mipahibalo sa mga pangalan sa 110 ka bag-ong mga presidente sa misyon sayo niining tuiga. Ang kadaghanan magsugod sa ilang duha o tulo ka tuig nga calling, pagaubanan sa ilang asawa, karong bulana.

MISYON	BAG-ONG PRESIDENTE
Argentina Bahía Blanca	Manuel Parreno
Argentina Neuquén	Paul R. Lovell
Australia Adelaide	Bradley D. Carter
Australia Perth	R. Bruce Lindsay
Australia Sydney	Philip F. Howes
Belgium/Netherlands	Alden C. Robinson
Brazil Belém	Jose C. Scisci
Brazil Belo Horizonte	Paschoal F. Fortunato
Brazil Campinas	Carlos E. Perrotti
Brazil Cuiabá	Keith R. Reber
Brazil Porto Alegre North	D. Layne Wright
Brazil Porto Alegre South	Palménio C. Castro
Brazil Salvador South	Marcelo Andrezzo
Brazil São Paulo East	Ronald A. Ferrin
Brazil Teresina	Alvacir L. Siedschlag
Bulgaria Sofia	Michael S. Wilstead
California Oakland/ San Francisco	David N Weidman
California San Fernando	Kenneth T. Hall
California Santa Rosa	Rene R. Alba
Cambodia Phnom Penh	David C. Moon
Canada Calgary	Howard Nicholas
Canada Halifax	Brian Leavitt
Canada Winnipeg	Kirk M. Thomas
Chile Santiago East	David L. Wright
Chile Viña del Mar	Frederico M. Kähnlein
China Hong Kong	Val D. Hawks
Colombia Bogotá North	Mark F. Andelin
Colombia Bogotá South	Letvin Lozano
Colombia Medellín	Roberto O. Pitarch

MISYON	BAG-ONG PRESIDENTE
Costa Rica San José	Chad R. Wilkinson
Democratic Republic of the Congo Lubumbashi	Phillip W. McMullin
Denmark Copenhagen	Shawn D. Sederholm
Dominican Republic Santiago	John Douglas
England Birmingham	R. Craig Rasmussen
England London	David J. Jordan
England London South	Roger C. Millar
France Lyon	Blake M. Roney
Georgia Atlanta	John R. Harding
Germany Berlin	Henry W. Kosak
Ghana Kumasi	Leon A. Holmes
Greece Athens	Eric B. Freestone
Haiti Port-au-Prince	Hubermann Bien-Aimé
Honduras Comayagüela	Candido Fortuna
Hungary Budapest	Lowell V. Smith
Idaho Pocatello	Marvin T. Brinkerhoff
Illinois Chicago	Jerry D. Fenn
India New Delhi	Peter E. Sackley
Japan Fukuoka	C. Samuel Gustafson
Japan Tokyo	L. Todd Budge
Korea Seoul	Brent J. Christensen
Madagascar Antananarivo	David R. Adams
Maryland Baltimore	Mark L. Richards
Massachusetts Boston	Daniel W. Packard
Mexico Cuernavaca	Bruce C. Kusch
Mexico Guadalajara	G. Wesley Wagner
Mexico Guadalajara East	Luis F. Camarillo
Mexico Hermosillo	Alberto E. Hernandez
Mexico Mexico City South	Roberto Valadez
Mexico Monterrey West	Edward M. Swapp
Mexico Puebla North	Ralph N. Christensen
Mexico Tampico	Ralph B. Jordan III
Mexico Xalapa	Paulo Lopez
Mississippi Jackson	Mark J. McDonough

Bag-ong Natukod nga mga Misyon

Aron mas mahan-ay ang mga kapanguhaan sa nagkausab nga mga panginahanglan, ang Simbahan mitukod og walo ka bag-o nga mga misyon ug gitipon ang ubang magkasilingan nga mga misyon.

Ang **Colombia Medellín Mission** natukod pinaagi sa pagbahin sa Colombia Barranquilla ug Colombia Cali Mission.

Ang **Ghana Kumasi Mission** natukod pinaagi sa pagbahin sa Ghana Accra ug Ghana Cape Coast Mission.

Ang **Mexico Xalapa Mission** natukod pinaagi sa pagbahin sa Mexico Veracruz Mission.

Ang Mexico Puebla Mission gibahin aron matukod ang **Mexico Puebla North ug Mexico Puebla South Missions.**

Ang **Vanuatu Port Vila Mission** natukod pinaagi sa pagbahin sa Papua New Guinea Port Moresby ug Fiji Suva Mission.

Ang **Utah Salt Lake City West** ug **Utah Salt Lake City**

Central mission natukod pinaagi sa pag-usab sa mga utlanan sa Utah Salt Lake City, Utah Salt Lake City South, ug Utah Ogden Mission.

Ang **Nevada Reno Mission** natukod pinaagi sa pag-usab sa mga utlanan sa Nevada Las Vegas ug Nevada Las Vegas West Missions.

Ang **Russia Moscow West Mission** gibahin-bahin ngadto sa kasilinganang Baltic, Russia Novosibirsk, ug Russia Moscow Mission.

Ang mga kausaban moepeкто karong Hulyo, diin ang pagpangulo sa misyon mausab. Ang gidaghanon sa misyon sa tibuok kalibutan karon kay 347.

Alang sa mapa sa bag-ong natukod nga mga mission, bisitaha ang ldschurchnews.com/articles/62067/New-missions-created.html ■

MISYON	BAG-ONG PRESIDENTE
Montana Billings	Kris J Mecham
Mozambique Maputo	Paulo V. Kretly
Nebraska Omaha	Michael D. Weston
Nevada Reno	David N. Hermansen
New Mexico Farmington	Doyle L. Batt
New York New York North	Thomas B. Morgan
New York New York South	Kevin E. Calderwood
New York Utica	Joseph B. Wirthlin Jr.
Nigeria Calibar	John E. Kosin
North Carolina Charlotte	Ronald L. Craven
North Carolina Raleigh	Marc A. Bernhisel
Norway Oslo	Don A. Evans
Ohio Cleveland	Michael L. Vellinga
Oklahoma Tulsa	Scott K. Shumway
Papua New Guinea Port Moresby	Suliasi Ve'a Kaufusi
Paraguay Asunción	P. David Agazzani
Peru Lima Central	Alan M. Borg
Peru Lima South	Sean Douglas
Peru Piura	Chad A. Rowley
Philippines Bacolod	Marlo O. Lopez
Philippines Baguio	William J. Monahan
Philippines Laoag	Julius Jonah F. Barrientos
Portugal Lisbon	Stephen L. Fluckiger

MISYON	BAG-ONG PRESIDENTE
Russia Rostov-na-Donu	William H. Prows
Russia Vladivostok	Gregory S. Brinton
Scotland/Ireland	Alan H. Brown
Singapore	Bradley S. Mains
South Dakota Rapid City	Curtis E. Anderson
Spain Barcelona	Mark L. Pace
Spain Madrid	Scott T. Jackson
Spain Málaga	Monte M. Deere Jr.
Taiwan Taipei	David O. Day
Texas Houston South	Brian K. Ashton
Thailand Bangkok	David M. Senior
Ukraine Dnepropetrovsk	J. Robert van Bruggen
Uruguay Montevideo	David K. Armstrong
Utah Ogden	Maurice D. Hiers Jr.
Utah Provo	John A. McCune
Utah Salt Lake City Central	Richard W. Moffat
Utah Salt Lake City West	Earl S. Swain
Vanuatu Port Vila	Larry E. Brewer
Venezuela Barcelona	Juan C. Chacin
Venezuela Maracaibo	Juan F. Zorrilla
Washington DC South	Matthew L. Riggs
Washington Spokane	Donald E. Mullen
West Indies	Daniel S. Mehr II
Zimbabwe Harare	Bryson C. Cook



Si Elder Dallin H. Oaks ug iyang asawa, si Kristen, kinsa nagmisyon sa Sendai, mieksamin sa kalamboan nga nahimo sa Japan sukad sa makapatay nga tsunami ug linog niadtong Marso 2011.

Si Elder Oaks Mibisita sa Japan Usa ka Tuig Human sa Linog

Hapit usa ka tuig human sa linog ug tsunami nga migun-ob sa Japan, si Elder Dallin H. Oaks sa Korum sa Napulog Duha ka mga Apostoles ug si Elder Donald L. Hallstrom sa Kapangulohan sa Seventy mibisita sa nasud ug mipahayag og mensahe sa paglaum ug gugma.

Sulod sa 12 ka adlaw sa Pebrero, sila si Elder Oaks ug Elder Hallstrom, inubanan sa ilang mga asawa, sila si Kristen Oaks ug Diane Hallstrom, mibisita sa Kumamoto, Nagasaki, Sendai, ug Tokyo, ingon man sa mga siyudad duol sa bay-bayon sa dapit sa Tohoku.

Sa artikulo sa *Church News*, gipasabut ni Elder Oaks ang usa sa katuyoan sa biyahe: “Kita nagtinguha nga mohupay human sa grabeng kalamidad ug tsunami nga nahitabo mga usa ka tuig na ang

milabay ug para usab motudlo ug mopamatuod nga kanunay namong ipahayag kon makigmiting sa mga misyonaryo ug mga miyembro sa Simbahan.”

Si Elder Oaks ug ang ubang mga lider sa Simbahan nakighimat sa mga Hapon nga Santos sa Ulahing mga Adlaw, mga misyonaryo, ug sa uban pa ug miawhag kanila sa “pagpangita sa paagi nga ang Ginoo nagpahinungod sa kasakit alang sa inyong kaayohan.”

Sa pagbasa sa pagpangalagad sa ubang mga lider sa Simbahan sa tibuok kalibutan, lakip nila ni Elder M. Russell Ballard sa Brazil, Elder Jeffrey R. Holland sa West Africa, Elder David A. Bednar sa Caribbean, Elder Quentin L. Cook sa Australia ug New Zealand, Elder D. Todd Christofferson sa Central Europe, ug Elder Neil L. Andersen sa Brazil, bisitaha ang news.lds.org ug prophets.lds.org. ■

Ang Simbahan Naghangyo sa mga Miyembro nga Sabton ang mga Polisiya sa Family History

Ni Sarah Jane Weaver

Mga Balita sa Simbahan assistant editor

Ang mga lider sa Simbahan naghangyo sa mga Santos sa Ulahing mga Adlaw sa pagkat-on ug sabton pag-ayo ang mga polisiya sa family history sa pagsumiter og mga ngalan alang sa mga ordinansa sa templo.

Ang mga kondisyon sa paggamit sa website sa NewFamilySearch.org gipahimutang “aron masabtan sa tanan, sa doktrina, ug sa pagtahud,” miingon si Dennis C. Brimhall, managing director sa Church Family History Department.

Ang mga kondisyon yano ug prangka. “Ang mga tiggamit dili gayud mosumiter og mga ngalan sa inilang mga tawo alang sa mga ordinansa sa templo, lakip sa ngalan sa artista o sikat nga mga tawo, o nakuha gikan sa wala tuguti nga mga extraction project,” nagpahayag nga ang tanang tiggamit kinahanglang mouyon niini matag-log-in.

Ang paghatag og gibug-aton sa pag-usab sa mga sumbanan, nasulat usab sa Church’s *Handbook 2*, tungod sa bag-ohayng wala masunod nga mga polisiya sa bunyag sa proxy sa Simbahan.

“Usa sa mga butang nga atong hinumduman nga ang pagsiksik sa atong pamilya ug pag-andam sa mga ngalan alang sa mga ordinansa, sa tinuod, usa ka responsibilidad, apan kini usa usab ka pribelihiyo,” miingon si Brother Brimhall. “Kana nga pribelihiyo gihatag ngadto sa mga miyembro pinaagi niadtong naghupot sa mga yawe sa buhat. Ang mga yawe niining buhat gihuptan sa Unang Kapangulohan sa Simbahan.”

Ang mga lider sa simbahan naghangyo sa mga miyembro nga mosumiter og ngalan alang sa proxy nga bunyag sa patay nga:

- Motrabaho lang sa ilang katigulangan.
- Dili mosumiter og ngalan sa mga artista.
- Dili mosumiter og mga ngalan sa wala tuguti nga mga grupo, sama sa mga biktima sa Jewish Holocaust.

Ang mga lider sa simbahan mipadala og pahayag niadtong Pebrero 21, 2012, isip tubag sa pangutana kabahin sa paglapas sa polisiya sa Simbahan, nga na-establisar niadtong 1995 kauban ang mga lider sa Jewish nga tinuohan.

Ang pahayag mibalik sa lig-ong pasalig sa Simbahan nga dili dawaton ang mga ngalan sa wala tuguti nga mga grupo alang sa proxy nga bunyag ug mipahinumdom nga aron makalikay sa nagprotektar niini, ang tigsumiter mogamit og “pagpanglingla ug pagmaniubra.”

Ang ingon nga binuhatan dili lang makasuspenso

sa access sa miyembro sa website sa New.Family Search.org, apan ang lokal nga mga lider mahimong mohimo og disciplinary action sa pipila ka mga kaso.

“Makaguol kaayo nga ang indibidwal, motuyo sa paglapas sa mga polisiya sa Simbahan ug butang nga sabton unta nga halad base sa gugma ug pagtahud nga nahimong tinubdan sa panagla-lis,” sulti sa pamahayag.

“Atong makita ang panahon sa pag-edukar,” miingon si Brother Brimhall. “Pahinumduman nato ang atong kaugalingon sa mga katungod ug responsibilidad ug yawe ug pribilehiyo ug kansang buhat kini ug sa unsang paagi kini buhaton ug si kinsa ang nagdumala sa buhat. Kon ato lang kining hinumduman, sa akong hunahuna mamaayo ra kita. . . . Mas mapanindot pa nato ang sistema alang sa tanan.” ■

Ang mga lider sa Simbahan naghangyo sa mga miyembro nga nagsumiter og mga ngalan alang sa mga bunyag sa patay nga motrabaho lang sa ilang kaugalingong katigulangan, dili mosumiter og mga ngalan sa artista ug wala tuguti nga mga grupo, sama sa mga biktima sa Jewish Holocaust.



MGA MINUGBO NGA BALITA SA KALIBUTAN

GIITRATOHAN NI RICK WALLACE



Isip pagpangandam sa bag-ong website, kadtong nagdumala sa Addiction Recovery Program (ang miting gipakita dinhi) nangita og personal nga mga istorya sa pagkaayo gikan sa pagkaadik.

Ang Addiction Recovery Program [Programa sa Pagkaayo gikan sa Pagkaadik] Nanawagan og mga Istorya sa Pagkaayo

Isip pagpangandam sa website sa Addiction Recovery Program (ARP) nga giiskedyul nga ipagawas karong tuiga, ang Simbahan nangita og personal nga mga istorya sa naayo sa pagkaadik.

Kadtong ganahan nga mopakigbahin sa ilang mga istorya mag-e-mail sa arp@ldschurch.org nga iapil ang mosunod nga mga impormasyon, nga himoong kompidensyal:

- Kompleto nga ngalan, edad, ug gender
- Imong litrato (mas maayo apan dili kinahanglanon)
- Imong koneksyon sa Simbahan/status isip miyembro
- Mubong paghulagway sa imong pagkaadik o ang pagkaadik sa imong minahal
- Usa ka pagpasabut nga andam ka nga mopakigbahin sa imong istorya pinaagi sa video, audio, teksto, o ang tanan
- Ang imong istorya. Naglakip sa mga sangputanan sa imong pagkaadik (palihug ayaw iapil ang dili saktong mga detalye, apan hisguti kon sa unsang paagi kini nakaapekto kanimo ug sa nagpalibut kanimo); mubo nga paghulagway sa dihang ikaw nasayud nga nanginahanglan ka og tabang; usa ka pagpasabut kon sa unsang paagi ka naayo pinaagi ni Kristo ug unsa ang imong nasinati sa dihang mibalik ang imong paglaum; ug paghulagway sa imong kinabuhi karon ug sa mga leksyon ug mga panalangin nga imong nasinati pinaagi sa pagpasaylo, paghinulsol, ug pagserbisyo.

Ang mga Miyembro sa Fiji Naghatag og Humanitarian Aid ngadto sa mga Biktima sa Baha

Niadlong Pebrero, tulo ka stake sa Suva, Fiji, nagpahigayon og kalihokan sa pagpangolekta og mga pagkaon, mga gamit sa balay, ug mga suplay sa eskwelahan alang sa mga nabiktima sa baha sa amihanang ug kasadpang Fiji.

Ang Fiji misinati og walay hunong nga kusog nga ulan karong tuiga, maoy hinungdan sa dagkong baha ug mga landslide sa kasadpan ug amihang mga dapit. Ang pagbaha maoy hinungdan sa kamatayon sa pipila ug nagpugos sa liboan nga mobakwit.

Sa dihang nagkagrabe ang baha sa kasadpan ug amihanang mga rehiyon sa Fiji, ang lokal nga mga lider sa Simbahan diha-diha dayon mibukas sa mga meeting-house isip evacuation center alang niadtong nabahaan.

Si Elder Taniela Wakolo, Area Seventy ug Church's Fiji Service Center manager, mipasiugda sa kalihokan niadtong Pebrero 6, sa wala madugay human ang lokal nga mga lider sa Simbahan naalarna sa baha. Ang mga miyembro mikolekta ug miklase-klase sa pagkaon, sinina, pangkatulog, gamit sa kusina, ug mga suplay sa eskwelahan; ang mga aytem gipang-apud-apud dayon sa mga nanginahanglan.

Sa pagbasa og dugang kabahin niini ug uban nga mga istorya, bisitaha ang news.lds.org. ■



Si Elder Steven E. Snow hingpit nga mopuli sa buhat isip Church Historian and Recorder sa ulahing bahin niining tuiga.

Si Elder Steven E. Snow Gitawag isip Church Historian

Ang Unang Kapangulohan bag-ohay lang mipahibalo sa tawag ni Elder Steven E. Snow sa Presidency sa Seventy isip Church Historian and Recorder, usa ka buhat nga giokupar sa una ni Elder Marlin K. Jensen sa Seventy.

Si Elder Snow na-release sa Presidency sa Seventy, ug si Elder Jensen hatagan og emeritus status sa kinatibuk-ang komperensya sa Oktubre 2012.

Sa pagkakaran, si Elder Snow ug si Elder Jensen magtinabangay para sa pagbansay ug transisyon. ■

Ang mga Pioneer Mitudlo Kanako

Sa miaging Disyembre nawad-an ko sa kadasig ug dili gustong adorno-han ang balay o isaulog ang Pasko. Dayon nakabasa ko og artikulo sa Disyembre 2011 *Liahona* nga naghulagway sa unsang paagi nagsaulog ang mga pioneer sa Pasko: nanayaw sa tuno sa taghoy tungod kay wala silay mga instrumento sa musika—bisan sila walay regalo ug gamay lang ang pagkaon (tan-awa sa “Pasko alang sa Una nga mga Pioneer” sa “Gagmay ug Yano nga mga Butang,” 9). Kadto nga artikulo nakatabang kanako nga mausab ang akong kinaiya ug kasingkasing. Usahay kita dili moila o mohatag og bili sa mga butang nga anaa kanato.

Ana Rosa de Melo Ferreira, Rio de Janeiro, Brazil

Tinguhaon ang Dios Matag Adlaw

Salamat sa Enero 2012 nga isyu. Akong bana ug ako adunay talagsa-ong kasinatian samtang nagbasa sa artikulo ni Adam C. Olson, “Pagdiskubre Pag-usab sa Usa ka Katingalahan sa Kalibutan . . . ug Paglikay sa mga Kakuyaw sa Kakulang sa Espirituhanong Pagbati,” (pahina 20). Kini nakatabang kanamo nga makaamgo sa makanunayong panginahanglan sa pagtinguha sa Dios matag adlaw sa among kinabuhi. Nasayud ko nga ang mga mensahe diha sa magasin dinasig tungod kay kadaghanan niini miabut sa akong kinabuhi sa dihang nanginahanglan ko kaayo niini.

Daiana Araceli Beloqui de Iannone, Buenos Aires, Argentina

Palihug ipadala unsay inyong ikasulti o mga sugyot ngadto sa liahona@ldschurch.org. Ang mga gisumiter mahimo nga i-edit alang sa gitas-on o sa pagklaro. ■



Kini nga isyu naglangkob og mga artikulo ug mga kalihokan nga mahimong magamit alang sa family home evening. Ang mosunod mao ang pipila ka mga ehemplo.

“Ang Kalig-on sa Atong Panulundon,” pahina 16: Basaha ang artikulo uban sa inyong pamilya. Hatagi og gibug-aton ang pahayag ni Elder L. Tom Perry: Sama nga ang mga pioneer mipalambo pag-ayo sa disyerto sama sa rosas, mao usab ang atong mga kinabuhi ug pamilya mahimong molambo kon atong sundon ang ilang ehemplo ug mosunod sa ilang mga tradisyon. Ikonsiderar sa pagpangutana kon sa unsang paagi ang inyong pamilya mas makasunod sa ehemplo nga gipakita sa mga pioneer. Mahimo ninyong tapuson pinaagi sa pagkanta “Dali, Dali, Kamo mga Santos” (*Mga Himno ug mga Awit sa mga Bata*, nu. 2).

“Pag-atubang sa Umaabut nga may Paglaum,” pahina 35: Mahimo ninyong i-summarize ang istorya ni Brother Grilo o mosaysay og personal nga istorya kon sa unsang paagi kamo o ang inyong kaila miatubang sa umaabut nga may paglaum. Tabangi ang mga sakop sa pamilya nga magamit ang mensahe sa ilang kinabuhi pinaagi sa pagpangutana: “Unsa ang mga hagit nga

nakapalisud kaninyo sa pagbaton og pagtuo sa umaabot? Unsa ang inyong mahimo aron magmapositibo samtang kamo nag-atubang niining mga hagit?” Ikonsiderar sa pagtapos pinaagi sa pagbasa sa katapusang duha ka mga paragraph sa artikulo.

“Unsa ang Lunsay nga Pagpamatuod?” pahina 54: Sugdi ang inyong leksyon pinaagi sa pagpakigbahin, unsa ang pagpamatuod nga gitudlo sa artikulo. Dayon ikonsiderar ang pag-summarize sa mga pangutana kabahin sa pagpamatuod (tan-awa sa mga pahina 56–57). Kon dasigon, pagdapit og sakop sa pamilya sa pagpamatuod atol sa family home evening o sa pagsulat sa ilang pagpamatuod diha sa ilang journal.

“Usa ka Hunghong sa Kamabination,” pahina 59: Basaha ang Lucas 6:27. Dayon ipakigbahin ang istorya nila ni James ug Carson, mohunong og kadiyot aron sa pagpangutana sa mga pangutana nga makita sa ubos sa unang pahina. Awhaga ang mga sakop sa pamilya nga magmabination ngadto sa uban. ■

“Gawas sa Balay” nga mga Family Home Evening

Sa dihang 10 anyos ko, nabunyagan ko uban sa akong mga ginikanan ug mga igsoon. Malipayon kaayo ko nga nagtubo nga adunay regular nga family home evening. Ang family home evening mao ang kasingkasing sa among pamilya.

Namiyembro ko sa Simbahan sobra na sa 45 ka tuig. Uban sa akong lima ka anak, ang tradisyon nagpadayon. Ang Lunes sa gabii gireserba alang sa pamilya.

Sa katapusang Lunes sa bulan, kami adunay mas taas nga kalihokan nga gitawag og “gawas sa balay” nga family home evening. Kami manan-aw og sine, mobisita og masakiton, magdula sa parke, mobisita nila ni Lola ug Lolo (among mga apohan) ug daghan pa.

Ang dili nako makalimtan nga kasinatian mao kadtong giserbisyon namo ang mga bata diha sa kalsada. Dili namo mapahayag ang hingpit nga kalipay nga among nabati sa pagtabang niadtong nanginahanglan. Kami misulay, sa among gamay nga paagi, sa pagpalipay niadtong mga bata ug sa pagpahibalo kanila nga adunay nabalaka kanila ug kitang tanan mga anak sa Dios. ■

Tita Mabunga Obial, Philippines

WALAY BULING GIKAN SA KALIBUTAN

Ni Julie Thompson

Pipila ka tuig ang milabay, miabut ko sa Templo sa Bountiful Utah aron motuman sa buluhaton sa panggabii nga paglimpyo. Daghan kaayo ang mitunga, ug naghunahuna ko sa makadiyot nga basin ang uban papaulion. Andam ra kaayo kong mobiluntaryo nga mopauli og sayo. Dayon daw mabiay-biayon kong naghunahuna, “Siyempre dili sila mopapauli kanamo og sayo. Makakita ra sila og ginagmayng mga buluhaton alang namong tanan, naghunahuna nga ilang katungdanan ang pagpabilin kanamo didto sulod sa duha ka oras.” Nahinumdom ko sa buluhaton nako kaniadto nga namaspas ko sa abug kapin sa usa ka oras, nga sa pag-uli sa panapton sama ra gihapon kalimpyo sa dihang gihatag kini kanako. Giandam nako ang akong kaugalingon nga mogahin og duha ka oras sa paglimpyo sa mga butang nga ingon og wala magkinahanglan nga limpyohan. Dayag lang, miadto ko sa templo nianang gabhiona tungod lamang sa katungdanan kay sa tinguha nga moserbisyo.

Gidala ang among grupo ngadto sa usa ka gamay nga chapel alang sa usa ka debosyonal. Ang custodian nga nagdumala sa debosyonal misulti og usa ka butang nga nakapausab gayud sa akong panglantaw sa mga buluhaton sa pagpanglimpyo. Human sa pag-welcome kanamo, mipadayon siya sa pagpasabut nga wala kami moadto didto aron sa paglimpyo sa mga butang nga wala magkinahanglan nga limpyohan apan sa paghimo sa balay sa Ginoo nga dili gayud mahugaw. Isip mga tinugyanan sa usa ka pinakasagradong mga dapit sa yuta, kami dunay responsibilidad sa paghimo niini nga walay buling.

Ang iyang mensahe midulot sa akong kasingkasing, ug mipadayon ko sa gi-assign nako nga dapit uban sa bag-ong kahinam aron sa pagpanalipod sa balay sa Ginoo. Migahin kog panahon gamit ang humukon nga brush sa pintal, sa pagtang-tang sa abug



Naghunahuna ko nganong naa ko sa templo aron manglimpyo nga wala may hugaw. Apan akong nahiba-loan nga ang paglimpyo dili gayud mao ang tuyo.

sa pino nga mga frame sa baseboard, ug sa mga tiil sa mga lamesa ug mga lingkuranan. Kon gihatagan pa ko niini nga buluhaton sa unang pagbisita, maghunahuna tingali ko nga kini walay kapuslanan ug walay pag-amping nga bagnusan ang mga dapit aron lang makita nga naa koy gibuhat. Apan niining higayona, akong gisiguro nga ang mga tumoy sa brush moabut gyud sa pinakapino nga mga lungag-lungag.

Tungod kay kini nga trabaho dili man lisud sa pisikal o sa panghunahuna, napanalanginan ko og panahon sa pagpamalandong samtang nagtrabaho ko. Naamguhan nako og una nga wala gayud nako tagda ang ingon niana nga limpyohan sa kaugalingon nako apan gilimpyohan lang ang dapit nga makita dayon sa uban, nga gitaligam-an kadtong dapit nga ang mga sakop sa pamilya ra ang nakahibalo.

Sunod akong naamguhan nga akong gisunod ang ebanghelyo sa susama nga paagi—nagsunod sa mga baruganan ug nagtuman niadtong mga buluhaton nga makita dayon niadtong mga nagpalibut kanako samtang gitaligam-an ang mga butang nga ako ra ug ang akong pamilya ang nahibalo. Misimba ko, dunay mga calling, mituman sa mga buluhaton, nag-visiting teaching—tanan kini makita sa mga miyembro sa among ward—apan gitaligam-an ang pag-adto sa templo kanunay, ang personal ug pamilya nga pagbasa sa kasulatan ug pag-ampo, ug mag-family home evening. Nagtudlo ko og mga leksyon ug namulong sa simbahan apan usahay kulang sa tinuod nga gugmang putli sa akong kasingkasing kon kabahin na sa pakig-inter-aksyon sa uban.

Niadtong gabhiona sa templo, akong gihunahuna ang brush sa pintal nga diha sa akong kamot ug nangutana sa kaugalingon, “Unsa man ang ginagmayng mga lungag sa akong kinabuhi nga nagkinahanglan og dugang nga pagtagad?” Nakahukom ko nga imbis magplano aron mabalik-balik og limpyo ang mga dapit sa akong kinabuhi nga nagkinahanglan og pagtagad, maningkamot kong dili gayud kini tugutan nga mabulingan.

Mahinumdoman nako ang leksyon sa pagpanglimpyo sa templo sa matag higayon nga pahinumdoman kita sa paghimo sa atong mga kaugalingon nga “walay buling sa kalibutan” (Santiago 1:27). ■



Ang Balay sa Peterson, ni LeConte Stewart

Kining malinawon nga talan-awon sa usa ka umahan sa Peterson, Utah, usa ka pagpakita sa katumanan sa saad sa Ginoo ngadto sa mga Santos sa Ulahing mga Adlaw sa Winter Quarters, Nebraska, niadtong Enero 14, 1847. Gipasabut nga “ang Pulong ug Kabubut-on sa Ginoo,” kini nga pinadayag gihatag ngadto ni Presidente Brigham Young samtang giandam niya ang mga Santos sa pagbiya sa ilang temporaryong mga panimalay sa Winter Quarters ug magpadayon sa paglatas sa mga kapatagan padulong sa Walog sa Salt Lake:

“Himoa nga ang matag tawo nga mogamit sa iyang tanan nga impluwensya ug katigayunan sa pagdala niini nga mga katawhan ngadto sa dapit diin ang Ginoo mopahimutang sa istaka sa Zion.

“Ug kon kamo mobuhat niini uban ang putli nga kasingkasing, sa tanan nga pagkamatinuoron, kamo mapanalanginan; kamo mapanalanginan sa inyong pundok sa mga hayop, ug sa inyong mga hayupan, ug sa inyong mga umahan, ug sa inyong mga balay, ug sa inyong mga banay” (D&P 136:1, 10–11).



“Isip miyembro sa Ang Simbahan ni Jesukristo sa mga Santos sa Ulahing mga Adlaw,” pasabut ni Presidente Thomas S. Monson, “kinahanglan natong hatagan og balaan nga pagtahud ang sagradong mga pakigsaad, ug ang pagkamatinuoron gikinahanglan alang sa kalipay. Oo, naghigut ko kabahin sa pakigsaad sa bunyag, priesthood ug sa kaminyoon isip mga ehemplo.” Tungod ang pagtuman sa atong mga pakigsaad mahinungdanon sa atong kalipay karon ug sa kaulahian sa pagdawat og kinabuhing dayon, importante nga atong masabtan unsa ang atong gisaad ngadto sa atong Langitnong Amahan. Tan-awa sa “Pagsabut sa Atong mga Pakigsaad ngadto sa Dios,” pahina 20.